

آلتوجی ملتم

نومه نامی ۱۹۲۸

صاپی : ۱

دارالفنون

الطبیف اول شهر جمیع عہد

فلسفہ، اجتماعیات، تاریخ، جغرافیا، ادبیات

ایکی آبادہ برنس نسراں اول نور

مسند رجہات

علی فواد	روم ایلیٰ شرقی مسئلہ سے
احمد رفیع	۱۱۴۸ - ۱۱۵۲ سفری
نجیب عاصم	تورکیول
راغب حلوی	بکشاشیلرک جغرافی توزعی

استانبول — دولت مطبوعی

۱۹۲۸

روسیا و آوستربایه قارشی

۱۱۴۸-۱۱۵۲ سفری

(۴ و ۵ نجی صاییدن مابعد)

- ۵۷ -

امراء مصادرن اولوب مقدما ایران جانبنه مأمور مصر عسکری اوزرینه تعیین اولنان
دام عزه ویدی او باق ضا بطالرینه حکم که
بعون الله تعالی قریم مملکتی مضافاتندن اولان اورقپو طرفنک و حوالیسند دشمن
دیندن محافظه و محارسه سی و ملاعین دوزخ مکینک قهر و تدمیر لیچون اوز طرفده اجناد
غزا اعتیادک توفیر و تکشیری ایله اعدای دین دولت عابنه ک مملکت اسلامیه دن طرد
و تبعیدلری و کید مضر تلرندن عبادالله هک تأمین و تخلصی اهم مهام دین دولت علیه واقدم
لوازم سلطنت سنه مدن اولوب و سرکه مومنی الیهم سر مباشر تعیین اولنان در کاه عالی قیوجی
باشیلرندن و خاصه سلحشور لرندن افتخار الاماجد والا کارم ... دام مجده مباشتیله الیوم
معیتکزده موجود اولان مصر عسکریله حالا طربزونه وصولکز اعلان اولنوب و مصر
عسکری شجاعت و دلاورلک ایله موصوف و غیرت و حمیت ایله معروف و هر بار واقع
اولان جنک و پیکارده شجاعت و مردانه لکلری ثابت و ظاهر و آشکار اولمش معتمد علیه
و معتمد به قول رمدن اولوب بوایام میمفت انجماده ملاعین شرکیندن بعونه تعالی اخذ کین
ونصرت دین میین ایله اراحه ضعفا و مسلمین ایچون اظهار غیرت و حمیت اسلامیه جمله موحدین
اوzerینه لازم دین اولدینی بلاشبھ و میین اولمغله سرکه مومنی الیهم سر اشبو اصر شریف
واجب الامتثال وصولنده قطعا بر آن تاخیر و توقف و بوقتی سائر وقتی قیاس ایلیوب اهور
دین میمnde اظهار غیرت و حمیت وقتی اولمغله الیوم یانکزده موجود مصر عسکریله مباشر
مومنی ایله معرفتیله حالا طربزونده حاضر و موجود اولان سفینه لره سوار و ان شا الله تعالی
قره دکزدن فارشو قریم آطه سنه کذار و دستور مکرم مشیر مفیخم نظام العالم حالادریا قپو دانی
اولان وزیر الحاج محمد پاشا ادام الله تعالی اجلاله نک رأی صوابیدی ایله اول حوالیدن
اعدای دینک قهر و تدمیری ایله دفع شر و مضر تلرینه اهتمام و امور غزادن بهره یاب اولمغه

بیک جان ایله اقدام و اهتمام ایلیه سر غزا نیتی ایله سفر بعید اولان محلدن کلوپ تعویق وقت ایله محلنده بولنامغله امور غزادن بینصیب اولمکز لازم کادوکندن ماعدا عساکر منصوره نک قلتنه باعث اولمغله تلوں طبیع هایونه بادی اولمقدن بغايت احتراز ایلموسن حاصلی طربزوند بروجهله مکث و بردرلو عذر و بهانه ایله تأخیر و توقف یوقدر هرنک حال ایله اولور ایسه اولسون البته والبته برساعت مقدم مباشر مویی ایله معرفتیله معینکزده اولان مصر عسکری ایله طربزوندن سفینه لره سوار و بر آن اول قره دکزدن قارشو قریم قپوسته واروب واصل اولمغه اقدام و خواب و راحتی کندوکزه حرام ایدوب و ان شا الله تعالی اولظرفه وصولکزده باجلمه مصر عسکریله وزیر مشارالیه کزه رأی اصابت قرینلری اوزره حرکت ایله اعدای دینک قهر و تدمیرلری ایله دفع شر و مضر تلرینه سعی وقدرت وزیاده سیله اهتمام و دقت ایلیه سر شویلکه فرمانم اولدینی اوزره معینکزده اولان مصر عسکری ایله بر ساعت مقدم طربزون اسکله سنده سفینه لره سوار و بر آن اول صوب مأموره واروب ایرشمیوب بطائت و تکاسلکز ظهور ایدوب باذن الله تعالی تعویق و قته باعث و بادی اوله حق اولور سکز صکره بر درلو عذر و جوابکز اصفا اولنیوب عقوبت شدیده ایله معاتب اوله جنگکزی مقرر و محقق بیلوب اکا کوره بو خصوصیه زیاده بصیرت و انتباہ اوزره حرکت وسلامت حالکز سرمه لازم ایسه تعجیل علی التعجیل بر ساعت اول محل مأموره واروب وزیر مشارالیه کزه رأی رزینی ایله سبیل دین مینده جمله کز مساعی مشکوره وجوده کتورمکله استیحصال رضای هایونه اقدام و اهتمام و خلافتندن غایه الغایه احتراز واجتناب ایلکز بابنده فرمان عالیشانم اولمشدر من اواسط ص ۱۱۴۹

— ۵۸ —

جناب امارت مأب ایالت نصاب سعادت اکتساب ذوالقدر الاتم والعمرا اثم علم افزای خطه شهامت یکه تاز عرصه جلادت پسندیده خالدان خانی کزیده ایلخانی استانه سعادتمند ک خیر خواهی مظاهر التفات الهمی بالفعل قریم خانی اولان قیلان کرای خان دامت معالیه تحیات عنبر نسیم که محض عنایت پادشاهی و فرط التفات شهنشاهیدن صادر و مبادر اولور مطالعه قلندقدن صکره معلومکز اوله که دشمن دین مین دولت علیه من اولان ملاعینی بوندن اقدم نقض عهد و پیمان و طابور مقهوریله کلوپ قریم مملکتی مضافاتندن اولان اور قپوی و اولحوالیله استیلا ایتمکله بعون الله تعالی اول طرفه ملاعین مسفورینند

محافظه و محارسه سی و قهر و دمار ریاه مملکت اسلامیه دن طرد و ابعاد لری و کید و مضر قلندهن
 بlad و عبادک تخلیصی اهم واجبات دینیه واقدم لوازمات سلطنت سنه مزدن اولوب و سر
 دولت علیه ابدپیوند مزک خیرخواه صادق الفوادی دودمان سعادت عنوان مزک دوام جوی
 صداقت نهادی اولدوغکز اجلدن بو خصوصده جناب نعم ابلرندن غیرت و حمیت ایله خدمت
 و رضای هایون مزه موافق حرکت مأمول طبع هایون صفامقر و نمز اولوب بوقت سار او قاته
 قیاس اولنیوب جیوش آتش خروش جنگی زیان هربار غزا و جهاد و دفع اعدای بدنهاده
 او قاتکذار اولان مجاهدین دن اولوب و حالا غیرت و حمیت ایله دشمن دیندن اخذ انتقام
 وقتی اولمقله اولظرفلره مستولی اولان ملاعین دوزخ مکینک بعون الله تعالی و قدرته قهر
 و تدمیر لری ایله دفع وجود لرین از الله لرینه شدن طاق همت و رأی حسن اصابت پذیر لریله
 تخلیص مملکته دقت ایلخانیلری مبذول قلنوب لا بق شان و سعادت نشان و مقتضای
 اعتلام کانلری او زره آثار حسنه و خدمات مستحبه وجوده کتور ملری ملحوظ صفامظا هير
 ملوکانه مز اولدوغنه بناءً اشبیو نامه هایون ملاطفت مقر و نمز اصدار و خاصه سلحشور لرمدن
 قدوة الاماحد و الاعیان یوسف دام مجهد ایله ارسال اولنشدر ان شا الله تعالی وصول نده ذات جلادت
 سما تلرنده مرکوز و مرموز اولان و فور غیرت و حمیت و شمول شهامت و صداقت مقتضای سنه
 بوا مر لازم الا هتمه حناب شجاعت مأبلری اولظرفده سلاطین میرزا یان رسم مضاف و اعیان
 غرات تاتار و سار عسا کر منصورة شجاعت اتصاف ایله قیام ایدوب آستانه سعادت آشیانه مزدن
 حالا ترسانه عاصه مز طرفندن یرار و بهادر و جنک و حر به قادر منتخب و ممتاز و میدان معز کده
 در باز و سرفراز بیک نفر کزیده و توانا لون دات وارد دی هایونم طرفندن تعین او لان در کاه
 معلم یکی چریلرندن اوچ بیک نفر یکی چری و بیک نفر جبه جی و طوپچی من حیث المجموع
 درت بیک نفر یکی چری و جبه جی و طوپچی نفراتی وارنه اسکله سندن سفینه لر ایله وایران طرفندن
 آستانه سعادت عودت ایدن در کاه معلم یکی چری او جاغنك قول کتیخداسی دخی معینه ده
 اولان او طه لو و یماقان نفراتیله و در کاه معلم جبه جیلری او جاغنی کتیخداسی یان نده اولان
 او ز تلرک موجود اولان نفراتیله و در کاه معلم طوپچیلری او جاغنی کتیخداسی دخی کذلک
 یان نده اولان او رتلرک طوپچی نفراتیله سینوب اسکله سندن جانب بحر دن سفاین ایله قریم
 آطه سنه واروب ایریشوب و قول کتیخداسی وارد قدن صکره یان نده اولان او طه لو و یماقان
 نفراتی او اولظرفدن تصحیح و بدر کاه ایله ایکی بیک نفره و جبه جیلر کتیخداسی دخی تصحیح
 و بدر کاه ایله نفراتی بشیوز نفره و طوپچیلر کتیخداسی دخی تصحیح و بدر کاه ایله نفراتی

ایکیوز ایکی نفره تکمیل ایلک ایچون خط هایون شوکتمقر و نمز ایله معنون امر شریفمنز
صدور و اندردن ماعدا ایران طرفندن طرب زون اسکله سنه کلان مصر عسکری دخی اسکله منز بوره دن
سفاینه سوار و اندر دخی برساعت اول دستور مکرم مشیر مفیخم نظام العالم قپودانم وزیر
الحاج محمد باشا ادام الله تعالی جلاله نک یانه واروب رأی صوابیدی او زره حرکت
ایلک ایچون کذلک خط هایون شوکتمقر و نمز ایله معنون امر شریفمنز ایله تنیبیه و تأکید و ارسال
وزیر مشارالیه دخی بو خصوصی طرف ایلخانیلر ایله اتفاق و اتحاد و اعدای مشرکینک قهر و
تدمیر لرنده بذل قدرت اولنسنی مشعر کذلک خط هایون مهابت مقرو نمز ایله اکید و شدید
باشقه امر شریفمنز شر فیاقتہ صدور اولوب و اقتضا ایدن طوب و مهمات وجبه خانه و طوپخانه
وساًر عد و عتاد دخی آستانه سعادتمند کیلوه تحمل و عجاله اول طرفه کوندر لسلکه جناب
نعم المأبلری اقتضا ایدر ایسه وزیر مشهارالیه ایله دخی خبر لشوب و یانه واروب موجود
اولان طوائف عسکر منصوره دن و طوب و مهمات وجبه خانه و طوپخانه دن لزومی مقداری
طرف باهر الشر فلرینه عسکر و طوب و ساًر مهمات است صحاب و وزیر مشارالیه ایله اتفاق و حسن
تدبیر و تدارک ایله بعونه سبحانه و تعالی دشمن دینک قهر و دمار لرینه و دفع مکاید و مضار لرینه
وامکانی اولدینی حالده خانمانلرین سوزان و قتل وسی ایله مملکت لرین دخی آلان و تالان
مثللو خسارت ایتدر مکه و جانلرینه القای حیرت و دهشت و برو طرف لردن کف دست
ضلالت پیوسته ایله خائین و خاسرین سمت ادب ایله رجعت لرینه اجاله کمیت
مکنیت و بتاید الله املک المعین اعلاء اعلام دین قویم و تکیل رایات کفر و ضلال ذمیم و نصرت دین مین
و تدمیر کفره مشرکین ایله اغوردین و دولت علیه منزه اسلام سعادت اتصاف کزدن زیاده
یمن اقتضای پادشاهانه منزی جلب اولور خدمات جلیلة الاثار وجوده کتور مکه بذل همت
والانهمت خانیلری مأمول مزدر شویله به سز تحریراً فی الیوم الثانی والعشرين من صفر سنه
تسیعه ، اربعین و مائة والف

- ۵۹ -

قپودان پاشایه حکم که

سنکه وزیر مشارالیه سن بوندن اقدم نقص عهد و پیان ایله قریم مملکت نه مستولی اولان
مسقو کفره می ملاعینک بعنایة الله املک القهار قهر و دمار و دفع شر و مضار لریله اول حوالیدن
طرد و بعادلریچون با جمله دونمای هایونم رجایله سن کفه طرفه مأمور و امر تقویت ایچون

استانه سعادتمدہ ترسانه عامرہم طرفندن یرار و بهادر وجنمک حربہ قادر توانا یکیدلردن
 ایکی بیکلوندات واردوی هایونم طرفندن در کام معلم یکیچریلرندن اوچ بیک نفر بکیچری
 و بیک نفر جبه جی و طوپجی من حیث المجموع درت بیک نفر اولمق اوزره وارنه اسکله سندن
 سفاین ایله و ایران طرفندن استانه سعادتم جانبندی عودت ایدن در کاه معلم یکیچریلری
 او جاغنک قول کتخداسی معیننده اولان او طھلو و یماقان نفراتیله در کاه و معلم جبه جیلری
 او جاغنی کتخداسی یاننده اولان اورتلرک موجود بولنان جبه جی نفراتیله در کاه معلم
 طوپجیلری او جاغنی کتخداسی و كذلك یاننده اولان اورتلرک موجود بولنان طوپجی نفراتیله
 سینوب اسکله سندن جاپ بحردن سفاین ایله طرفکه واروب ایریشوب و قول کتخداسی
 واردقدن صکرہ یاننده بولنان او طھلو و یماقان یکیچری نفراتی اول طرفه تصحیح و بدر کاه ایله
 بیک نفره و جبه جیلر کتخداسی نفراتی بشیوز نفره و طوپجیلر کتخداسی دخی ایکیوز الی
 نفره تکمیل ایملری چون خط هایون شو کتتمقر و نمله معنوں امر شریفم صادر و اندردن ماعدا ایران
 طرفندن طربزون اسکله سننے کلان مصر عسکری دخی كذلك خط هایون شو کتتمقر و نمله
 مقدم و مبرم مباشر معرفتیله صادر اولان امر شریفمله اسکله من بوره دن سفاین سوار و اندر
 دخی سریعاً برکون اول و رساعت مقدم طرفکه وار مق اوزره هر برینه تنبیه و تأکید و اقتضا
 ایدن طوب و مهمات وجبه خانه و طوپخانه و سائر عد و عتاد و خائز دخی آستانه سعادتمدنه کیلرہ
 تحمیل و سریعاً و عاجلاً طرفکه ارسال اولندوغنی مشعر مقدمہ سکا خطاباً مفصل و مشردح
 صادر اولان امر شریفمله افہام اولندوغنده غیری الیوم اول طرفه عساکر نصرت مدارمک
 توفیر و تکشیری و احتشاد و اجتماعی زیاده اهم والزم اولدوغنه بناءً ترسانه عامرہ مددہ دخی
 مجدداً اوچ بیک نفر توفنک انداز قالیونجی نفراتنه و قره دکز سواحلنہ سمت و قریب
 اولان قضلاردن دخی در کاه معلم قپوجی باشیلرندن عمردام مجده مباشرتیله و در کاه معلم
 یکیچریلری او جاغنده طور ناجی باشی اولان علی زید مجده معرفتیله اوچ بیک نفر
 در کاه معلم یکیچریلری تصحیح و بدر کاه و برکون اول جملہ سنی سینوب اسکله سندن
 سفاینہ تکشید و کنڈولریله معاً طرفکه وار مق اوزره مأمورلر قلنوب وسن وزرای عظامیک
 امور دیده و نامدار وارشدی وحسن تدبیر و شجاعت جهتلرندن انم و امجدی اولوب بعونه
 سبیحانہ و تعالیٰ اول اطراف وحوالیدن دشمن دینک قھرو دمارلری ودفع شر و مضارلریله
 طرد وابعادلرندہ سندن غیرت و حمیت مأمول و منتظر اولوب و جناب امارت مأب ایالت نصاب
 سعادتمدہ اکتساب بالفعل قریم خانی اولان قیلان کرای خان دامت معالیه نک طرف

با هر الشمر یفلریله دخی داما خبر لشوب و مقتضای وقت و حاله کوره حرکت و عون عنایت
واهـ المرامـه قـوت قـلب اـیـلـه بـرـزـدـهـ دـاـمـانـ غـیرـتـ وـحـیـتـ وـمـقـتـضـایـ حـسـنـ تـدـبـیرـ وـاقـتـضـایـ رـأـیـ
اصـابـتـ پـذـیرـاـیـلـهـ مـلاـعـینـ دـوـزـخـمـکـینـ قـهـرـ وـتـدـمـیرـلـرـیـ وـاـوـلـ اـطـرـافـ وـحـوـالـیـدـنـ طـرـدـ وـاـبـعـادـ دـفـعـ
مضـارـلـرـیـنـ زـیـادـهـ سـیـلـهـ اـهـتـامـ وـبـوـاسـرـ وـاجـبـ الـاـقـدـامـ دـوـلـتـ عـلـیـهـ مـکـ اـجـلـ اـمـوـرـ عـلـیـهـ سـنـدـنـ اوـلـمـغـلـهـ
ازـدـرـوـنـ کـایـنـبـغـیـ اـقـدـامـ وـسـنـدـنـ مـأـمـوـلـ وـمـنـتـظـرـ اوـلـدـیـغـیـ اوـزـرـهـ بـوـخـصـوـصـدـهـ اـسـتـجـلـابـ رـضـایـ
هـمـایـوـنـهـ سـعـیـ مـالـاـ کـلامـ اـیـلـیـوـبـ وـوـجـهـ مـشـرـوـحـ اوـزـرـهـ طـرـفـیـکـ جـسـتـهـ جـسـتـهـ اـرـکـانـ وـطـوـایـفـ عـسـکـرـیـ
وـذـخـایـرـ وـمـهـمـاتـ وـجـبـهـ خـانـهـ وـطـوـپـخـانـهـیـ دـخـیـ صـنـفـ وـاجـنـاسـ اـیـلـهـ صـحـتـیـ اوـزـرـهـ وـسـائـرـ اـحـوالـ وـ
آـثـارـیـ دـخـیـ پـیـدرـپـیـ عـجـالـةـ وـمـهـوـرـآـ رـکـابـ هـمـایـوـنـهـ عـرـضـ وـاعـلـامـ اـیـلـکـ باـبـنـدـهـ فـرـمـانـ عـالـیـشـانـ
صـادـرـ اوـلـمـشـدـرـ فـیـ اوـخـرـ رـاـ ۱۱۴۹

- ۶۰ -

قـپـوـدانـ پـاشـایـ حـکـمـ کـهـ
اوـزـیـ قـلـعـهـ سـیـ طـرـفـیـکـ بـعـونـهـ تـعـالـیـ دـشـمـنـ دـینـدـنـ مـحـافـظـهـ وـحـمـایـهـ سـیـ اـهـمـ مـهـاـمـ دـوـلـتـ
علـیـهـ مـدـنـ اوـلـوـبـ وـاـوـلـطـرـفـکـ دـشـمـنـ دـینـدـنـ مـحـافـظـهـیـ دـوـنـمـایـ هـمـایـوـنـمـ سـفـایـنـدـنـ بـرـقـاجـ قـطـعـهـ
سـفـینـهـیـ بـهـ مـحـتـاجـ اوـلـمـغـلـهـ سـنـکـهـ وزـیرـ مـشـارـالـیـهـ سـنـ اـمـرـ شـرـیـفـمـ وـصـوـلـنـدـهـ وـجـهـ مـشـرـوـحـ اوـزـرـهـ
اوـزـیـ طـرـفـیـکـ مـحـافـظـهـ سـیـچـوـنـ مـعـیـتـکـدـهـ اوـلـانـ دـوـنـمـایـ هـمـایـوـنـمـ سـفـایـنـدـنـ لـوـنـدـاتـ وـفـوـرـسـهـ سـیـ
مـکـمـلـ اـیـکـ قـطـعـهـ چـکـدـرـیـ سـفـینـهـ سـیـ وـلـوـنـدـاتـ وـطـاـقـیـ مـکـمـلـ بـشـ قـطـعـهـ فـرـقـتـهـ وـبـشـ قـطـعـهـ
قـنـجـهـ باـشـ دـوـنـمـایـ هـمـایـوـنـدـنـ اـفـرـازـ وـاوـزـیـ قـلـعـهـ سـیـ طـرـفـیـ تـعـیـنـ وـارـسـالـ اـیـدـوـبـ بـوـخـصـوـصـدـهـ
قـطـعاـ بـرـدـرـلوـ تـأـخـيرـ وـتـوـقـفـ وـبـرـکـونـهـ عـذـرـ وـبـهـانـهـ اـیـلـیـوـبـ باـیـ حـالـ فـرـمـانـ اوـلـدـیـغـیـ اوـزـرـهـ ذـکـرـ
اوـلـنـانـ چـکـدـرـیـ وـفـرـقـتـهـ وـقـنـجـهـ باـشـلـرـیـ بـرـکـونـ اوـلـ کـوـنـدـرـمـکـهـ اـهـتـامـ وـدـقـتـ اـیـلـیـهـ سـنـ شـوـیـلـهـ کـهـ
سـالـفـ الدـکـرـ اوـزـیـ قـلـعـهـ سـنـکـ طـرـفـیـ بـهـ حـالـ مـحـافـظـهـ وـمـحـارـسـهـیـ مـحـتـاجـ اوـلـوـبـ وـبـوـخـصـوـصـ
بـرـدـرـلوـ عـذـرـ وـعـلـتـ قـبـولـ اـیدـرـ موـاـدـدـنـ اوـلـمـیـوـبـ الـبـتـهـ اوـلـمـقـدارـ چـکـدـرـیـ وـفـرـقـتـهـ وـقـنـجـهـ باـشـکـ
اوـلـجـانـبـهـ کـوـنـدـرـلـسـیـ زـیـادـهـ مـهـمـ وـمـقـتـضـیـ اوـلـمـغـلـهـ اـمـرـ شـرـیـفـمـ مـغـایـرـ بـرـکـونـهـ عـذـرـ وـعـلـتـ اوـلـمـیـوـبـ
الـبـتـهـ وـالـبـتـهـ اـمـرـ شـرـیـفـمـ وـارـدـیـغـیـ سـاعـتـ تـعـجـیـلـ عـلـیـ التـعـجـیـلـ ذـکـرـ اوـلـنـانـ چـکـدـرـلـرـیـ وـفـرـقـتـهـ
وـقـنـجـهـ باـشـلـرـیـ فـرـمـانـ اوـلـدـیـغـیـ وـجـهـ اوـزـرـهـ مـکـمـلـ وـفـوـرـسـهـ سـیـ وـلـوـنـدـاتـ وـطـاـقـلـرـیـهـ دـوـنـمـایـ
هـمـایـوـنـدـنـ اـفـرـازـ وـصـوـبـ مـأـمـوزـهـ اـرـسـالـ وـبـعـونـهـ تـعـالـیـ اوـلـحـوـالـیـنـکـ حـاـفـظـهـ وـمـحـارـسـهـ سـنـدـهـ وـسـاءـرـ
اـقـتـضـاـ اـیـدـنـ خـدـمـاتـ عـلـیـهـ مـدـهـ اـسـتـیـخـدـامـ اوـلـنـمـلـرـیـچـوـنـ تـعـیـنـ وـارـسـالـ اـیـلـدـیـکـ چـکـدـرـیـلـرـکـ

پاشالرینه و فرقته و قنجه باشلرک رؤسا و ضابطانه محکم تنبیه و تأکید ایلک بابنده فرمان
عالیشانم صادر او لمشدیر فی اوائل ر ۱۱۴۹

- ۶۱ -

حالا کفه جابنده اولان عسکر اسلامه باش بونغ تعین اولنان وزیر محمد پاشایه حکم که
سنیکه وزیر مشارالیه سن حالا قریم مملکتندہ اور قپوسی اوزرینه مستولی اولان مساقو
ملاعینک بعونه تعالی و قدرتہ قهر و تدمیر لریله برکون اول اول طرفدن طرد و تبعید لری اهم
واجبات دینیه و اقدم لوازمات سلطنت سنیه مدن اولوب و سن کفه جابنده اولان عسکر
نصرت انجامک اوزر لرینه باش بونغ نصب و تعین قلندو غیکه بناء سنک برکون اول صوب
مأموره واروب موجود بولونماک زیاده سیله اهم والزم او ملغه اشبوا امر شریف واجب الامتنام
وصولنده قطعاً تا خر و توقف ایلیوب مأمور قلندو غلک اوزره بولندو غلک محله مکمل
و مرتب قپوک خلقی و کزیده و مستوفی ادمیرکله قالقوب اسماعیل چیدی و کلی اسکله لرندن
سفاینه و برکون اول و برس ساعت مقدم کفه یه واروب ایریشوب اول طرفده اولان عساکر
نصرت انجامک اوزر لرینه باش بونغ غلکه قیام و جمله سنی معیتکه جمع و استه صحاب و جناب
امارت مأب ایالت نصاب سعادت اکتساب بالفعل قریم خانی اولان قپلان کرای خان دامت
معالیه ایله دخی خبر لشوب اتفاق و اتحاد و کوکل بر لکیله و بالجمله عسکر اسلام ایله ملاعین
مقهور سنک اوزر لرینه واروب عون و عنایت باری یه استناداً قهر و تدمیر لریله اور قپو سندن
طرد و اخراج و بعاد لرنده وسع وقدرت ایلیه سن ذکر اولنان ملاعین مشرکینک برکون
اول اول طرفدن طرد و تبعید لریله قهر و تدمیر لری اهم مطالب پادشاهانه مدن او ملغه شویلکه
اشبوا امر شریف و رو دنده فرمانم او لدینی اوزره مکمل و مرتب قپوک خلقی و کزیده و مستوفی
ادمیرکله برکون اول و برس ساعت مقدم صوب مأموریکه واروب ایرشمیوب بطائت اوزره
حرکت ویولارده ایاق سور ویوب اول طرفده اولان عساکر منصوره مک انتظار لرینه و تعویق
وقت فرصت ایله دشمن دینک زیاده فرجه بوللرینه باعث و بادی اولمک احتمالی اولور ایسه
صکره هیچ برو جمهله جوابه قادر اوله میا جفکی مقرر و محقق بلوب اکا کوره زیاده بصیرت
وانتباه اوزره حرکت و برکون اول و برس ساعت مقدم مکمل و مرتب قپوک خلقی و کزیده
و مستوفی ادمیرکله صوب مأموره واروب واصل او ملغه کرکی کبی اهتمام و دقت و حق کده
مستی جلب عواطف پادشاهانم اولور حرکات سعیده و خدمات پسندیده وجوده کتور مکه
بذل وسیعی وقدرت ایلک بابنده فرمان عالیشانم صادر او لمشدیر فی اوائل ر ۱۱۴۹

- ۶۲ -

قپودان پاشا قول کتخداسی وجبه‌جیلر کتخداسی و طوپچیلر کتخداسی و سائر
خابطان عسکره حکم که

سنکه وزیر مشارالیه سن قریم طرفنه مستولی اولان مسقو ملاعینک بعونه تعالی قهر
ودمار و دفع شر و مضارلریله اول حوالیلردن طرد وابعادلریچون سن مأمور و امریکه تقویت
ایچون بوندن اقدم سکا خطاباً شر فبخش صدور اولان امر شریفمده تصریح اولندیغی
اوزره استانه سعادتمنده ترسانه حامرهم طرفندن یرار و توانا و اردوی هایونم طرفندن
وارنه دن سفینه‌لر ایله عسکر و در کاه معلم یکیچریلری او جاغنک قول کتخداسی دخی
معیته‌ده اولان او طه‌لو و ماقان نفراتی و تصحیح و بدر کاهنہ مأمور اولدیغی جبه‌جی نفراتی‌لر و در کاه
معلم طوپچیلری او جاغنک کتخداسی دخی كذلك یاندہ موجود اولان اور ته‌لر ک نفراتی
تصحیح و بدر کاهنہ مأمور اولدیغی طوپچی نفراتی ایله طرفکه مأمور اولوب و برکون اول
معیته‌ه و اروب موجود بولنلریچون هر برینه تنمیه و تائیدی مشتمل او امر شریفم صادر
اولمشیدی سن وزرای عظامک بر ار و کار کذاری و وکلای فخامک امور دیده و شجاعت
شعاری اولیکه بو خصوصده سنده صدق نیت و غیرت و حمیت و تدابیر حسنیه ایله دشمن
دیندن اخذ انتقام ایله دین دولت علیه و عرض و ناموس سلطنت سنیمه موافق حرکت
مأمول و منتظر طبع هایون صفامقرن پادشاهانه ایمده بوباده زیاده سیله غیرت
و حمیت ایدوب کرک دونمای هایونم رجالی و کرک معیته‌که وجه مشروح اوزره مأمور اولان
سالف الذکر طوایف عسکری و ضابطانی با جمله یانکه جمع واستصحاب و جناب امارت مأب
ایالت نصاب سعادت اکتساب حالا قریم خانی اولان قیلان کرای خان دامت معالیه ایله
دخی خبر لشوب کرک خان مشارالیه ایله و کرک معیته‌ده اولان دونمای هایونم رجالی و سائر
طوائف عسکریه و ضابطان ایله اتحاد و اتفاق و کوکل بر لکی ایله بعونه تعالی و قدرتہ دشمن
دین خذلان قرینک برکون اول و بر ساعت مقدم قهر و دمار لریله اول حوالیلردن کلیت
اندفاعی ایله دفع غائله‌لرینه اهتمام و سنده مأمول اولدیغی اوزره خدمات پسندیده وجوده
کتورو ب استحصال رضای هایونه سعی و اقدام ایلیه سن و سزکه در کاه معلم یکیچریلری
وجبه‌جی و طوپچی او جاقلرینک کتخدالری و سائر ضابطان عسکر سزدختی با جمله نفراتکن
ایله وزیر مشارالیه ک رأی صواب دیدی اوزره حرکتہ مأمور اولیکه ایله ایت کریه

فضل الله المجاهدين على القاعدين اجرأ عظيماً مصاديقه دنيا وعقباده اجر عظيم وعز ورفعت
جسيم احرارى ايجون بو خصوصده دائم اظهار حميت دينيه و قپودانم وزير مشارالىهك
امرينه امثال ورأى صواب دينه موافقت ومتابعه ايله دشمن ديندن اخذ انتقامه بالجمله
نفراتكز ايله بذل قدرت ايليو بوغزاي غرادي مبذول اولان مسامعه جليله كز عند الله
مبرور ومشكور اوله جندي شرك وشبيه دن مبرا اولدوغندن ماعدا وجوده كلان خدمات صادقه كز
جناب خلاق تمام عندنده دني مبرور ومشكور اولد يعني محقق ومقرر بيلوب ااكا كوره
اظهار غيرت وحميت واتفاق واتحاد ومردانه حرکت ايله بر كون اول دشمن دين مبينك
قهر ودمارلى ايله اول حواليدن دفع شر ومضارليه بذل وسعى وقدرت ايليه سر
شويله كه وزير مشارالىهك رأى صواب دينه او زره بخصوصه لازم كلان خدمات عليه مك
اداسنده تهاون وتقدير يكىز وامر شريفه مغایر قصور وفتور بر حرکت نا مرضيه كز
ظهور ايده حقكزده وزير مشارالىهك شكر وشكايي مشمر ومؤثر اولمغله ااكا كوره
هر بريكيز متيقظ وآاكاه اولوب سبيل دين مبينده صدق درون ايله بذل قدرت واستيجلاب
رضای پادشاهانم اولور خدمات جليله وجوده كتور مكه غيرت واهتمام ودقت ايليه سر
ودركاه معلم قپوجي باشيلرند اولوب ذكر اولنان دركاه معلم يكىچرى او جانى كتخداسي
و جبهى و طوچى او جاقلى اوزرلىهك مباشر تعين اولنان افتخار الامام
والاكارم . . . دام مجده سن سندخى بو خصوصه زياده سيله اهتمام ودقت ايده بلطفة الله
تعالى دشمن دينك اول حواليدن دفع مضر قلريله قهر ودمارلى خصوصنده وزير
مشارالىهك رأى صواب دينه او زره حرکت واظهار غيرت وحميت ايله سبيل دين مبينده
بذل مجهد ايلرلينه سندخى طرفكден ترغيب وتحريص ايليو خلاف امر شريف وضع
وحركتدن احتراز واجتناب ايلك بابنده فرمان عاليشانم صادر اولمشدر ببوردو مكه
في اواسط را ۱۱۴۹

- ٦٣ -

سابقاً ازاق دفتردارى اولان سليمان زيد مجده يه حكم كه
بحر سياه جانبنده اولان عساكر منصورهم ايجون كرك مقدم كرك بو دفعه ارسال
اولنان دقيق وپكسياد وسائر مهمات جبهه خانه وطوچخانه سفایيندز اخراج او اندقده وزن
وسفاین رؤسائينك يدلرنده اولان ارسالىهلى ومهمات مزبوره نك او زرینه تعين اولنان

مباشر لرینک یدلرنده اولان مفردات دفترلری موجبنجه اخذ و قبض ایدوب بر محفوظ محله وضع وحین اقتضاده صرف ایلک اوزره برمعتمد عایه کمنه نصب و تعین اولنق مقتضای حالت اولمغله سنه موئی الیه سن مستقيم اولملکه صادر اولان فرمان حالی اوزره محله واروب کرک مقدم و کرک صکره کوندریلان ذخایر و مهمات جبهه خانه و طوپخانه ان شـا الله تعالی مصحر، باً بالسـلامه واروب واصـل اولدقده تمامـاً اخذ و قبض و بر دانه سی ضـایع و تلف اولنـامق شـرطیـه حـین اقتضـاده تـوزیـع و صـرف اولـنـق ایـچـون برـمـحلـه وـضـع وـمـأـمـورـیـتـک اـیـچـون دـیـوـانـ هـایـوـنـمـ طـرـفـنـدـنـ اـمـرـ شـرـیـفـمـ تـحـرـیرـیـ بـابـنـدـه رـکـابـ هـایـوـنـمـ دـفـتـرـدارـیـ سـعـدـالـلـهـ زـیـدـعـلـوـهـ اـعـلـامـ اـیـمـکـنـ مـوجـبـنـجـهـ بـازـلـشـدـرـ فـیـ اـوـاـخـرـیـ رـاـ ۱۱۴۹

— ۶۴ —

اناطولی والیسی وزیر علی پاشاییه

مـقوـ کـفـرـهـ سـنـکـ دـوـلتـ عـلـیـهـ اـبـدـپـیـوـنـدـمـلـهـ اـوـلـانـ نـقـضـ عـهـدـیـنـهـ بـنـاءـ وـاقـعـ اـوـلـانـ عـصـیـانـدـنـ نـاشـیـ بـونـدـنـ اـقـدـمـ بـغـتـةـ اـسـتـیـلاـ وـاـخـتـلـاسـ اـیـلـوـکـیـ اـزـاـقـ قـلـعـهـ سـنـکـ بـعـونـ اللـهـ تـعـالـیـ نـزـعـ وـتـخـلـیـصـیـ وـکـفـرـهـ مـسـفـورـهـ نـکـ قـهـرـ وـتـدـمـیرـلـیـچـونـ اـشـبـوـ سـالـ مـیـمـنـتـ اـشـتـالـدـهـ تـدارـکـاتـ قـوـیـهـ وـعـسـاـکـرـ نـصـرـتـ مـأـثـرـمـلـهـ مـقـدـمـ حـرـکـتـ وـعـزـیـمـتـ اـولـنـسـیـ مـحـقـقـ وـمـقـرـرـ اـولـمـغـلـهـ وـالـحـالـةـهـذـهـ وـقـتـ سـفـرـ وـحـرـکـتـ قـرـیـبـ اـوـلـوبـ وـسـنـکـهـ وـزـیرـ مـشـارـ الـیـهـسـنـ سـنـکـدـخـیـ بـونـدـنـ مـقـدـمـ اـرـدوـیـ هـایـوـنـ نـصـرـتـمـقـرـونـمـ طـرـفـنـدـنـ اـمـرـ شـرـیـفـمـلـهـ مـأـمـورـ اـوـلـوـغـكـ وـجـهـ اوـزـرـهـ نـورـوـزـ فـیـرـوـزـدـهـ وـارـوبـ اـرـدوـیـ هـایـوـنـ ظـفـرـ مـقـرـونـمـ طـرـفـنـدـنـ دـخـیـ اـشـبـوـ اـمـرـ شـرـیـفـ وـاجـبـ الـامـتـشـالـمـ اـصـدـارـ وـارـسـالـ اوـلـنـشـدـرـ اـیـمـدـیـ اـنـ شـاـ اللهـ تـعـالـیـ وـصـوـلـنـدـهـ قـطـعاـ تـأـخـرـ وـتـوـقـفـ وـقـرـارـ وـارـامـ اـیـلـیـوـبـ مـقـدـماـ مـأـمـورـ اـوـلـوـغـكـ وـجـهـ اوـزـرـهـ يـرـگـدنـ حـرـکـتـ وـاـصـلـاـ بـرـیـدـهـ مـکـثـ وـارـامـ اـیـلـیـوـبـ وـیـوـلـرـدـهـ اـیـاقـ سـوـرـیـمـیـوـبـ وـائـنـایـ رـاهـدـهـ فـقـرـادـنـ منـفـعـتـ وـمـجـانـاـ بـرـنـسـنـهـ المـیـوـبـ عـسـکـرـیـکـیـ کـرـکـ کـیـ کـیـ ضـبـطـ وـطـوـغـرـیـ یـوـلـدـنـ قـطـعـ مـنـازـلـ وـطـیـ مـرـاحـلـ اـیـدـرـکـ کـالـ سـرـعـتـ وـشـتـابـ اـیـلـهـ یـوـرـوـیـوـبـ وـبـتـوـفـیـقـهـ تـعـالـیـ نـورـوـزـ فـیـرـوـزـدـهـ اـرـدوـیـ هـایـوـنـ نـصـرـتـمـقـرـونـمـدـهـ عـسـاـکـرـ مـنـصـورـمـهـ مـلـحـقـ وـمـلـاقـ اـوـلـمـغـهـ زـیـادـهـ مـسـارـعـتـ اـیـدـوبـ بـوـ خـصـوـصـدـهـ اـصـلـاـ تـأـخـرـ وـتـوـقـدـنـ وـبـطـائـتـ اوـزـرـهـ حـرـکـتـدـنـ بـغـاتـ اـحـتـراـزـ وـاجـتـنـابـ اـیـلـیـهـسـنـ شـوـیـلـکـ تـهـاـونـ وـتـکـاسـلـکـ حـسـبـیـلـهـ بـرـنـوـنـهـ حـرـکـتـ تـهـاـونـکـ وـیـاـخـودـ یـوـلـرـدـهـ اـیـاقـ سـوـرـوـیـوـبـ نـورـوـزـ فـیـرـوـزـدـهـ وـارـوبـ اـرـدوـیـ هـایـوـنـهـ اـیـرـشـمـیـهـ جـلـکـ

اولور ايسهک قطعا عذر و جوابك اصغا او لنيوب مسئول و معاقب اوله جفعى مقرر و محقق بيلوب
اکاكوره حرکت و برکون اول و برساعت مقدم وارو بوقت مرقومده اردوی هایونه
ملحق و ملائق او لمعه مسارت ايلک بابنه في اوائل زا ١٤٩

- ٦٥ -

ركاب کاميابدن اردوی هایون نصر تقر و نه وارنجه يول او زرنده واقع اولان قاضيلره
و كتخدا يرلری ويکيچرى سردارلری وخواص واوقاف ضابطلىرى واعيان ولايت وايش
ارلرینه حكم که

حال اندرون هایونم خزینه سندن اخراج و خاصه سلاحشورلر مدن عثمان زيد مجده ايله
اردوی هایون ظفر نونه ارسال اولنان بيك کيسه آچه نك محافظه سندن اهتمام تام او لنق
اهم مهام لازم الاهتمامدن او لمعين سر ذكر اولنان آچه هر قنگنک تحت
قضاسنه واروب داخل اولور ايسه محفوظ ومناسب محللره قوندروب وباشنه بکجيير تعين
و كيجه لرده و كوندو زلرده کرکي کي محافظه سندن اهتمام تام ايليوپ و كيدر اولدقده دخى
تحملنده زياده تام السلاح آدميرله يوللرده کايىنېنى محافظه ايده رك امنا و سالما بربيرىكىزه
ارسال ووجه مشروح او زره برقضادن برقضائيه سالما ايصالكىزى مشعر هر بريكنز مومى اليه
عثمان زيد مجده نك يدينه حجت ويروب بوجهمه کال امن وسلامت ايله محل مأموره ايصال
وارسالده بصيرت و انتباه او زره حرکت و بو امر واجب الاهتمامده زياده دقت و تهاون
و تقديردن و اهال و تىكاسلدن غاية الغايه احتراز و اجتناب ايلكىز بابنه فرمان عاليشانىم
يازمشدر في اوآخر ل ١٤٩

- ٦٦ -

آناطولي واليسى وزير كنج على پاشا يه حكم که
مسقو دشمني بواثناده طابور مقهوري يه كبو طرفاندن حرکت ايذوب او زى و بندر
جانبئينه سوء قصد نيد فاسدنده اولدېنې صحىحا خبر آلنوب او لحوالىرده عساکر
اسلامك كثرت و فرت او زره بولنوب بعون الله تعالى مقاتله و محارسه سنه قيام ايللری لازم
ولابد او لمعله سنجاغ شريف ايله وزير اعظم و سردار ا كرم بالجمله او جاقلزم خلقى و سائر دركاه
معلام قوللرم ايله اشبو بيك يوز اللي سنه سى ماھ محر منك غرەمى پچىشنبه كونى بابا طاغى

مشتاسندن چیقوب صحرای بابا طاغنه نصب اعلام و ضرب خیام و احتشام و عساکر اسلام
ایله مستعيناً بالله تعالی درعقب حرکت ایدوب وايساجیده دخی توقف ایتمیوب قارشویه
دشمن دینی استقبال و مقابله یه عنیمت وسیله سیله متوكلاً علی الله و مستمراً عن روحانیة
رسول الله و دشمنک طابوریله کله جکی محله توجهله سعی موفور او زره اولوب و سنکه وزیر
مشار الیسن سکا بو وقتهدک بالدفعات تأکید واستعجال او لنبوب جمله دن مقدم اردوی هایونم
وصولکده مأمول طبع صفا مقرون پادشاهانم ایکن بو وقته تأخیرک سبب استقرار اولمغله
ایمدی وصولنده بولندوغک محلدن سوق واستصحابه مأمور اولدوغک اناطولی و دیار بکر
وسیواس ایالتلری عسکری و بلوك سپاه و سیحدارندن ماعدا اغورکده و صاغ وصولکده
بولنان طوایف عسکریه ایله ایکی قوناغی بر ایده رک و طوغری یولندن کله رک تعجیل
علی التعجیل بر آن اقدم و بر قدم مقدم اردوی هایونه وصوله ابتدار ایمک ایچون تأکیداً
و اقداماً و استعجالاً و اهتماماً اشبو امر شریفم اصدار و ... ایله اولنشدر وصولنده
سنکه وزیر مشار الیسن امر شریفم سکانه محله و اصل اولور ایسه اصلاً و قطعاً اکنمیوب
بر وجه محروم ایله ایکی قوناغی بر ایده رک و کیجهی کوندوزه فتارق عجاله
ومسارعة بر قدم اقدم و بر ساعت مقدم اردوی هایونه وصول و لحوقه مباردت و بوندن
مقدیجہ استعجالی حاوی شرف صدور بولان امر شریفمده تنیه اولندینی اوزره روم ایلی
جانبدنده دخی قپوک خلقی ولوزماتکی و سائز سنک ایله بیله کلان عسکری بر خوشجه ضبط
وربط و بر فردک بر آچه سن و مفت و مجاناً یم ویدک آلدرمیوب و یانکدن کسنیه یی آیرمیوب
ورطایانک اکینلرین چکنتمیوب او غراییغث یرلرده رعایایه استهالت ویره رک و جمله سن
حمایت وصیانت و هیأت مجموعه کزی حفظ و وقايت ایده رک طوغری یولدن سرعت و عجله
ایله کلیکه اهتمام و دقت و بذل سعی وقدرت ایلیه سن بو وقت اوقات اخرا یه قیاس
اولنایوب غیرت قوشاغنی میانکه بند و حضور و راحتکی ترک ایدوب همان ایکی قوناغی بر
ایدک مستعجالاً بر ساعت اول وصوله شتاب و خلافدن احتراز و اجتناب ایلک بابنده
فرمان عالیشانم صادر اولشدر فی غرہ م ۱۱۵۰

مرتب مراتب الخلافة الكبرى وزير اعظم ستوده شیم محمد پاشا ادام الله تعالى اجلاله و ضاعف بالتأیید اقتداره و اجلاله نک طرف لرینه استانه سعادتمند قره دکزدن سفینه ایله ذخیره او مق اوزره ارسال اولنان سکن بیک کیل پرنج وایک بیک و قیه قهوه وایک بیک و قیه شکر مباشر تعین اولنان ... معرفتیله بتوفیقه تعالی کوستنجه اسکله سنده وصول نده سرکه مومنی الیهم سر اسکله منبوره ده موجود اولان سفاین صندال لریله ینه مباشر مومنی الیک معرفتی و جمله کزک معیت و اتفاقیله کوستنجه ده بر مناسب و محفوظ محزن نه نقل و کرکی کی حفظ و حراست ایدوب مقدار ذره بر نسنه سی ضایع و تلف اولماق اوزره کمال مرتبه محافظه و محارسه سنده اتفاق تام و اتحاد ملا کلام ایلیوب زنهر و زنهر بواسر لازم الاهتمامه بر درلو تکاسل و تقسیر دن و معاذ الله تعالی بر کونه ضرر و کزند احتمال دن هر بریکز غایه الغایه احتراز ایلکن بازنده فرمان عالیشانم صادر او مشدر فی اوائل ب ١٤٩

- ٦٨ -

اردhan محافظه سنده یکی چری ضابطی زید مجده یه حکم که بوندن اقدم ایران زمیندن قلاع محافظه لرندن اخراج اولنوب اولوقته اردhan و اخسیخه و اخذ لکلک محافظه لرندنه الیوم موجود در کاه معلم یکی چری لرینک ذکر اولنان محلرده لزوم لری او لمی رینه بناءً حالاً اردhan محافظه سنده اولان یدیوز اون درت نفر وباطوم و ... قلعه لرینه نقل و محافظه لرندن قیام ایتدار لری فرمانم او ملغیم ... بلوک ... زید قدره مباشر تعین و ارسال او لندی کرکر که اردhan ده اولان معلوم المقدار نفرات بر کون اول اخراج و چاوش مرقوم مباشر تیله وجه مشروح اوزره ذکر اولنان قلعه لر نقل و تسیر اولنوب خدمت محافظه لرندن قیام او لند قلرینی مشعر اعلام ایلیه سن دیو بالفعل در کاه معلم یکی چری اغاسی اولان عباوه اغا دام علوه طرف دن مهرلو مکتوب ویرسلکله وجه مشروح اوزره عمل او لنق بازنده فرمان عالیشانم صادر او مشدر بیوردمکه فی اوآخر م ١١٥

- ٦٩ -

حالا دریا قپودانی وزیر سلیمان پاشایه حکم که دشمن دینک دونگاسی بو اشنا ده ازاق دکزند واقع ریاط بو غازینه کلدیکی قری اهالیسی طرف لرندن اردوانی هایونه اعلام و انها او لنگله سنکه قپودانم وزیر مشار الیه سن سنک بو

سنہ مبارکہ مکمل دونتای همایونم سفایی ایله بحر سیاه جانبندہ ماموریت کدن مقصوداً صلی
دائماً اول حوالی میزدہ آشت و کذار ایدوب دشمنک مکروکیدن اول طرفی حفظ و حراست
و بلاد و عباده بث مؤثر کمال امنیت اولد و غنڈن غیری کیفیات مرقومہ بو آنہ دک سکا
بالدفعات اوامر علیهم ایله دخی توصیہ و تنبیہ اول نفعہ دشمنک بویاہ حرکتی مسموع اولد و غنی
اندہ سنک بولندی یغک مخلدن بلا توقف حرکت و بعونہ تعالیٰ اوزر لرینہ باد بان کشای
عزیمت و شر و مضر تلرینک دفع و رفع نہ مبادرت ایلک لازمہ ذمت و واجبہ عہدہ ذمک
اول مقدن ناشی دشمنک کیفیت حرکتی اخباری انساندہ سنک دخی اوزر لرینہ سوق مطابیا
نهضتک اشعار اول نہی ملحوظ ایکن کلان کاغدرلرده قطعاً سنک طرفکدن و کیفیت حرکات
و سکناتکدن بر نسنه تحریر و نشویر اول نامق حسیلہ بو خصوص توالی قصور و تعامی
وقت و کشیدن ایله بغاۃ استغراب واستبعجاب اول نشدر ایمی اشبو امر شریفم ایله سکا هرنہ
محلده واصل اولور ایسہ قطعاً توقف و ارام و امرار وقت و ایام ایمکسزین مستعیناً بالله
تعالیٰ اول طرفی نشر شرایع عزیمت و هر حالده اجرای مراسم حزم و حمیت و ابراز لوازم
غیرت و شیجاعت ایله دشمنک کید و مضر تھی دفع و ازالہ یہ بذل مقدرة و اول طرفی ده
کمال امنیت ایله حفظ و حراست مملکت و محافظہ ناموس شان و سلطنت ابد مکننہ
صرف وسع و قدرت ایدوب حقنہ ملحوظ بر ضرر و خسارت ایرشمک لازم کاور
ایسہ محافظہ و محارسہ سی عہدہ کہ احالہ قلنیان اموردن اول دینی اجلدن سؤال و جوابی بلا
شبہ طرفہ راجع اولہ جفی و بوبادہ اعذار و اهیہ غیر مسموع اولد و غنہ بناءً انجام کار
غایت و خیم ایدوکن بر خوشیجہ تفکر و ملاحظہ ایدوب اکا کورہ سپردہ دوش اقتدارک
قلنیان دفع ورفع مضرت اعدا و ترفیہ و تطمین ممالک و برایا یہ سعی اوی و ذرہ قدر رخاوت
و تقسیردن غایہ الغایہ اتقا ایلک بابنده فرمان عالیشانم صادر اول مشدر فی اواخر ص ۱۱۵۰

- ۷۰ -

بلوکات اربعہ اغوات و کتیخدالرینہ

دشمنک بو اشنا ده آق صو طرفی نہ کل دیکی روم ایلی والیسی اولوب بندر جانی سر عسکری
اولان وزیرم عبد الله پاشا طرفندن اعلام و انہا اولونوب اوزی قلعہ سنک توفیر و تکشیر
عسکر ایله استحکامی لازمہ وقت و حالدن اول دینه بناءً سز که مویی ایله سز بالجملہ
نفراتکن ایله محل اقامتکن اولان آق کرماندن قالقوب مستعجلان اوزی قلعہ سنہ واروب
ادیبات فاکولته سی جموعہ سی ۵

امر محافظه ده و ساڑ واقع اولان خدمات علیه مده حال او زی محافظی وزیرم یحیی پاشانک امر و رأینه اتباع و موافقت ایتمک شرطیله او زی قلعه سنه مأمور و تعین قلنمش سز در ایدی اشبو امر شریفم ... ایله وصولنده سز که موئی اليهم سز قطع امکث وارام ایتمک سزین بالجمله نفرات تکز ایله حرکت و سیر سریع ایله کیده رک بران اقدم و بر قدم مقدم او زی یه وصوله مسارت و امر محافظه ده و ساڑ واقع اولان خدمات علیه مده او زی محافظی وزیر مشار اليه امر و رأینه موافقت ایدرک خدمات مشکوره و مأثر مبروره وجوده کتورمکه صرف تاب و طاقت ایدوب بطائت ورخاوت مثلو حرکتندن غایة الغایه اتفاق و مجانبیت ایلکن با بنده فرمان عالیشانم صادر او لمشدر فی ارائل را ١١٥٠

— ٧١ —

سکونجی باشیٰ سابق اولوب حال اسینوب جانبی سر عسکری وزیرم عبدالله پاشا ادام الله تعالى اجل الله نک معینه مأمور الحاج عثمان زید مجده یه حکم که سر عسکر مشار اليه که یاننده جنود نصرت موعدک توفیر و تکثیر اهم مهام دولت علیه مدن اولوب در کاه معلم یکی چریلری او جاغی نفراتی او ته دن برو واقع اولان سفر نصرت ارده دین و دولت علیه مک معتمدبه عسکر ندن او لمغله ان شا الله تعالى کرک اردوده موجود و کرک او لحو الیلدن کاوب اصلنده یکی چری و قول او غلار ندن او لندری تصحیح و بدرا کاه ایدوب اردوی نصرت مقرنده اولان اور طه لره تفریق و تقسیم ایلیوب شویله که اسمایلری چالق صحیح یکی چریلردن و قول او غلار ندن او لندری و پیدن پی کاندری یکی چری تحریر و اور طه لره توزیع و هر بر تصحیح و بدرا کاه او لنان نفرات مأمور او لدقیری او رطه لری یاننده لیل و نهار دین و دولت علیه خدمتلرند مقیم او لمدیر چون ضابطه ای و هر نقدار نفر تصحیح و بدرا کاه او لنوب او رطه لره ویرلش ایسه على الا اسمی دفتر لرین درستادته ارسال واعلام ایلک فرمانم او لمغین ... ارسال او لمشدر وصولنده سن که سکونجی باشیٰ سابق الحاج عثمان زید مجده سن کرک درکه بندر جانبنده اولان اردوی نصر تقرنده عسا کرک توفیر و تکثیر قلنملری اهم مهام لازم الاهتمام دن او لدیغنه بناءً کرک موجود و کرک طرف اخر دن کلان بلا اسمی یکی چریلکلری صحیح او لندری تصحیح و تام الشرح قول او غلارین بدرا کاه ایدوب او لو جهله عسکر ک تکثیر قلنوب و مأمور او لدقیری او رطه لری یاننده واقع اولان خدمات علیه مده بولندر چون جدوا هتم ایدرک تعین و تحریر و بدرا کاه او لنان نفرات ک عددی

مقدارینی دفتر و علی الاسامی دفتر لریله ارسال و بو خصوصه زیاده اهتمام ایلیوب خدمات مشکوره و مبروره وجوده کتور مکه هر وجهمه تقید و هر اموریکی سر عسکر مشارالیه ک رأینه مطابق ایدرک تکمیل بذل مقدور وسعی ناخصور ایلک مطلوب اولدوغنه بناءً دامن غیرتی در میان ورضا هایونم او زرہ مساعی مو فور ایلیه سن دیو بالفعل در کاه معلام یکیچریلری آغازی اولان عبدالله آغا دام علوه طرفندن مهرلو مکتوب ویرلشکن وجه مشروح او زرہ عمل او لنق باینده فرمان عالیشانم صادر اولمشدر فی اوائل را ۱۱۵۰

- ۷۲ -

روم ایلینک صاغ قولی یعنی ویسارتیه یکیچری سرداری بیراقلرینک نهایت بولندیغی محله واروب کلنجه یول او زرنده واقع اولان قاضیلر و نائبیلر و سردارلرو اوجاق اختیارلری واعیان ولایت وایش ارلری و و قلعه لری دزدارلرینه حکم که بوسنة مبارکه بده با فرمان عالی اردوی هایونم مأمور روم ایلینک و کرک اناطولینک او چر قوللرندن با جمله قضالرک یکیچری سردارلرندن اولوب الیوم اردوی هایونم وصول و لندردن ایرشمینلری اکثر اولمغله بو وقته دکین هر بر قضائیک سرداری محللرندن حرکت و کلک او زرہ الدقلرندن اشتباہ اولمیوب و دشمن خاکسارک بعض محللرده تجمع و حرکتندن خبر آن مغله قریباً اردوی هایونم قارشو جانبیه عبور ایلک او زرہ اولمغله جمله یه اعلان و اشاعت و حاضر و آماده بولنق ایچون کرکی کی اهتمام او لندیغی بوندن بولیه یول او زرنده کلک او زرہ اولان عساکر کدختی مسموع و معلوم لری اولوب اکا کوره شتاب و سرعت برله برایکی کونه دکین او جاقدن بودفعه مبادرلر تعین و ارسال قلمنلریله ان شا الله تعالى هر قنگرکز ک قضالریکنک دا خل اولمش بولنان سردار بیراقلریله با جمله یکیچری نفراتلریله علی جناح الاستعجال برکون و بر ساعت مقدم کلوب اردوی هایونم حرکت ایلز دن مقدم ملحق موجود او لمنزیچون کرکی کی تنبیه و هر بریکن نصب نفس ایدوب عسکری طائفه سنک بلا تأخیر کوندر لماری ماده سنده و بوندن اقدم اردوی هایونم کلوب تصحیح و بدر کاه او لنو ب مأمور او لدقیری اور طه لری یانندن بلا اذن ولایتلری طرفه فراراً عودت ایدنلری بولند قلری محله مقدم بودفعه تعین او لنان مبادرلر و معرفت شرعه و جمله کنک اهتمامیله تکرار اردوی هایونم ارسال و اسلامیانلری اخذ و ذکر او لنان قلعه لری ارسال و محکم حبس و قلعه بند و حقلرند شرعه لازم کلان اجرا او لنق ایچون اسم و رسم لری و شهر تلریله اعلام لرین مبادرلر یدلرینه ویروب ارسال ایلکه اهتمامکن ایچون مبادرلر

تاً کیداً سپارش اولندیغی اوزره عمل و هروجهله معاونت و مظاهرت و دین و دولت خدمتند کوکل بر لکیله بذل مقدور و خلافنه وضع و حرکتدن غایت تحاشی و مجانبته ایلکنر فرمائی اولمغین ... مباشر تعیین و ارسال اولندی سنکه مباشر مومنیه سنندن هروجهله خدمات لازمه عهده سنندن کلک مأمور اول قالقوب مأمور اولدیغک اوزره روم ایلینک صاغ قولی بین ویسارتنده واقع قضالرده و اثنای راهده اردودی هایونه کلک اوزره بولدیغک سردار بیراقلرین با جمله نفراتلریله بلا تأخیر اخراج و تعجیل علی التعبیل کلوب برکون اول اردودی هایونم حرکت ایلزدن مقدم لواء فیخر عالم صلی الله علیه وسلمک زیرسایه سنده موجود بولنلریچون اکیداً تنبیه و ایصاللریچون و فرار آمودت ایدنلری راست کلديکل محلارده مرور ایتمدرومیوب کیرو عودت ایتملریچون و اسلامیانلری وضع قلعه اولنلریچون اقتضاسی اوزره مقید اولوب بوباده دامن غیرتی در میان و خواب و راحتی ترک ایدوب برکون اقدم اهتمام خدمت ایلکه سعی موفور ایلیه سن اکر و خصوصده سنک دخی مقدار ذره تکاسل و اغماض عین ایلکلر استماع اولنور ایسه عذر و جوابک اصفا اولنیوب مسئول و معاتب اوله جغکده اشتباه اولنامغله اکا کوره غیرت وبصیرت و انتباه اوزره عمل و حرکت ایلیه سن و سرکه سفرهایونه مأمور سردارلردن اولوب هنوز اثنای راهده بولنان سردارلرسز کرکدرکه مباشرلر و رومنده بلا تأخیر بولنلریچون ایله قالقوب و ایاق سورومیوب شویاکه تعجیلاً برکون و برساعت اول اردودی هایونه ملحق اولنکنر ایچون زیاده اهتمام و سعی و اقدام ایلیوب تأخیر و تعویق و برفدی خلاف شرع شریف رنجیده ایلکدن بغایت احتراز ایلیه سر و سرکه دزدارلرسز طرفکنر قلعه بند اولنلری مقتضی اولوب کوندریلانلری دزدارلری اولدیغکنر قلعه ده محکم حبس و قلعه بند ایلیوب برفدینی بلا امر عالی اطلاق ایلکدن زیاده تحاشی و مجانبته ایلیه سر دیو افتخار الامرای والا کابر بالفعل در کاه معلم یکیچری آگاسی اولان عبد الله آغدام علوه طرفندن مهرلو مکتوب ویرملکه موجبنجه عمل اولنچ ایچون یازمشدر فی اوائل ر ۱۱۵۰

کامس واژورنیق سنجاقلری متصرفی اولوب بومنه عسکرینک باش بوغی اولان ابو بکر پاشایه و بومنه ایالتنک الویه آلای بکیلرینه و سائر نفرات و ضابطانه و با جمله نفراته حکم که غایه شیران غزا وجهاد پیشه هزاران وغا اعتیاد اولان بومنه دلاورلری اوتهدن برو

بولندقلری حروب وقتالدہ مقدمہ فوز و فلاخ اولان تقدیم مراسم ثبات و متنانہ رعایت
 و دشمنه قارشو سپرکش سینه اوله رق مردانه و دلیرانه حرکت ایله نیجه یوز آقلقلرینه موفق
 و هر بولندقلری سفرده اب شمشیر عدو تدمیر ایله اعدای لئام چشیده زهراب قهر و هز بخت
 او نه کلدوکی محقق اولوب اندرک بر غزاده بولنگری خیر و برکت عد اولندوغنه بناء دولت
 علیه مک هر حالده اعتماد و اعتداده سزاوار عساکر شجاعت شعارندن اولوب و سزاکه میرمیران
 و سائر مومنی الیهم سزا سزدنخی تبر کا و تینما بوسفر میمنت اثر ایچون بومنه دن چقالدن برو
 بغداد ولایتی ایچنہ تعین اولنان مشتاده هیأت مجموعه و اطوار محموده کنر ایله پا بر جای مرکز
 اقامت و بعده حالابندر جانبی سر عسکری و معیننده دخی تکمیل ناموس سلطنت سلیمانیه
 و استیحباب رضای ملوکانه مه موافق غیورانه طور و جنبش شجیعانه رفتار و روش ایله
 سر عسکر مشارالیک امر و رائیه متابعت و خصوصاً بو دفعه حسب الاقتضا مأمور و تعین
 قلنديغکز او زی قلعه می محافظه سننے کال صدق و نیت و نهایت خلوص طویت ایله سرعت
 عنیمت ایتمکز ایله سزدن مأمول اولان لوازم عبودیتی اجرا و حقوق نان و نعمت شاهانه مک
 شکرینی ادا وایفا ایلش سزدر برخوردار اوله سزا حکمکزده مورد جویبار عطوفت و مجرای
 زلال بر و مکرمت شاهانم سیلان ایدوب تکمیل لوازم سفریه و ا تمام ادوات حربیه کنراچون
 اقتضا ایدن ایکیشتر آیلق علوفه و بر مقدار احسان هایونم عن نقد اردوانی هایونم خزینه سنندن
 اخراج و طرفکنکزه ارسال و تعینات روز مرہلی کنکز دخی ویرملک او زره مالیه طرفندن
 امر شریفم اصدار و هر خصوص کنکزه کاینیغی مساعدہ علیهم ارزان قلنمه می در کار اولوب و قارشی
 یقه سنندہ اقامت او زره اولان اناطولی والیسی وزیرم کنج علی پاشا ایکی بیک نفر دن متباوز
 قیوسی خلقندن بشقه درت نفر قپولری خلقی مکمل پاشالر و اون بیک نفر دن متباوز در کاه
 معلم یکی چریلری وقتی و افرطوب دشمن آشوب و ادوات قتال و حروب ایله قالقوب معجل
 بندره و عقییندہ قرمان والیسی وزیرم مش پاشا و در عقب سنجاغ شریف ایله صدر اعظم
 و سردار اکرم با جمله او جاقلم خلقی و داره علیهم رجالیه بربنی متعاقباً اول طرفه ورود
 و وصوله شتاب و دشمندن اخذ انتقام ایله دفع کید و مضر تلرینه تحریک رکاب ایتلریله کورهیم
 سزا دخی اغور دین و دولت علیه مده باش و جانه بقیوب کرک امر محافظه ده و کرک
 مدافعت دشمن و سائر اقتضا ایدن خدمات هایونمده حالا او زی محافظی وزیرم یحیی پاشانک
 رأی رزین اصابت قرینه موافقت ایله ثبت صاحف روزکار اوله جف ماژر پسندیده ابرازینه
 بدل اقتدار ایلکنکز فرمانم اولمغین اشبو امر شریفم اصدار ... ایله ارسال اولنشدر

ایمدى وصولنده سر که میرمیران وسائِر مومنی الیهم سرزی و سرکله بیله اوزی محافظه سنه اولان با جمله عباد الله حضرت الله عظیم الشانه اماقت ایلدم دعای خیرم سرکله بیله در هر حالده قوی القلب وجری الحاطراولوب کوکل برلکی وباش بوغکنگ میرمیران مومنی الیک معینیله امر محافظه ده و مدافعته دشمن وسائِر اقتضا ایدن خدمات علیه مده اوزی محافظی وزیر مشارالیک امر و رأینه اتباع و موافقت ایدرک سردن مامول اولدینگی اوزره اغور دین و دولت علیه مده جانسپار لق مراس من اجرا و تکمیل ناموس سلطنت سنه واسه تجلاب رضای علیه مه سعی مستوفی ایدوب هر بریکنگ اجور داریندن حصه مند سهم اوفر اولمغله مذکور السننه انام او لحق مساعی حمیت اظهارینه نثار نقدینه مکفت و صرف تاب و طاقت ایلکن با بنده فرمان حاکیشانم صادر او لمشدیر فی اوائل را ۱۱۵۰

- ۷۴ -

اویزی ایالتنه متصرف اولوب حالا اویزی محافظه سنه اولان وزیرم یحیی پاشا و میرمیران کرامدن حالا اویزیده اولان ایلپسان سنجاغی متصرفی محمد و پر زرین سنجاغی متصرفی حسین و اویزی متصرفی مصطفی واسکوب سنجاغی متصرفی سلیمان و امرای دریادن عمر و سلیمان دام اقبالهم و حالا سکصونجی باشی اولوب اویزیده اولان در کاه عالی یکیچری ضابطی الحاج محمد زید مجده و اویزی نایی و اویزیده مشایخ عظام و ائمه و خطبا وسائِر علماید علمهم و طربون آلای بکیسی ابراهیم و سلسنه الای بکیسی محمد و فرق کلیسا سنجاغی آلای بکیسی موسی و نیکبولی سنجاغی الای بکیسی یوسف و چرمن سنجاغی الای بکیسی علی و ویزه سنجاغی الای بکیسی ابراهیم و یکیچری وجبه جی و طوچجی ویرلو قولی وسائِر طوایف عسکریه ضابطانه و با جمله یکیچری وزعما و ارباب تیمار وجبه جی و طوچجی نفراتی ویرلو قولی وسائِر اصناف عسکریه و قلعه منبورده ساکن اعیان ولایت و عموماً افراد ناسه حکم که

سنکه وزیر مشارالیه و سر که میرمیران کرام و سکصونجی باشی و الای بکیلر وسائِر مومنی الیهم سر بو دفعه اردوی هایونه کوندر دیکنگ محضر و قائمہ کنگ کاوب واصل اولوب خلاصه مفهوم لرنده دشمن دین طاوبر مقهوریله آق صونک باغچه لو و آق مسجد نام محله رینک قارشو جانبیه نزول و بر قاج کون صکره عسا کر هنحو سنک نصفی مقداری آق صویک برویق سنه عبور و قصوری خی دخی جسته جسته کچرمک اوزره اولدینگی یقیناً مشهود و معلوم ایدوکی تحریر و انها و سوء مقصدی طوغری اویزی طرفه اولدینگی لوایح حالدن منفهم

اولمۇق حىسىبىلە بىحرآ و بىرآ مەعجلاً امداد و اعانتىكىزە سىعى اوفر اولىتىسنى استىدا ايلش سىز حالا
 قارتاڭ يقهسىنده مكىت اوزرە اولان اناطولى والىيى وزيرم كىنج على پاشا اىكى بىك نەردن
 متىجاوز مكمل مەستىوفى قىپوسى خلقىندىن ماعدا مېرمىران كرامك اوچ درت نەر قپولرى
 خلقى مكمل پاشالىر و نەراتلىرى و فېر و پاك و منتخب دركاھ مەعلم يكىچرىلىرى اورتەلەرندىن
 ... عدد اورتەلر ايلە اشىوماھ ربىع الاولك بىشنجى بىچىشىبە كونى قارتاڭدىن حرکت و بىرىدە
 اكلەنمىوب بىندرە اندىن دخى اوزى يە امداد و تقويت ويرمك وانك عقىبىنده دخى حالاقرمان
 والىيى وزيرم محمد پاشا كىذلەك اوچ بىك نەر قپولرى خلقى مكمل و مرتب پاشالىر وقتى وافر
 يكىچرى نەراتىلە نەضت و درعقب سىنجاغ شريف ايلە وزىر اعظم و سردار اكرىم دخى
 عموماً او جاقلىم خلقى و دائرة عليهم رجالى و بالجەنە كەتكاولر و ساۋىر پىادە و سوارى اجناد
 و فيرە غىرت معتاد و عساڭر كىثيرە انجم عدد ايلە تحرىك ركاب عنىمت و مستعينا بالله
 تعالى هان طوغرى اولظرفلە بىسط خىام سطوت و دفع مکائىد اعدادى لئامە جزم و نىت
 ايدوب و بونلەرنىغىرى كاغدىلىنىڭ و رودى عقىبىنده بىك بشىوز نەر مقدارى يكىچرى
 نەراتى دخى اردوى هايونىدىن افراز و كىندولرىنىھ كفایت مقدارىندىن ازىد اوزىدە اولان
 عبادالله اعانت اولمۇق وجەنە مەستىوفى ذھار ايلە سفایىنە تەحمىل و انلەرنى دخى مەستىعجلاً اوزى يە ارسال
 و تسيير اولنوب و عون و عنایت بارى ايلە دشمنك دفع مضر تلىرى امىرىنە وجوهە جد و جەددە
 دقىقە فوت اولنامغا هان سىز دخى عنایت بارى يە استنادا يەنەر حالدە قوى القلب و جرى الخاطر
 اولوب اظهار دلىرى و غىرت ايدەرك امر ئاپاظە يە قىام و كوكل برلىكى ايلە مدافعة اعدا يە
 اقدام ايلكىز فرمانىم و جەنە كىزدىن ابراز غىرت و شىجاعت مامول هايونىم اولىغە اعلاماً و افهاماً
 اشىبو امر شريفم اصدارو ... ايلە ارسال اولىتىشىدە ئەيدى جەنە كىزى الله ذوا جلالە امانت
 ايلەم دعاى خىرم سىز كەنە بىلە در بوبابدە تەقديم مەهام اتفاق و اتحاد و تىشىخىز حسام انتقام ايلە
 اعدام و ازالەلىنىھ اهتمام اوزرە اولدقلەرنى تذكرو تفهم و بىرىكىزە تعلم و تفهم ايدەرك مىردا نە
 طوروجىنىش و غىورانە اوضاع و رووش ايلە امر مەحافظە يە قىام و مباشرت و مدافعة دشمنە
 مبادرت و دائىماً لوازم حزم و احتياطە رعایت و دارىنە تەحصىل نىكتىنام و اسەتجىلاب دعاى
 اجابت تأثير ملوكانەمە صرف تاب و طاقت ايلە سىز و سىز كە اوزىدە اولان مېرمىران كرام
 و سكىصونىجى باشى والويە الاي بىكىلىرى مومىيەم سىز كورەيم سىزى غىرت و حېبت و جىلات
 و شىجاعت اظهار ايلە تەمام دين و دوات عايما يە خەدەت ايدەجىك وقت اوغانە قطعاً هەمت
 و غير تكىزە قىور و امور و خصوصىكىزە رخاوت و قصور كىتۈرمىوب امر مەحافظە دشمنە

واقع اولان خدمات علیه مده کوک بولکی ایله وزیر مشارالیه ک رأی و امرینه اتباع و مدافعه دشمنه مردانه ابتدار و اتحاد قلوب میمیست شعار ایله شنافظه قلعه یه بذل اقتدار و رضاء الله و رضای شاهانه مه مظہر و دنیا و آخرتde اجور بی حسابله مأجور اولمغه سعی بیشمار ایلسکز با بنده فرمان عالیشانم صادر او نشدر ۱۱۵۰

— ۷۰ —

بوجاق سر عسکری عظمتکرای سلطان و بوجاق میرزالری و اختیارلری و نوغایلو سلطان محمد میرزا و نوغایلو میرزالری و اختیارلری ویر بسان میرزالری واوران اوغلی ورمیده اوغلی میرزالرینه حکم که

سنکه بوجاق سر عسکری عظمتکرای سلطان زیدعلوه سن سن سلاطین جنکیزیه نک شجاعت و بسالت و رویت و جلادت ایله موصف واغور دین دولت علیه مده خدمات صدق واستقامت وکوهر آثار رشد حیث مقضا نجه سندن محافظه ناموس سلطنت ابد مکنت و قهر و تدمیر اعدای بد طینتده مردانه رفتار و دلیرانه روش و اطوار ایله مأثر سعیده و خدمات حمیت اظهاری جایکیر صفا سمیر ملوکانه اولدیغندن قطع نظر اوته دن برو سنک مثللو شجاعان اروغه جنکیزیه اقدام ایله دشمن دین صدهزار پامال سنور قهر و دمار وسیراب آب شمشیر آتشبار اوله کل دیکی مضبوط جریده اخبار و اثار اولوب و سرکه طائفه تانارک سلطنت سنیمه کال اظهار عبودیت ایله خلوص پرور و صداقت کسترلنندن اولان مومی الیهم بوجاق و نوغایلو ویر بسان واوران اوغلی ورمیده اوغلی میرزالرسز سزدن و سرکه طائفه کزدن بو آنه دک نیجه نیجه خدمات مبروره وجوده کلکله دولت علیه مک نزه هر حالده اعتقادی اولوب و قریم خانلری طرف لرندن اوزرلریکزه نصب اولنان سر عسکرلریکز جانب هایوندن دخی مقبول و معتمد اولمک و تمیت امور نده سعی او فر اولنق جاری اولان قواعد قدیمه دن اولدیغی اجلدن حالا قریم خانی فتحکرای خان دامت معالیه طرف لرندن بوجاق سر عسکری نصب و تعین اولنان مومی الیه عظمتکرای سلطان زیدعلوه نک دخی سر عسکر لیکی طرف شاهانه مدن عرض و مقبول و نظر ملوکانه ایله منظور و مشمول اولمغله سلطان مومی الیه اوزرلریکزه سر عسکر بیلوب مراسم اتفاق و اتحاده رعایت و سوزندن و رأی و اسنندن خارج حرکتہ جسارت ایدنلری منع و تحذیره مبادرت ایلسکز سزدن مأمول و مستظر اولوب و بوكونه اتحاد درون و اتفاق قلوب میمیست

مقرون ایله مدافعه و قهر و تشكیل دشمن بد طیته قصد و عنیت اولندیغی ایام لرده باری^۶ باری
 ایله شاهد فوز و ظفر جلوه ریز منصه ظهور اوله کل دیکی دخی قضایای مسلمه دن
 اولمغه سز لردن ملحوظ خاطر صفا مظاہرم اولان لوازم یکجهتی مراسمن ادا و رضاء
 الله و رضای شاهانه مه موافق حرکات مشکوره وجوده کتورمه سعی اوفر ایدر کوکل
 بر لکی ایله بودفعه اظهار نخوت و غرور واق صو کچیدن برو طرفه عبور ایدن دشمن
 پیان شکنک اطرافندن آیرلیوب طابور منحوسی هرنه طرفه حرکت ایدر ایسه سز دخی
 هاله مثالی احاطه و قهر و تشكیل و تضیيق و تذلیلرینه عنان حیتی احاله ایدوب بلطفه تعالی
 هر بریکز سبقت ایدن خدمتلریکز مقابلي مظاهر الطاف شاهانه اوله جفکزی واعدای
 تمامک ازاله واعدام ودفع کید و مضارلریچون نهر طونه نک قارشو یقه سنده مکث اوزره
 اولان آناطولی والیسی وزیرم کنج عثمان پاشا اون بش بیک نفر مقداری پیاده وسوار
 کزیده و نامدار رجال حرب وقتال ایله معجلاً بندره تسیر وايصال و عقیمندن سنجاغ
 شریف ایله وزیر اعظم و سردار اکرم دخی معیتلرنده اولان وزرا و میرمیران کرام و با جمله
 او جاقلم خلقی و داعره دولت علیهم رجالی و سائر پیاده وسوار عساکر انجم شمار و مستوفی
 ادوات جنک و پیکار ایله حرکت و دشمنک اوزرینه سوق مطایای سطوت و عنیت
 ایلدکارین ملاحظه و تدبیر ایدوب احیاء دین میین وابقاء شریعت سید المرسلین ایحیون
 بو غزای غراده هر بریکز^۷ غیرت قوشاغن میان حیتکزه بندو عون و عنایت عنیز ذوانقامه
 قلبکزی ربط ایله غیورانه حرکت و دشمنک کید و مضرته سز دخی بذل مقدرت ایلمکز
 فرمانم و جمله کزدن غیرت و حیت اظهاری مطلوب هایونم اولمغین اشبو امر شریفم اصدار
 و ... ایله ارسال اولندش در ایدی وصولنده جمله کزی وحدانیت باری یه امانت ایلدم
 خاصه^۸ جناب خلاق قمابک دعاى و با جمله موحدینک دعاى خیرلری سزکله و سائر عساکر
 اسلام ایله بهادر کورهیم سزی بوقت تمام دین دولت علیهمه خلوص اوزره خدمت
 ایده جلک و دشمندن انتقام آله جق او قاتدن اولمغه حالا سر عسکریکز اولان سلطان موی
 ایله هر حالده امر و رأینه اطاعت و سوزندن خارج حرکته تصدی ایدنلری منع و زجره
 دقت و جمله کز کوکل بر ایکی ایله حرکت ایدرک دشمنک طابور مقهوری هرنه سمته عازم اولور
 ایسه اطرافندن منفك اولمیوب قهر و تدمیر و تضیيق و تحفیر لرینه اقدام واعلاء کله الله علیا
 واقامت فریضه جهاد و غزایه اهتمام ایدوب سزدن مامول هایونم اولان شجاعت و مردانه لکی
 اظهار ایله خدمتکز مبرور و سعیکز مشکور اولمغه والطاف و عنایت خدیوانه و دعای خیر

سریع التأثیر خسروانه مظہر اولمغلہ ثبت صحائف روزکار اولاجق نیکنام تحصیل ایلسکه سعی
پیشمار ایلک بابنده فرمان عالیشانم صادر اولمشدر فی اوآخر را ۱۱۵۰

- ٧٦ -

اناطولی والیسی وزیر جلادت سعی کنج علی پاشایه و معینه مأمور میر میران کرام
و ایالت والویه الای بکیلری و سائر ضابطان و رؤسای عساکرہ و باجمله افراد جنود
و غیرت معتاده حکم که

نقض عهد و پیمان ایدن مساقو کفره سی طابور مقهوریله اوزی طرفنه کلوب اوزی
قلعه سی محاصره و ایچنده اولان عباداللهی تضییقه مبادرت ایلدوکن اوزی محافظی وزیر
یحیی پشا بو دفعه اردوی هایونه اعلام ایدوب لکن دشمنک حالا اوزی آلتندہ اولان
قرالتلیری اکرچہ بروجه تخمین یتمش بیکه بالغ اولور اولمز مقوله هی اولوب انحق ایچلرینه بر
طرفدن خسته لک اصابتی و بر طرفدن دخی ذخایر ک قلتی سبیله بھر یوم قتی وافری هلاک
اولمقدہ ایدوکی و نھر آ امد شد ایده جک سفاین اولما مقدن ناثی اردنلرندن کله جک ذخیره هی
بو جاق نوغایلو عسکرینک قطع ایده جکلری و حتی اوزیده اولان عساکر غیرت شعار
مسفورلری استقبال وقتی وافرینی اخذ و استیصال ایلدکاری مشار اليه ک تحریری واخذ
اولنان بعض دلارک تقریرلرندن یقیناً معلوم اولوب و سنکه وزیر غیرت مصیرم مشار اليه سن
سنک اوته دن برو حمیت و شجاعتك مشهورالسنہ انام و معلوم خاص و عام اولدی گنندن فضلہ
مأمور تعین قلندر گنک قلاع محافظه لرنده سنوح و ظہور ایدن ثبات و غیرت و متانت
و حمیتك ثبت صحائف روزکار اولوب و دائر افواه صغار و بکار اولوب سنندن بویله وقتده
دین میین دولت ابد مکینم یولنده مردانه و دلیرانه حرکت ایله دشمندن اخذ انتقامه جزم
ونیت ملحوظ ملوکانہ اولمغلہ کورہ یم سنی تمام دین و دولت علیه مه خدمت ایده جک وقت
اولوب سنوح ایدن خدمتك ضایع اولیه گنندن ماعدا قیامتہ دک صغیر و کیرک لسانلرندہ
ذکر بالخیر ایله یادوتذکار اوله جگک آشکار اولوب دشمنک بویله ضيق محله کلیسی استیصال
وجھله قهر و تدمیرلرین مستلزم اولسی الطاف الھیه دن مسئول و ملتمنس و سنک بو حلالدہ
عساکر کشیره ایله اوزرلرینه واروب اطرافلرین تضییق و تدمیرلرینه اقدام ایله تفرق
جمعیت تمزیق کوش نخوتلرین موجب اوله جنی موہبہ خدادن ملتمنس و مستدعا اولدی گنی
اجلدن دیکر امر شریفمده بیان اولنان وجھله بندر سر عسکری وزیرم عبدالله پاشانک

رأى و معرفتیله بندرده معیته کزه تعین قلنچق میر میران کرام و سپاه و سلاحدار
 ترقیولری وسائِر عسـاکر اسلامدن ماعداً بو طرفدن عجالة الوقت روم ایلی و اناطولی
 ایالتلرینک بالجمله زعماً وارباب تیارلری دخی یانکه مأموراً اولوب و بوندن بوبیه دخی پیدرپی
 بو طرفدن امریکه تقویت وسکا امداد واعانت اولوب و بحر آ دخی دریاقپودانی وزیرم قپودان
 پاشا اکر قریمدن دشمن غائله‌سی دفع او لمش ایسه عموماً دونمای هایونم سفایی ایله اوزی
 اوکنه ایرشوب دریایی محافظه و قالیونجی یـلـکـنـلـرـنـدـنـ دـخـیـ قـلـعـهـ نـکـ اـمـدـادـیـنـهـ عـسـاـکـرـ اـدـخـالـ
 ایتمـیـ وـاـکـرـ هـنـوـزـ قـرـیـمـدـنـ دـشـمـنـ غـائـلـهـ سـیـ بـرـطـرـفـ اوـلـمـاـشـ اـیـسـهـ بـرـایـکـیـ قـالـیـوـنـ وـمـقـدـارـ
 کـفـایـهـ مـكـمـلـ فـرـقـتـهـ تـعـیـنـ اـیـلـسـیـچـوـنـ باـشـقـهـ اـمـرـشـرـیـفـلـهـ تـوـصـیـهـ وـتـبـیـهـ اوـلـنـوـبـ هـرـحـالـهـ تـدـارـکـاتـ
 قـوـیـهـ وـلـوـازـمـاتـ کـشـیرـهـ یـهـ مـبـاـشـرـتـ وـعـسـاـکـرـ اـسـلاـمـهـ اـمـدـادـ وـاعـانـتـ اوـلـمـغـلـهـ سـنـدـخـیـ ذاتـکـدـهـ
 اوـلـانـ جـوـهـ شـجـاعـتـ وـحـمـیـتـ مـقـتـضـاـسـنـجـهـ کـمـغـیرـتـیـ مـیـانـکـهـ بـنـدـوـدـرـوـزـکـیـ عنـایـتـ بـارـیـ یـهـ رـبـطـ
 اـیـدـوـبـ بـرـوـجـهـ مـحـرـ بـنـدـوـ سـرـعـسـکـرـیـ طـرـفـدـنـ یـانـکـهـ تـعـیـنـ قـلـنـانـ مـیرـمـیرـانـ کـرامـ وـسـائـرـ
 اـسـتـدـیـکـ سـوـارـیـ عـسـاـکـرـ غـیرـتـ اـرـتـسـامـیـ وـبـوـطـرـفـدـنـ اـرـسـالـ اوـلـنـانـ سـالـفـ الذـکـرـ رـوـمـ اـیـلـیـ
 وـانـاطـولـیـ اـیـالـتـلـرـینـکـ زـعـماـ وـارـبـابـ تـیـارـلـرـینـ یـانـکـهـ اـسـتـصـحـابـ وـبـنـدـرـدـنـ مـقـدـارـ کـفـایـهـ شـاهـیـ
 طـوـپـلـرـ وـادـوـاتـ طـوـپـ وـجـبـهـ خـانـهـ دـخـیـ آـلـوـبـ مـتـوـکـلـاـ عـلـیـ اللـهـ وـمـسـتـمـرـاـ عـنـ روـحـانـیـ رـسـوـلـ اللـهـ
 دـشـمـنـ دـيـنـ اوـزـرـيـنـهـ تـوـجـهـ وـعـزـيمـتـ وـحـالـاـ بـوـجـاـقـ سـرـعـسـکـرـیـ عـظـمـتـکـرـاـیـ سـلـطـانـ زـيـدـعـلوـهـ
 اـیـلـهـ خـبـرـلـشـوبـ دـشـمـنـکـ منـاسـبـ اوـلـانـ مـحـلـدـنـ اـرـدـيـنـ آـلـوـبـ ذـخـيرـهـلـرـینـ قـطـعـ وـ مـسـتـعـيـنـاـ بـالـلـهـ
 تـضـيـقـ وـتـنـكـيلـ وـقـهـرـ وـتـذـلـيلـلـرـيـنـهـ مـبـادـرـتـ وـاـظـهـارـ صـوـلتـ وـجـلـادـتـ اـیـلـهـ اـعـلـاءـ کـلـمـةـ اللـهـ عـلـیـاـ
 وـحـمـایـتـ نـامـوسـ شـرـیـعتـ غـرـایـهـ بـذـلـ مـقـدرـتـ سـنـدـنـ مـطـلـوبـ هـایـونـمـ اوـلـمـغـنـ اـشـبـوـ اـمـرـشـرـیـفـ
 اـصـدـارـ وـوـوـ اـیـلـهـ اـرـسـالـ اوـلـنـشـدـرـ اـیـمـدـیـ وـصـوـلـنـدـهـسـنـیـ وـمـعـیـتـکـهـ بـیـلـهـ اوـلـانـ مـیرـمـیرـانـ کـرامـ
 وـسـائـرـ بالـجملـهـ عـسـاـکـرـ اـسـلامـیـ جـنـابـ حـقـهـ اـمـانـتـ اـیـلـدـمـ خـاصـةـ جـنـابـ خـلـافـتـمـاـبـمـکـ وـعـامـةـ عـبـادـ
 مؤـمنـینـکـ دـعـایـ خـیرـلـرـیـ عـسـاـکـرـ اـسـلامـلـهـ بـلـهـدـرـ کـورـهـیـمـ سـنـیـ تـمـامـ اـظـهـارـ غـیرـتـ وـحـمـیـتـ
 وـدـینـ مـیـینـهـ وـدـوـلـتـ اـبـدـقـرـیـنـهـ خـدـمـتـ اـیـدـهـ جـلـکـ وـقـتـلـرـ اوـلـمـغـلـهـ مـعـیـتـکـهـ مـأـمـورـ مـیرـمـیرـانـ کـرامـ وـسـائـرـ
 عـسـاـکـرـ ظـفـرـ اـرـتـسـامـ وـشـاهـیـ طـوـپـلـرـ وـادـوـاتـ طـوـپـ وـجـبـهـ خـانـهـ اـیـلـهـ مـسـتـعـيـنـاـ بـالـلـهـ تـعـالـیـ قـالـقـوبـ
 دـشـمـنـکـ اوـزـرـيـنـهـ تـوـجـهـ وـعـزـيمـتـ هـرـحـالـهـ قـانـونـ حـزـمـ وـاحـتـيـاطـهـ رـحـایـتـ وـبـوـجـاـقـ سـرـعـسـکـرـیـ
 سـلـطـانـ موـحـیـاـلـهـ اـیـلـهـ خـبـرـلـشـهـرـکـ بـرـیـوـهـ کـلـوبـ وـمـمـکـنـ اوـلـوـرـاـیـسـهـ وـصـوـلـکـزـیـ اوـزـیـ حـفـاظـیـ
 وزـیرـ مـشـارـاـلـهـ وـاوـزـیـدـهـ مـحـصـورـ اوـلـانـ سـائـرـ اـمـتـ مـحـمـدـهـ اـفـادـهـ وـاـفـهـامـ وـبـوـ طـرـفـدـنـ اوـزـیـ یـهـ
 کـیدـنـ ذـخـایـرـ وـعـسـاـکـرـیـ قـلـعـهـیـهـ اـیـصالـ اـیـدـرـکـ بـوـجـاـقـ وـنـوـغـایـلوـ مـیـزـالـرـیـ وـسـائـرـ عـسـکـرـ اـیـلـهـ

بالاتفاق دشمنک مناسب اولان محلدن ذخیره‌لرینک قطعنہ و تضییق و تدمیر و تنکیل و تحقیر لرینه بذل مقدرت و سندن مأمول‌هایون و ملحوظ خاطر صفامقرونم اولان حیت و شجاعتی ابراز ایله رضاة‌الله و رضای هایونه موافق وابقاء دین مبین و تکمیل ناموس سلطنت ابد قرینه لایق فراموش او لمیه جق مرتبه مساعی مشکوره و خدمات مبروره وجوده کتورمکه صرف قاب و طاقت ایلیه سن و سر که مشارالیهک معیتیله اقامت فریاضه غزا وجهاده مأمور جیوش اسلام و جنود دیانت ارتسامسز جمله کز کوکل برلکی ایله دشمندن اخذ انتقامه اقدام وزیر مشارالیهک امر و رأینه اتباع ایدرك جانسپاراق مراسمن اجرا و غیرت مردانه لوازن ایفايه اهتمام ایلیه سر وجوده کلان خدمتلریکز اضعاف مضاعف مكافات و محاذات اولنه بختدن باشقه دارینده مظهر الطاف بی‌نهایه و قرین عنایت بی‌غايه‌اوله جغکزده بلا ریب اولمغله هر بریکز مردانه و غیورانه حرکت و خدمت مقیوله وجوده کتورمکه بذل وسیع و غیرت ایلکز بابنده فرمان عالیشانم صادر او لمشد ر ۱۱۵۰

— ۷۷ —

دریا قپودانی وزیر سلیمان پاشایه حکم که

هض و پیمان ایدن مسقو کفره‌سی طابور منحوسیله اوزی طرفنه کاوی او زی قلعه‌سنی محاصره واچنده اولان عبادالله تضییقه مبادرت ایدوکی اعلام اولنوب لکن دشمنک اوزی آلتنده اولان سپاهی عسکری تخمیناً اکرجه یمیش بیکه بالغ اولور اولماز مقوله‌سی اولوب آنجق ایچلرینه بر طرفدن خسته‌لک و دیکر طرفدن دخی ذخاڑ قلتی سبیله بمریوم‌قی وافری هلاک اولمقدمه ایدوکی و نهراً آمد شدایده جک سفاین اولماقدن ناشی اردندن کله جک ذخیره‌یی بوجاق نوغایلو عساکرینک قطع ایده جکلری و حتی اوزیده اولان عساکر غیرت شعار مسفورلری استقبال وقتی وافری اخذ واستیصال ایدکلری کلان کاغدلردن واخذ اولنان دلارک تقریرلرندن یقیناً معلوم اولمغله بعون الله تعالی و قدرته برآ عموماً عساکر اسلام او زرلرینه وارمق اوزره عنیت و جزم و نیت اولنوب انجق بحر آ دخی محافظه‌سی اهم والزم و امداد و اعاتی واجباب دینیه‌دن اولمغله سنکه قپودانم وزیر شجاعت سپیر مشارالیه سن ذاتکده اولان غیرت و حیت مقتصاصنجه سندن بویله وقتده دین و دولت عليه‌مه لایق و تکمیل ناموس سلطنت سدیمه‌مه موافق خدمات پسندیده ملحوظ و منتظر اولمقدمن ناشی اکر قریمده دشمن غالله‌سی دفع اولمش ایسه عموماً دونمای هایونی آلوب

اوی اوکنه ایریشوب دریایی محافظه ایلدیکنندن ماعدا حلا اوی محافظه وزیر بحی پاشا
ایله خبرلشوب قالیونجی یکتئرندن دخی قلعه نک امدادینه عسکر ادخل وا کر هنوز قریمده
دشمن غائیه سی بر طرف اولماش ایسه مناسی هر نه و جهله ایسه بر ایکی قالیونجی و مقدار کفایه
مکمل فرقته تعینی ایله می اولور والحاصل بو وقتله تمام دین و دولت علیه مه ازدل
وجان اظهار غیرت و حمیت ایلیه جک زمانلر اولمغله سنندن مامول اولدینی و جهله اعمال
ادوات حزم و تدبیر ایدرک قلعه مرقومه محصر اولان مسلمینه امداد ایله دشمندن
اخذ وانتقامه بذل وجهد وحمیت ایلک فرمانم وسنندن هر حالده حسن تدبیر ایله ابراز
غیرت وجلادت مطلوب هایونم اولمغین اشبیو امر شریفم اصدار و... ارسال اولمشدر
ایمی وصولنده سننک وزیر مشارالیه سن بر منوان محرر قریم طرفنده دشمن
غائیه سی بر طرف اولمش ایسه عموماً دونهای هایونمی آلوب اوییه ایریشوب
دریایی محافظه ایلدیکنندن صکره وزیر مشارالیه ایله خبرلشوب قالیونجی کمیلنندن قلعه ده
محصور اولان عباداللهه امداد وا کر قریمده دشمن غائیه سی وار ایسه مقتضای رأی اصابت
قرینک اوزره مناسی هر نوجهله ایسه برایکی قالیون وقدر کفایه مکمل فرقته ایله می اونور
نوجهله اولور ایسه قلعه مرقومه محصر اولان غزات موحدینه امداد و تقویت ویرمک
کل تقید واهتمام ایلیه سن حاصلی بو وقتله سنندن غیورانه و دلیرانه حرکت ایله بحر آامداد
واعانت مطلوب وحالا اناطولی والیسی وزیرم کنج علی پاشا ایله قتی وا فر میرمیران کرام
وایالت والویه عسکرندن ماعدا باید جیوش و ادوات طوب و جبهه خانه ایله دشمنک اردین
آلوب بوجاق سر عسکری ایله خبرلشہرک عموماً بوجاق و نوغایلو عساکری ایله ذخیره لرین
قطع وتصدیق وتنکیللرینه سی ودقت ایلک اوزره مامور اولوب عنون و عنایت ذوالمنان ایله
هر طرفدن طابور منحوس اوزدینه هجوم واقتحام اولنه رق بویله مضيق محله کلمکه جرأت
ایدن دشمن دین استیصال وجهیه طعمه شمشیر غز اوله جقلری لطف و عنایت ذوالحلالدن التجا
وامیدا ولنگله سنندخی بوباده ترک خواب و راحت ایدرک اقتضان و جهله ایسه اعمال و تدقیق افکار
و تعمیق انتظار ایله اوی محافظه وزیر مشارالیه ایله خبرلشہرک قلعه هنر بوردیه بحر آامداد
و تقویت بخش قلوب عباده بذل اجتهاد و ذاتکده مرکوز اولان جوهر جلادت و بسالتکی
ابراز ایله ثبت صحائف روزکار اوله حق آثار سعیده و مساعی مبروره وجوده کتور مکنثار
نقدینه اقتدار ایدیوب نائل اجرور دنیا و عقبی و مظہر دعای خیرا جابت انتایه ایثار سعی لا یحصی
و صرف وسع اوی ایلک با پنده فرمان عالیشانم صادر اولمشدر
۱۱۵۰ را اواسط

— ۷۸ —

و دین محافظی وزیر محمد پاشاییده و و دینده در کاه معلم یکی چری ضابطی طور ناجی باشی...
 زید مجده یه ویرلی قولی اغالری و ضابطه رکاب کامیاب خسروانه مه ادمکله مکتوبک کاوب
 سنکه وزیر مشارالیه سن بو اثنا ده رکاب کامیاب خسروانه مه ادمکله مکتوبک کاوب
 خلاصه مفهومنده بقضاء الله تعالی نیش قلعه سنک دست دشمن بدکاره کرفتار اولدوغون
 اشعار و ذاتکده مرکوز اولان صداقت و شیجاعت مقتضا سنجه خدمت محافظه ده اولان
 مومنی ایله اتفاق و اتحاد ایدرک و دین قلعه سنک حفظ و حراسی امر نده بذل و سع و اقتدار
 او زره اولد قلریکزی اعلام و اخبار ایلدیککه بناء هر بریکز دعای خیر ملوکانه مه مظاهر
 او لمش سزدر بر خوردار اولوب حفظ و امان الهیده دائم و بر قرار اوله سز نان و نعمت
 سز لره حلان اولسون هنوز قلعه مذ کوره نک عسا کر و مهمات ایله تقویت واستحکامه
 اهتمام مهمدن او لملغه بوندن اقدم او امر شریفه مله قلعه مذ کوره نک محافظه سیچون تعیین
 و ترتیب اولنان طوایف عسکریه دن ماعدا بودفعه دخی تیز الدن استانه سعادتمند بیک نفر
 سپاه و بیک سلحدار سرد فک چدیلری تحریر و امکداران دولت علیه دن و در کاه معلم قیو جی
 باشیلرندن سابقا سپاهیلر اغاسی طویله جی حسین دام مجده سپاه سرد فک چدیلری و سابقا
 سلحدار اغاسی اولوب حالا میرعلم اولان سلیمان دام مجده دخی سلحدار سرد فک چدی
 او زرلرینه اغانصب و تعیین و مقدما نیش قلعه سنک تعیین اولنان دستور مکرم مشیر مفیخم نظام العالم
 وزیر غازی احمد پاشا ادام الله تعالی اجلاله دخی مکمل قیوسی خلقی ایله و دین قلعه سنک
 تحويل و برکون اول واروب قلعه مزبوره یه دخول ایلک او زره امر شریفه مله مأمور و او زرینه
 خاصه سلحشور لمدن قدوا الاما جد والاعیان قیودان سلیمان زید مجده مباشر تعیین قلنوب
 و جمله سنک بر قدم صوب مأمور لرینه سوق و تسیر لریچون مقدم و مبرم مباشر لرکون دریلوب
 و سریعاً ایصاللری خصوصنه پی در پی شتاب واستعجال اولنگله بعون الله تعالی قریباً و صوللری
 نمایان اولدی گندن ماعدا بوند نصرکره دخی جسته جسته قلعه مذ کوره یه عسا کر و مهمات ایله
 سائر اقتضا ایدن وجهه اعاشه اولنوب بر درلو قصور اولنیه جنی و هر خصوصده مساعده
 هایون خدیوانه بیدریغ او لمسی مقرر و محقق او لملغه ایدی سنکه وزیر مشارالیه و سزکه
 مومنی ایله سز همتکزه فتور کتور میوب جمله کز کال اتفاق و اتحاد او زره قلعه مذ کوره نک
 حفظ و حراسیله اعداء دینک دفع و فی خصوصیات نده صرف و سعی و مجال ایمه کله استحصال
 رضاء الله و رضاء هایونه مسارت ایدوب مسامحه و تقصیر و امور محافظه ده تهاون و تأخیر دن

غاية الغایه احتراز و مجانبته و خدمت لازمه کرده هر بریکن جان و باش ایله بذل وسعت و قدرت
ایمکن بابنده فرمان عالیشانم صادر او لم شدر بیور دومکه فی اواسط ر ۱۱۵۰

بعون الله تعالی قلعه مرقومه نک حفظ و حراسته و دشمن دین خذلان قرینک دفع
شر و مکیدته دلیرانه و عاقلانه حرکت و جمله ایله اتحاد و اتفاق و کوکل بولکی و حسن
و فاق ایله بذل وسعت و قدرت و تحصیل رضای علیه مه مساعت و بوندن بویله دخی دعای
خیر سریع التأثیر پادشاهانه مه مظاہر اولمغه مبادرت ایلیه سن جمله کزی الله امانت ایلدم

— ٧٩ —

سابقا وزیر اعظم اولوب حالا بوسنه والیسی اولان وزیر علی پاشایه حکم که
ظرف کدن رکاب هایون میمانت مقرونه وارد اولان مکتوبک و قائمک پیش کاه صریر
سلطنت سمیر ملوکانه مه عرض اولنوب مفهوم مسارت رسوم هرند بوندن اقدم نمیچه ملاعینی
وانلره تابع سائر کفره دن یمیش بیکه قریب کفار دوزخ قرار کلوب سدید اسلامیه دن
اولان بوسنه ایالی حدود دن واقع استرویجه عتیق و جسر کمیر وجین و بوزی قلعه سی
وانلر دن ماعدا متعدد طابور مقهور لریله بنالوقه قلعه سی محاصره و شهرینی ضبط ایتلریله
بوسنه ده موجود و ضرب و حربه قادر اولنلر دن عسکر تجهیز و قیوک خلقی ایله عجالة بر
ایکی کون ایچنده تراونکدن حرکت و بوندن اقدم محصور اولان جسر کمیر طرفه عطف عنان
عنیمت و تیز الدن عسکر ایله دلی باشکی نصب وایالت منبوره نک چاوشلر کتخداسی على
پاشازاده عثمانی جمله نک اوزر لرینه باش بوع تعیین و ذکر اولنان استرویجه عتیق
و جسر کمیر قلعه لری اوزر لرینه ارسال و حرب و قتاله مباشرت اولندقده کفار دوزخ قرار ک
سر عسکری و نیجه جنرالی و قیودانان و ضابطانی و سائر عسکرینک اکثری طعمه شمشیر ابدار
وبقیة السیوف اولنلری منهزم و مدرساً بیم جان ایله کندی حدود لرینه فرار ایدوب و ذکر
اولنان بنالوقه قلعه سی دخی استخلاص و امت محمده امداد و اعاتی جمله دن اهم والزم اولمغله
معیتکده اولان عساکر نصرت شعار ایله بنالوقه جانبیه توجه و عنیمت و جین و بوزی
قلعه لری على حاله محصور ایکن جین قلعه سی محاصره ایدن جنرال بدفعلنی استرویجه و جسر کمیر
قلعه لری و قعه هنندن خبردار اولد قرن دن قلوب قاسیه لرینه خوف و خشیت مستولی اولد یغندن
انلر دخی دار البوار لرینه طوغر و کیرو چکلوب و بتوفیقه الله تعالی بنالوقه قلعه سی قربن و اولد قده
قلعه مزبوره نک جسرینی دشمن دین ضبط ایمیش بولنگله محل مزبوره طوب و جبه خانه
وسائر آلات ایله مملو و دار آ مدار چرخ فلسکلر ایله مضبوط و محروس طابور مقهور لری
مقابله سنه و صول و پا بر جای صبر و مشول اولندقده لعین بیدینک قطنه سی طابور

مقهورلرندن خروج و عساکر اسلامه هجوم وغاريان ودلاوران ايله مقابله ايلدكده غزات
 اسلامك حمله شيرانه لرينه بوجهه تاب آور مقاومت اوله ميوب ابتداي امرده قتي وافر دلروكله
 آلنديكن صكره ملاعین بيدين سمت ادبارة فرار و طابور مقهورلرينه كريزان و عنكارى
 حضرت باري وحیت اسلاميه مقتضاسنجه مراده جنبش و حرکت و اظهار جلادت و بسالت
 ايله طابور مقهورلري اوزرلرينه واريوب اشعال ناڑه حرب و قتاله مباشرت اولنديقده
 (وان جندنالهم الغالبون) مصادقنه جناب ملهم الغيب من يد فضل لاريدن قلوب
 جنود مؤمنينه اعطاء شجاعت و سكينه مشركينه ازال رعب و هراس والقاء خوف
 ويأس ايمكله تكرار طابور مقهورلرندن ايريوب غزات اسلامه مقابله يه کلان اوچ جنرال
 ايله بي نهايه ضابطان و پياده لرينه كريده لريه اوچ عدد طوب و درت عدد خمبه هاون ترك
 و شمللرين تشتيت و تمزيق و معماً كتور دکلري بش عدد طوب و درت عدد خمبه هاون ترك
 كويپريلري قطع اولندوغن مشاهده ايلدكرنده كندولرين نهر ويرباسه القا وبربرى اوزرلرينه
 مفروقاً هلاك وبقيه السيف اولان كفره يي غزات اسلام تعقيب ايدرك و ديل و كله آله رق
 ممالک اسلاميه دن طرد وابعاد ومنصوراً ومظفرآ عودت ايدوب وقلعة مرقومه و سائر قلاع
 درونلرنده اولان امت محمد دخى بوجهه خلاص اولدوغن تبشير و سائر كيفياتي دخى
 تحرير ونشوير ايمش سن الحمد لله ثم الحمد لله ذلك فضل الله تؤتى من يشاء والله ذو الفضل العظيم
 بونويد سعيد صدور عامه مؤمنينه مسرت رسان و خاصة جناب خلاقتما به باعث حظوظ
 و الشراح جنان او لمغله برخوردار اوله سن خدمتك عن حضور فالض النور پادشاهانه مده
 مشكور و سعيك مبرور اولوب سن و بوغرای غرا وجهاده سعي و اجتهاد ايدن غزات
 ظفر سمات رضائي من شاهانه و دعائی خيراجابت اثر پادشاهانه مه مظهر او لمش سزدر نان و نمك
 خديوانه جمله كزه حلال وايکي جهانده يوز كيز آق وبراق و هموار كفره مشركين اوزرلرينه
 قليجكز كسكن وبراق اولسون وفيما بعد دخى نجه بوكونه غزاء غرا ايله لايق دين مبين
 و موافق ناموس سلطنت ابد قرينم اولور ماثر جمیله مامول طبع صفا مقرونم او لمغله حاليا
 حقكزده اقتاب عالمتاب مکارم پادشاهانه پرتو افکن و بخارزخار عواطف عليه خديوانه
 متلاطم و موجه زن اولوب خاصة خلع فاخره ملوكانه مدن سکا سمور فالض السروره قاپلو
 بروثوب خلعت مورث البهجه سلطاني و اسباق فاتحة الاكتاف خسروانه مدن برقبضه صهم صام
 ظفر ارتسام خاقاني و بش بيك آلتون رأى صواب ديد که مراجعت و امر يکه متابعت ايله

بوغزای غراده مساعی جمیله‌سی وجوده کلان ضابطان وسائِر غزات مسلمین ایچون دخی یکرمی ثوب خلعت فاخره وایکیوز عدده‌سیم چلنگ عنایت واحسانم اولوب تبلیغی خدمتیله ارسال او لنه‌شدر لدی الوصول مراسم تعظیم واجلال ایله استقبال وسکا عنایت واحسانم اولان خلعت فاخره وکسوه زاهره‌سی تلثیم و اکتسا وزیب دوش وشمیش ظفر تأثیر ملوکانه‌سی کمر حمیت پوریکه زیور و موئی ایم ایچون ارسال اولنان خلم فاخره‌بی دخی هر برینه سرزالرینه کوره علی صراتهم ... (بوامرک آشاغیسنده کی صحیفه موجود دکلدر) .

— ۸۰ —

روم ایلینک اورته قولنده واقع اولان موالی عظام وقضات ونواب وعلماء وصلحا وائمه وخطبا ومتسلملر وکتیخدا یرلری ویکیچری سردارلری وسائِر ضابطان واعیان واشراف زید مجرهم وآت وطوه وضرب وحربه قادر پیاده وسواری باجماه اهل اسلام زید قدرهم حکم که

بو اشناهه مساقو کفردی بطردن اوزی قلعه‌سی وبر طرفدن دخی قریم آطه‌سی اوزرلرینه هجوم ونمیجه‌لو دخی مسقولویه اعانت یوللو بفتحه ظهور ایله نقض عهده جهارت وحدود اسلامیه‌یه اطاله پای خسارت ایدوب امنیت صرتفع اولاق حالتلری رونما اولمغله منتهای سرحد اسلامیه اولان نیش وودین قلعه‌لریله بوسنه جانبلرینک ونهر طونه سواحلنده واقع محافظه‌سی لازم کلان محللرک کید وکزند دشمندن حفظ وحراسی ایله عباداللهک امنیت ورفاهیتلری اقدم اموردن اولوب وسنجه‌گان شریف ایله باجماه عساکر اسلام قارتاں صحراسنده ونیجه‌سی بندرده اعلاء کله دین میین ایچون طاش یاصدنوب طوبراق دوشنبه خلوص نیت وفقاء طویت ایله فی سبیل الله غزا وجهاد ایله مشغوللر اولوب بویله وقتلرده غزا وجهاد عامه عباد مؤمنین اوزرلرینه فرض عین اولدوغندن باشقه فضل الله الجاهدین علی القاعدین اجرأ عظیماً تختنه التجاو بالنفس احراز فضائل غزانیت صادقه سیله ابقاء دین میین واحیاء سنت سینیه فیخر المرسلین ایچون مال وجاء ایله بذل قدرت ایدنلر تحصیل رضای رب العزت واستجلاب مثوبات دنیا وآخرت ایلدکلری آیات باهره قرآنیه وحادیث زاهره نبویه ایله کون کی ظاهر وآشکار والمؤمن للمؤمن کالبینیان بشر بعضهم بعضها طبقنجه تنظیف مناهی اسلام وتطهیر مشارع شریعت سید الانامده صرف مکنت جمله مؤمنین اوزرلرینه واجبه ذمت اولدوغی باهر وبدیدار اولوب بو خلالده دشمن دین الکفر ملة واحده مصداقنجه بربورندن استفسار واستمداد ایتدکلری صورتده انصار دین ادبیات فاکولته‌سی مجموعه‌سی — ۶

وعباد موحدین دخی المؤمنین اخو المؤمن مفاد نجه برباریله تعااضد وتساند ایدرک دفع شرو
 مضر قلرینه مبادرت ودين مبین يولنده قاتلو المشرکین کافه يقاتلونکم کافه نظم کریمی
 اوزره هر بری جانسپار لق مراسه منه رعایت ایلدری عهد نبویدن بوقت هیمنت اقتزانه
 کانجه جاری اولان غیرت دیدنده اولوب تمام حیت اسلامیه وغیرت دینیه ابرازیله عموماً
 اهل اسلامک دین مبینه یار دیم واعانت ایده جکلری وقت اولنگله سز که موئیهم سز
 هر بریکز قضاالریکزده اولان شجیع وکارکذار اعیانلردن بر یا ایکیشتر نفر اعیان جمهه
 اوزرینه باش نصب وتعین اولنوب قضاکزده اولان آت وطوطه وحرب وضربه قادر
 سواری وپیاده باجمله اهل اسلامی عموماً بو غزا ایچون اولرندن ویرلنندن اخراج وذکر
 اولنان اعیانلرک معیتلریله منتهای سرحد اسلامیه اولان نیش وودین قلعه لرینه وبوسنه
 طرفه لرینه ونهر طونه سواحلنده سمت ومناسب اولان سرحدلره ایصال وسز که تعین
 اولنان اعیانلر ومعیتلریله کیدن رجال حرب وقتل موئیهم سز بروجه محرر هیأت
 مجموعه کز ایله تعین اولنان سرحدات اسلامیه یه واروب انده اولان اهل اسلام ایله تجمع
 واحتشاد وبالاتفاق محافظه مملکته قیام ایلک. بابنده اردوی هایوندن جمهه نک کیده جکلری
 محللرک تریب وتعین وتخصیص وتبیتی حاوی اوامر علیهم اکرچه اصدار وارسال اولنیش
 آنحق بوخصوص دین مبین خدمتی اولدیغندن باشهقه بوقت اوقات اخرايه قیاس اولنه حق
 ازماندن اولیوب اجرای مراسم غیرت دینیه ایله عامه عباد مؤمنینک جان وکوکلدن فی سبیل الله
 غزا نیتی ایله محافظه ناموس مطهره یه اهتمام ایده جکلری اوقاتندن اولنگین تأ کیداً واهتماماً
 واس-تعجالاً واقداً رکاب هایون غیرت مشیحونم طرفندن مخصوصاً اشبو امر شریف
 دیافت ردیفم اصدار و... ایله ارسال اولنشدیر ایمدى وصولنده سز که هر بر قضائیک
 قاضی وعلماء وصلحا وائمه وخطبایی سز بولیه وقتده اغور دین ومبینده مال وجان ایله
 مذل مقدرت ایمه نک فضائلنی تکرار بتکرار جمهه یه وعظ وتذکیر وصغیر وکیرام امر جهاده
 تحریض وترغیب ایدرک بروجه محرر نامدار وایش کذار اعیانلردن بر وایکیشتر نفر کمسنه لرک
 معیتلریله قضاالریکزده آت وطوطه وحرب وضربه قادر پیاده وسواری باجمله اهل اسلامی
 اولرندن ویرلنندن اخراج وعجاله ومسارعه بر قدم اقدم مأمور اولدقلری محافظه لره تسییر
 وارسال وسز که اخراج اولنان رجال حرب وقتل موئیهم سز دخی فی سبیل الله غزا
 وجهاده عنیمت صادقه سیمه بر قدم اقدم یولریکزدن چیقوب اعیانلر معیتلریله اردوی
 هایوندن مأمور وتعین قلمدیغکز محللر واروب امر محافظه یه وساؤ واقع اولان خدمات

دین و دولت علیه مه کوکل بر لکی ایله اقدام و سرکه تعین اولنگان اعیان‌لر سر ز سرکله بینه ف سبیل الله غزایه چیقان اهل اسلامی یانسکره استصیحاب و بر ساعت مقدم عجالة و مسارعة صوب مأموره دخوله شتاب و آنده اولان عباد مؤمنین ایله تجمع و تحشد ایدوب بالاتفاق محافظه مملکته و حین اقتضاده مدافعته دشمنه سعی واکباب ایلیه سر خیر الناظرين اولان حضرت الله عظیم الشان حبیب اکرمی حرمتنه عساکر اسلامک معین و ظهیری اولوب اعدای لئامی مقهور و مدرس و جنود موحدین منصور و مظفر ایلیه آمین کورهیم سری اغور دین و دولت علیه مده ظهوره کلان خدمتلریکن ضایع اولمیوب دنیا و آخرت مکافاتی مشاهده ایده جک کنر محقق و مقرر اولمغله هر بریکنر غیرت دین مین ایچون صرف ماحصل مکنت و رضاء الله به و رضای هایونه مظهر اولمغه سعی و دقت ولکن سرکه اعیان ولایتسر بو وسیله ایله بر فردن بر آقچه و بر جبه آنندیغی و حمایه و غدره تصدی اولندیغی مسموع اولور ایسه بویله وقتده بو مثلاو حرکت دین مینه خیانت و اهانت اولمقدن نامی بلا امان جزا کنر ترتیب اولنور اکر صداقت و استقامت او زره ملا و بدنا دین مینه خدمت ایدرسکنر سنوح ایدن زحمت و مشقتکنر فراموش اولمیوب هر بریکنر حال و شانه کوره اکرام و احترام اولنوب آکا کوره کیفیتلری ملاحظه ایدرک از دل و جان خدمت ایلکه هر بریکنر بذل تاب و توان ایلکنر بابنده فرمان عالیشانم صادر اولمشدر فی اوآخر ۱۱۵۰ استعجال اولنمشدر .

- ۸۱ -

صوفیه ده تحزب ایده جک عساکر ایله محافظه مملکته مأمور روم ایلی والیسی وزیر احمد پاشایه و معینتنه اولان وزرای عظام و میرمیران کرام و صوفیه منلاسنه و مفتیسنه و یکی چری ضابطانه و سائر اوجاقلر ضابطانه و علماء و صلحاء و ائمه و خطبائنه و پیاده و سوار اصناف عسکریه ضابطان ورؤسائنه و عموماً افراد عسکریه و اهالیسنه حکم که سنکه وزیر مشار الیسن اردوی هایونه ارسال ایلک قائمک صوفیه قاضیسنه عرضی و اهالیسنه محضری واصل و مفهوم لرینه و مطلوبات و ملتمساتکنر با جمله علم شاهانه محیط و شامل اولمشدر فی نفس الامر تحریراتکنر او زره بخلالده اول طرف عساکر و مهمات و ذخایر و ادواتک کثرت و وفرت او زره وجودی مرتبه و جو به منتهی ایدوکی واضح و بدیدار اولدوغنه بناء عساکر و ذخایر و مهمات و ادوات ترتیب و تجهیزینه کرک رکاب هایون و کرک اردوی ظفر مقرن طرف لرندن مباشرت و قیام اولمغله معینتکده بولنق اوزره ادرنه دن

صوفیه یه وارنجه روم ایلینک اورته قولنده واقع سادات کرام و متقاعدین ذی قدرت و سایر
 اته طوته قادر ایش ارلری و اسکوب و کوستندیل سنیجاقلرنده واقع اوون اوچ عدد قضالرک
 اعیانلری باش بوغ اولمک اوزره ذکر اولنان قضالرک دخی ضرب و حربه قادر ایش ارلری
 و كذلك روم ایلینک اورته وصول قولاندن بهر بیراغی یوز یکرمیثیر نفر اولمک اوزره
 کیتملری فرمان اولنان قرق عدد یکیچری بیراقلری و خصکی ا GAMUR فتیله ادرنه حوالیدندن
 مجدداً تحریر اولنان ایکی بیک نفر بوستانی نفرک وادرنه والیسی وزیرم علی پاشا مکمل
 و مستوفی قپوسی خلقی ولونداتی ایله معجلاً صوفیه یه ایرشمک اوزره وزارتی الغا و سابقاً
 موصل بکلر بکیسی آرسلان محمد پاشا و سـابقاً چرمن سنیجانی متصرفی سید محمد پاشا
 دخی مکمل و مرتب قپولری خلقی ایله و بوندن اقدمادرنه ضایع اولوب آستانه سعادتمند
 ترتیب اولنان اون عدد اورته نک چورباجیلری نصب و جاموس حسن زید مجده اوزرلرینه
 باش بوغ نصب و اثنای راهده نهرا تی تصحیح ایدرک صوفیه یه واروب ایرشمک وبشیوز
 قرق بش نفر طوپجی نهرا تی واورته لرنده دخی اوچ عدد طوپجی اورتهمی تعیین وادرنه دن
 اون بش عدد طوب ایله اوچ قطعه هاون ارسال اولمک و سلو پاشا زاده ظاهر پاشا اوچ
 بیک نفر و خداوندکار سنیجانی متسلمی ولی زید مجده بیک نفر میری لوندات تحریر و عجالةً
 صوفیه یه وارمک اوزره بودکر اولنان عسا کر و ادوات بالجمله رکاب هایونم طرفندن ترتیب
 و هبرینی یرلندن تحریک و علی جناح الاستعجال صوفیه یه تسییر ایچون اقتضاسنه کوره کیمسنه
 قپوجی باشی و کیمه بوستانی واوچاق خاصکیلری تعیین و خطوط هایون ایله معنوں مؤکد
 و مشدداً امر شریفه ایله طرف طرف نشر و ارسال اولندیغندن باشقه معیتکده دفتردار و کیلی
 نصب اولنان عبدالفتاح زید مجده یه اقتضا ایدن مصارفی صرف ایچون شمدىلک قرق بش
 بیک غوش ویریلوب و آستانه سعادت طرفندن شاطر حسن زید مجده مباشرتیله یوز
 الی بیک کیل حنطه و شعیر مبایعه می فرمان اولوب و بوندن غیری اردوی هایوند دخی
 اول حوالی یه سمت و مناسب اولان قضالرک ضرب و حربه قادر پیاده و سواریمی اخراج
 و عجالةً صوفیه یه ارسال اولمک و روم ایلی الویهندن بندرده اولان کوستندیل واخری
 ویانیه و اسکوب و اسکندریه و ایلیسان و دوقه کین و پرزرین و آلاجه حصار و ولپترین و دلوینه
 نام اون عدد سنیجاقلرک زعمما و ارباب تیاری دخی بر آن اول صوفیه یه وارمک اوزره تعیین
 و تسییر اولنوب بوعسا کرک مجموعی صوفیه ده سنک یانکده تجمع و امر محافظه ده و مدافعته
 دشمن و سائر اقتضا ایدن خدماتده سنک امر و رأیکله عمل و حرکته مأمورلر اولوب

وبعنایه الله تعالیٰ بوندن بوياه دخی او لظرفلره عسا کر و ذخایر ایله تقویت و متنانت ويرلسی
 امرینه کرک رکاب هایون طرفدن و کرک اردوی هایون جانبدن فوق الحد جد وجهد
 اولنده قصور اولمیوب لکن روم ایلی ایالتی وسیع الاطراف بر ایالت اولوب با جمله اویه
 وقضاری عسا کر اسلام ایله ملامال او غنیمه اوتهدن برو روم ایلی والیسی بولنانلر مراد
 ایتدکلری حینده قتی واخر عسا کر حیت مأثری بیورلدیلریلار حوزه حکومتلرندن جمع وایام
 یسیره ده یانلرینه جلب و جذب ایده کلدکاری مجربات اموردن اولوب و سندخی روم ایلی
 والیسی بولنماک تقریبی ایله حوضه ایاتکدن و اطراف و حوالیلرندن بیورلدیلرک ایله دخی
 جلب و جمع عسا کر باطفه تعالیٰ امر یسیر اولمغله معیته که تعین و ترتیب اولنان اجتناس
 عسکریه دن بشقه سنه دخی بوطرفدن بیورلدیلرک ایله عسکر جمع و جلبنه اهتمام و بوطرفدن
 جسته جسته یانکه وارانلر ایله احتشاد و اجتماع ایدوب وزرای عظام ایله مراسم اتفاق
 و اتحاده رعایت و تحزب ایدن عسا کرک هیئت مجموعه لرین آشمند صیانت ایدرک بعنایه الله
 المعین صوفیه نک و اطراف و حوالیلرینک و سائر اوسمتلرده محافظه سی مقتضی محللرک محافظه سنه
 قیام و مدافعت دشمن بدطینته دامن درمیان اقدام و تأمین و تطمین بلاد و عباده مردانه
 و دلیرانه اهتمام ایلک فرمانم و سندن مطلوب هایونم اولمغین اشبو امر شریفم امر وارد
 ایله ارسال اولنمشدر ایدی وصولنده سنکه وزیر مشار و سرکه معیته تجمع ایده جل
 وزرای عظام و میرمیران کرام و سائر ضابطان ورؤسائے عسکر اسلام و با جمله افراد عسکریه
 و اهالیء موییهم سر جمله کزی درکاه کبریا یه و دیعه و امانت ایدم دعای خیرم عسا کر
 اسلام ایله بیله در بروجه محرر عسا کر و ذخایر و مهمات و ادوات ایله او لظرفلرک متنانت
 و استحکامنے سعی و اقدام اولنديغی معلومکن اولدقدہ قطعاً غیرت و حمیتکن قصور و فتوح
 کتورمیوب هر حالده قوی القلب و جری الحاطر اولوب مردانه و غیورانه حرکت برله محافظه
 مملکت و مدافعت اعدای بدطینته قیام و مباشرت و هر خصوصیه روم ایلی والیسی وزیر
 مشار الیک رأی و امرینه متابعت و کوکل برلکی مسلکنے سلوکه رعایت ایدرک ابقاء دین
 میین و احیای سنت فیخر المرسلین ایچون فی سبیل الله غزا و جهاد نیت صادقہ سیله پا برجای
 مرکن ایک رأی و امرینه متابعت و کوکل برلکی مسلکنے سلوکه رعایت ایدرک ابقاء دین
 قریندن ظهوره کلان خدمتلریکن بردلو ضایع اولمیوب مكافات مشاهده ایده جکن مقرر
 اولمغله هر بریکن غیرت قوشاغنی بر قاجیردن میان حمیتکن بندایدوب غیرت و حمیت ابرازیله
 خدمات مشکوره وجوده کتورمکه صرف تاب و طاقت و رضاء الله و رضای هایونه مظہر

اولغه نثار نقدینه وسع وقدرت ایلکز بابنده فرمان عالیشان صادر او لمشدر دیو یازمشدر
فی اوائل حا ۱۱۵۰ اشبو امر محلنه کیتمیوب شق او لمشدر

— ۸۲ —

عمده سلاطین پیشینان اسوه خواقین ایلخانیان المختص بمزید عنایة ملک الاعلی سابقا
قریم خانی فتحکری خان دامت معالیه یه

سر خاندان جنکیزیه نک رشد ورؤیت ایله معروف خیرخواه و صداقت کش و متیقظ
و عاقبت اندیشلر ندن اولدیگنکز معلوم هایون اولدیغندن بشقه ذاتکرده اولان جوهر استقامات
و حمیت مقتضاسنجه بو سننه مبارکده قریم آطه سنه اطاله پای استیلا ایدن ملاعین دوزخ
مکینک قهر و تدمیر و تکلیل و تحریر لری خصوصنده جلوه کر ساحه ظهور اولان حسن
سعي واهمکز دخی بر درلو فراموش او لمیوب مظہر دعای خیرش شاهانه من او لمش سر زدر
لکن الحالة هذه قریم خانلگی بو خلالده بحسب الاقضا عواملطف علیه خسروانه من زدن خان
اسبق جناب امارت مأب ایالت نصاب سعادت اكتساب منکای کرای دامت معالیه یه توجیه
و تقلید او لنوب و سر زک دخی هر حالده راحت و رغایتکز سهیر ضمیر شاهانه من او لمغله
کندیکرده مخصوص اولان اتباعکرده قالقوب معززاً و محترما روم ایلنده واقع علاقه کز
اولان ویزه یه کلوب انه اقامت و دوام عمر و دولتم ادعیه سنه مداومت ایلکز شرف بخش
صدور اولان خط شریف شوکت ردیفمنز موجبنجه مراد هایون نز اولمغین اشبو امر شریف
اصدار و ... ایله ارسال او لمشدر ایدی وصولنده مراد هایون نز او لدینی او زره
کندیکرده مخصوص اولان اتباعکرده ایله قالقوب بروجه محرر معززاً و مکرمآ علاقه کز اولان
ویزه یه کلوب فراغ بال و رفاه حال ایله آنده اقامت و دوام عمر و دولت و قوام فروشو کتمز
ادعیه سنه مداومت و مواطمته ایلیه سر شویله بیله سر . فی اوائل جا ۱۱۵۰

— ۸۳ —

انقره سن جانی متصرفی اولوب اقکرمانده اولان عسا کرباش بونی عمر پاشایه اقکرمان
قاضی سنه و دفتردارینه حکم که

دونمای هایونم جانبندن بودفعه اقکرمانه کلان یکرمی محافظه فرقه لر ایله مقدمه اوزی
محافظه سی خدمتنده اولوب بعده اقکرمانه کلان والیوم سنه بو غازنده اولان فرقه لر دن
مکمل طاقیله بش قطعه سی وینه مقدمه اوزی محافظه سندہ اولان قانجه باشلر دن دخی بر قطعه سی
ینه اقکرمان محافظه سندہ ایقا اولنوب ماعدا سنت عحاله اساقچی یه کلری مهم و مقتضی
او لمغله ذ کر اولنان فرقه لر ایله اوچ قطعه قانجه باشلر ک ایچلر نده ایشه یار اماز تکنهر وار

ایسه افزار و تکنه‌لری قره‌یه چکلمک وا کر جمله‌سنن تکنه‌لری عمله صالح و نفرات طاقدلری مکمل ایسه اق‌کرمانده قاله‌جقلردن ماعدا جمله‌سی اساقبی به کلمک وا کر تکنه‌لری عمله صالح او لئرینک بعض متوفی و فراریلری سبیله نفرات طاقدلری ناقص ایسه سزکه میرمیران و مولانا و دفتردار مویی‌الیهم سز مرتفتکز و خصوصا باش‌بوغلى اولان انطالیه‌لی عثمان قپودان معرفتیله حسب‌الضروره بعض تکنه‌لر نفراتیله اولقوله نفراتی ناقص اولنلرک طاقدلری تکمیل اولنوب نفراتدن خالی تکنه‌قالور ایسه‌طوپلری و مهمات لازمه‌سی تحریر و دفتر او لنه‌رق محافظه و مناسب محلارده قره‌یه چکیلوب بقیه قلان تکنه‌لرک بووجهه طاقدلری لازمه‌سی تکمیل و تنظیم او لنه قدنصکره اق‌کرمانده قلنلردن ماعداسی سرعت و شتاب ایله اساقبی به ارسال او لنق فرمانم او لمغین اشبو امر شریفم اصدار و ... ایله ارسال او لنشدر ایدی وصولنده سزکه میرمیران و سائر مویی‌الیهم سز فرمانم او لدینی او زره ذ کر او لنان فرقته‌لرایله او چ قطعه قانجه باشارک ایچلرنده ایشه یاراما ز تکنه‌لر وارایسه افزار و تکنه‌لری قره‌یه چکیلوب وا کر جمله‌سنن تکنه‌لری عمله صالح و نفرات طاقدلری مکمل ایسه اق‌کرمانده قلاجقلردن ماعداسی اساقبی به کلوب وا کر تکنه‌لری عمله صالح او لئرینک نفراتلرندن بعض متوفی و فراریلری سبیله بعض طاقدلری ناقص ایسه مرتفتکز و باش‌بوغلى مویی‌الیه انطالیه‌لی عثمان قپودان معرفتیله حسب‌الضروره بعض تکنه‌لر و نفراتیله اولقوله نفراتی ناقص او لنلرک طاقدلری تکمیل اولنوب نفراتدن خالی تکنه‌قالور ایسه‌طوپلری و مهمات لازمه‌سی تحریر و دفتر او لنه‌رق و محفوظاً و مناسب محلارده قره‌یه چکیلوب بقیه قلان تکنه‌لرک بووجهه طاقدلری لازمه‌سی تکمیل و تنظیم او لند قدنصکره اق‌کرمانده قلنلردن ماعداسی سرعت و شتاب ایله بران او لاساقبی به ارسال و تسییر ایلیوب خلافدن اتفا و مجاہدت ایلسکز بابنده فرمان حاکیشانم صادر او لمشدر

— ۸۴ —

قاری ایلی سن‌جاجی متصرف اولوب کلی محافظه‌سنن مأمور یوسف پاشازاده حسن دام اقباله و کفه نائی و در کاه عالی کدکلورندن مقدمما مباشر تعین او لنان کدکلوردن بو دفعه مأمور قلنان ... و کلی ناظری و یکی چری سرداری و اسکله امینه حکم که قریم اطه‌سننده ذخایر کلتی او لقدن نائی اهالیسنک التراسلریله کلی و اسماعیل اسکله لرنده حنطه ایله مملو سفینه‌لردن قریم و اناطولی خرجی تعییر او لنور بغدادی ایله یوکلو بولنان سفاین یوکاریله آطه مرقومه طرفنه کوندریلوب سفر داخلی او زره اقتضا ایدن مهماتی اشترا

ایدنلردن آلمق شرطیله فروخت اولنئیچون سزکه مباشر مومى اليه احمد زید مجددسن سزک
 مباشر کله بوندن مقدم مفصل و مشروح شرفقدور بولان امر شریفمله کای اسکله سنه
 واردیغکده اسکله مأموری و سکر قطعه سفاین بولنوب دردی یوکای و دردی بوش اولوب
 لکن کفه جانبنه مأمور اورتلر و بیراقلر ک تحمیل و ارسالی ایچون اوجاق طرفندن سفینه
 تدار کنه تعین اولنان مباشر چاوش دخی انده بولنیق حسیله سفاین مرقومه دن بوش اولان
 درت قطعه سی اوجاق مباشرينه معرفت شرعه تسلیم اولنقدن صوکره حموله سی اولان
 درت قطعه سی دخی صادر اولان امر شریفمه بناءً قریمه ارسال ایلک اوزره ایکن ینه
 اوجاق طرفندن سفینه تدار کنه مأمور سایان چاوش ایله اغاچو قه داری مارالذ کر درت قطعه
 یوکاو سفاینک دخی ریسلری اخذ و حبس و محبوساً اردوى هایونم جانبنه کتور دکلری
 سزکه میرمیران و نائب مومى اليه ماسز بشقه بشقه اعلام ایمکر ایله ذ کر اولنان درت قطعه
 سفینه لردن هر بری تحریر اولندوغى اوزره تماماً حموله سی الوب قالقمعه استعداد کلش ایسه
 هر برینک حموله سی تقدار کیله دن تحریر و دفتر اولنقدن صکرہ مباشران مومى اليه ما ایله
 معاً حمولاری اولان ذخیری طوغری قریمه کوندروب انده اولان عبادالله ه فروخت
 ایلکارینی مشعر قریم طرفندن اعلام و جلت شرعیه کتور مک شرطیله سفاین مذکوره بی
 مباشر مومى اليه ما ایله معاً بران اول قریم طرفنه ارسال اکر حموله لری ناقص ایلک مجرد
 خدمات هایوندہ متاعب و اعراض قصدیله یوکاریمیز تمامدر دیوار تکاب خلاف ایمشلر ایسه
 سفینه لری اسکله بی ربط و کیفیتی علی وجه الصیحه اعلام اولنیق فرمانم اولمغین اشبیو امر شریف
 اصدار و بو دفعه کوندريلان مباشر مومى اليه ایله ارسال و تسییر دخی معاً او جانبه ایصال
 اولنش لردر وصولنده سزکه میرمیران و مأمور و ناظر و یکیچری ضابطی و اسکله امینی
 مومى اليه ماسز مباشر مومى اليه ایله جمله کز قالقوب سالف الد کر سفینه لرک اوزرلرینه
 واروب فی الحقيقة هر بری تماماً حموله سی الوب قالقمعه استعداد کلش ایسه دروزلرند اولان
 حنطه نک کندو مقداری تحریر و دفتر اولنقدن صکرہ شروط مرقومه اوزره تماماً نقل
 و فروخت ایلکارینی متضمن جلت شرعیه و اعلام کتور مک شرطیله مباشران مومى اليه ما
 معاً سفاین مرقومه بی قریم طرفنه تسییر و ارسال واکر حموله لری ناقص ایسه سفینه لری
 اسکله ده ربط و ریسلرینی ضبط ایدوب کیفیتی علی وجه الصیحه اعلام ایلیه ماسز و سزکه مباشران
 مومى اليه ماسز سزدن صداقت و استقامت ایله خدمت مأمول اولمقدن ناشی بو خصوصه
 مخصوص مباشر تعین اولنکزله بر منوال مشروح سفاین مرقومه نک یوکاری تمام ایسه

بررسفینه یه کندیکن و بر سفینه یه معتمد ادمیریکن کیروب ان شاء الله تعالى طوغری قربه
واروب تحمیل اولنان خطه ی سعی واقعی او زره اقتضا ایدن بهای اشترا ایدنلردن عن نقد
النق و جهله تماه و کاملاً ایده فروخت ایت دروب قریمه بالقام وصولی مشعر بحث شرعیه
واعلام ایله عودت ورجعت واکر یوکاری ناقص ایسه یکفتی سزدخی اعلام و بعده نه کونه
امر شریفم وارد اولور ایسه مقتصاصیله حرکته اهتمام ایله سز شویله که بوبابده طمع خامه
تبیعت ایله مغایر امر عالی یدیکن دن مقدار ذره وضع ناملايم ظهور ایدر ایسه عنزو و علتکزه
با قلمیوب محکم حقکن دن کانه جکنی محقق بیلوب اکا کوره منید بصیرت او زره حرکت
و خلافندن غایة الغایه تحاشی و مجانبته اولنق با بنده فرمان عالیه دان یاز لشدر فی اوآخر جا ۱۱۵۰

— ۸۵ —

بوجاق سر عسکری عظمتکرای سلطان و بوجاق میرز الری واختیارلری و نوغایلو سلطان
محمد میرزا و نوغایلو میرز الری واختیارلری ویر بستان میرز الری و اوران اوغلی و رومنیده اوغلی
میرز الرینه حکم که

سنکه بوجاق سر عسکری عظمتکرای سلطان زید مجده سن سن سلاطین جنکیزیه نک
شجاعت و بسالت و رویت و جلادت ایله موصوف واغور دین دولت علیه مده خدمات مدوحه
ابرازینه لیاقت ایله معروف حمیت شعار وغیرت دثار لرندن اولدیگه مسموع و معلوم اولدیگه
بناءً جبلت پا کیزه طیز تکده خمرو مضمر اولان جوهر صدق واستقامت وکوه آثار رشد
وحیت مقتصاصنجه سندن محافظه ناموس سلطنت ابد مکنیت و قهر و تدمیر اعدان بد طینه
مردانه رفتار و دلیرانه روش واطوار ایله ما ثر سعیده و خدمات حیت اظهاری جایگیر صفا
سمیر ملوکانه اولدیگندن قطع نظر اوته دن برو سنک مثللو شجعان اروغه جنکیزیه اقدام ایله
دشمن دین صدهزار پامال سنور و قهر و دمار و سیراب شمشیر آتشبار اوله کلادیکی مضبوط
جريدة اخبار و اثار اولوب و سز که طائفه تاتارک اوغلی میرز الری سز سزدن و سزک طائفه کزدن
بو آنده دک نیجه نیجه خدمات مبروره وجوده کلیکه دولت علیه مک سزه هر حالده اعتمادی اولوب
وقریم خانلری طرف لرندن او زر لرینه نصب اولنان سر عسکر لریکن جانب هایون مدن دخی
مقبول و معتمد اویاق و تمثیت امور نده سعی او مزا ولنق جاری اولان قواعد قدیمه دن اولدیگی
اجلن حالاقریم خانی فتح حکرای خان دامت معالیه طرف لرندن بوجاق سر عسکری نصب
و تعین اولنان موئی الیه عظمتکرای سلطان زید علوه نک دخی سر عسکر لکی طرف شاهانه مدن
مرضی و مقبول و نظر ملوکانه ایله منظور و مشمول اول ملغله سلطان موئی الیهمی او زر لریکن

سر عسکر بیلوب مراسم اتفاق و اتحاده رعایت و سوزندن و رأی وامر ندن خارج حرکته
 جسارت ایدنلری منع و تحذیره مبادرت ایلکنر سزدن مأمول و منتظر اولوب و بوکونه اتحاد
 درون و اتفاق قلوب میمینت مقرون ایله موافق و قهر و تنکیل دشمن بد طینته قصد و عزیمت اولندیغی
 ایام لرده یاری باری ایله شاهد فوز و ظفر جلوه دینی منع ظهور اوله کل دیکی دخی قضایای
 مسلمه دن اول مغله سزدن ماحوظ خاطر صفا مظاہرم اولان لوازم یکیجهتی مراسمن اجرا
 و رضاء الله و رضای شاهانه مه موافق حرکات مشکوره وجوده کتور مکه سعی او فرایدر ک
 کوکل بر لکی ایله بودفعه اظهار نخوت و غرور واق صو کچیدن دن برو طرفه عبور ایدن
 دشمن پیمان شکننک اطرافندن ایرلیوب طابور منحومی هرن طرفه حرکت ایدرایسه سزدن
 اطرافی هاله مثالی احاطه و قهر و تنکیل و تضییق و تذلیل ملارینه عنان حیتی اماله ایدوب بالطفه
 تعالی هر بریکنر سبقت ایدن خدمتلریکنر مقابلی مظہر الطاف شاهانه اوله جفکنری واعدای
 لئامک ازاله واعدام دفع و یید و مضارلریچون نهر طونه نک قارشو یقه سنده مکث او زره اولان
 اناطولی والیسی وزیر کنج علی پاشا اون بش بیک نفر مقداری پیاده و سوار کزیده
 و نامدار رجال حرب وقتال ایله معجلان بندره تسییر و ایصال و عقیندن سن جاغ شریف
 ایله وزیر اعظم و سردار اکرم دخی معیتلرندن اولان وزرا و میر میران کرام و بالجمله او جاقلم
 خلقی و دائره دولت علیهم رجالی و سائر پیاده و سوار عساکر انجم شیار و مستوفی ادوات
 جنک و پیکار ایله حرکت و دشمنک او زرینه سوق مطایای سطوت و عزیمت ایلدکلرینی ملاحظه
 و تدبیر ایدوب احیای دین میان و ابقاء شریعت سید المرسلین ایچون بو غزای غراده هر بریکنر
 غیرت قوشانگی میان حیتکنر بند و عون و عنایت عزیز دن انتقام قلبکنری ربط ایله
 غیورانه حرکت و دشمنک کید و مضرته سز دخی بذل مقدرت ایلکنر فرمانم و جمله کز دن
 غیرت و حیت اظهاری مطلوب هایونم اولمغین اشبو امر شریفم اصدار و ... ایله ارسال
 اولن شدر ایدی وصولنده جمله کزی وحدانیت باری یه امانت ایلدم خاصه جناب
 خلاقه بیک و عامة بالجمله وحدینک دعای خیر لری سز کله و سائر عساکر اسلام ایله بیله در
 کوره یم سزی بوقت تمام دین و دولت علیهم خلوص او زره خدمت ایده جک و دشمندن
 انتقام النه حق او قاتدن اول مغله حالا سر عسکریکنر اولان سلطان مو می الیک هر حاله امر
 و رأینه اطاعت و سوزندن خارج حرکته تصدی ایدنلری منع و زجره دقت و جمله کز کوکل
 بر لکی ایله حرکت ایدرک دشمنک طابور مقهوری هرن سمته حازم اولور ایسنه اطرافندن
 منفک اولیوب قهر و تدمیر و تضییق و تحریر لرینه اقدام واعلاء کلمه الله علیا واقامت فریضه

جهاد وغزایه اهتمام ایدوب سر زدن مأمول هایونم اولان شجاعت و مردانه ایکی اختیار ایله خدمت کنر مبرور و سعیکنر مشکور او لغه والطاف و عنایت خدیوانه و دعای خیر سریع التأثیر خسر وانمه مظهر او لغله ثبت صحیفه روزگار اوله حق نیکنام تحصیل ایلکه سعی بیشمار ایلکنر با بنده فرمان عالیشانم صادر او لمشدیر بیوردمکه فی اوائل را ١١٥٠

- ٨٦ -

در کاه معلم طوب عرب چیلری او جاغندن التجی بلوکاک چور باجیسی اولان الحاج حسین چور باجیه حکم که

بوندن اقدم ازاق قلعه سنده چقوب حالا طمان قلعه سی محافظه سنده اولان طوب عرب چیلری نفراتنک موجود و ناموجودی یوقلنوب على الاسامی دفتر و بو طرفه اعلام او لنق مهم و مقتضی او لغله سنکه مویی الیه سن سنده صداقت واستقامت مأمول او لندوغندن ناشی خدمت مذکوره یه تعیین او لملکه او جاق طرفندن قدوة الاماثل والاقران زید قدره مباشر تعیین و ارسال او لندشدر ایمدى وصولنده کر کدر که تأخیر و توقف ایمیوب قالقوب برکون و بر آن اقدم سرعت و شتاب ایله طمان قلعه سنده واروب مقدمما ازاق قلعه سنده حیقان طوب عرب چیلری نفراتی مباشر مویی الیه معرفتیله على الاسامی یوقلتوب موجود و ناموجودلری مفردات و صحی اوزره دفتر و دفتری مباشر مویی الیه ایله بو طرفه ارسال و کندک طمان قلعه سی محافظه سنده اولان نفرات مذکوره او زرینه او جاق طرفندن ضابط تعیین او لملکه نفراتیک ضبط و ربطیله و خدمات علیه مک ادا سنک اهتمامیله تقید و اهتمام ایلیوب خلافندن بغایت احتراز و اجتناب ایلیه سن دیو در کاه معلم طوب عرب چیلری باشی ابراهیم زید مجده طرفندن مهرلو مکتوب ویرملکه وجه مشروح اوزره عمل او لنق با بنده فرمان عالیشانم صادر او لمشدیر فی اواسط را ١١٥٠

- ٨٧ -

حالا سکبان بائی اولان محمد دام مجده یه حکم که
بو سنه مبارکه ده واقع سفرهایونم ایچون اردوانی نصرت مقروهه مأمور او طه لو و کرک روم ایلی و آناطولی جانبیلرندن سردار لر بیرا قلریله کلوب تصحیح و بد رکاه او لملک و صاحب الاسامی یکی چری او لملر مأمور اولد قلری او رطہلری یاننده قیام ایلکه لازم ولا بد ایکن دشمن دینک حرکتی سبی ایله بر قاج کونه دک علم فخر عالم صلی الله تعالی علیه و سلمک زیر سایه سعادت احتوا سنده جمع و حاضر و اماده و عساکر ظفر انجام ایله اساقی سحر اسنده حرکت برله قارشو یقه یه کچیله جکی متحقیق ایکن ایچلرندن بعضیلری کتمانک داعیه سیله

هوالرینه تابع يرامازلر ايله كيرويه عودت و فرار او زره اولدقلري اجلدن او بقوله فاري
يرامازلر ك عقبنجه ادمير ارسال واولدقلري محلده اخذ ولازم اجرا و نادم اولوب تكرار
اردوی هایونه عودت التاس ايدينلىرى عودت ايتدىرلماك او زره اناً فاناً اهتمام تام اولوب
لكن بومقوله فاري ويرامازلردن جسىته جسته و بدن ايكي دن براً وبحرً بر تقرير ايله
استانه يه مسرور ايدين استفسار او لندقلرنده بزلره اذن ويرلدى او بله كاڭك سفر يوقدر
ديو هزار دروغ و حيده ايله كىندولرىن ضابط يىدىن تخلص ايجون قيد ايلىدكلرى مموع
اولمغله سنـكـه سـكـبـان باشـى موـمىـاـلـيـهـسـنـ استـانـهـ سـعـادـتـمـدـهـ سـفـرـدـنـ فـرـارـ وـبـلاـ اـذـنـ عـودـتـ
اـيدـوبـ كـشـتـ وـكـذـارـ اـيدـنـلـرـ طـرـفـ تـفـحـصـ وـبـنـفـسـهـ قولـ اـيلـهـ كـشـتـ وـكـذـارـ اـيدـوـكـاـكـ
واـسـوـاقـ وـبـازـارـلـرـ زـيـادـهـ تـجـسـسـ اـيدـرـكـ سـفـرـهـ مـأـمـورـ اـيـكـنـ فـرـارـاـ وـارـمـشـ اوـلـنـلـرـ اـخـذـ
وـتـكـرـارـ اـرـدوـيـ هـايـونـهـ اـرـسـالـ اـيـجـونـ اـهـتـامـ وـدـقـتـ اـيدـوبـ اـكـيدـ وـشـدـيدـ تـبـيـهـ اـيـلـدـكـدنـ
صـكـرـهـ اـصـغاـ اـيـتـيـوبـ كـيـتـيمـيـانـلـرـ اـخـذـ اوـلـنـدـقـدـهـ حـقـلـرـنـدـنـ كـانـمـكـ لـازـمـ وـاجـرـاـ اوـلـنـقـ فـرـمانـ
اوـلـمـعـينـ ... اـرـسـالـ اوـلـنـشـدـرـ انـشـاءـ اللهـ تـعـالـىـ وـصـوـلـنـدـهـ وـجـهـ مـشـرـوـحـ اوـزـرـهـ عـمـلـ وـحـرـكـتـ
وـطـرـفـكـدـنـ تـبـيـهـ لـازـمـكـلـانـ ضـاـبـطـانـهـ تـبـيـهـ وـهـرـبـرـىـ بـوـاـمـورـ لـازـمـهـدـهـ سـعـىـ وـاـهـتـامـ اـيـلـمـرـيـچـونـ
تقـيـدـ وـلـكـنـ خـلـافـ شـرـعـ شـرـيـفـ وـمـوـجـهـ مـأـمـورـ اوـلـيـانـ درـدـمـنـدـلـرـ غـدرـ وـرـنـجـيـدـهـ
اوـلـنـيـوبـ خـلـافـنـدـنـ اـتـقـاـ وـمـجـاـبـتـ اوـلـنـهـ دـيـوـ بـالـفـعـلـ درـكـاهـ مـعـلامـ يـكـيـچـرـيـلـرـ اـغـاسـىـ اوـلـانـ
عبدـاهـ اـغاـ دـامـ عـلـوهـ طـرـفـنـدـنـ مـهـرـلـوـ مـكـتـوبـ وـيـرـلـكـاهـ وـجـهـ مـشـرـوـحـ اوـزـرـهـ عـمـلـ اوـلـنـقـ
بابـنـدـهـ فـرـمانـ حـالـيشـانـ صـادـرـ اوـلـنـشـدـرـ بـيـورـدـمـكـهـ فـيـ اوـاسـطـ ذـ ۱۱۵۰ـ

— ۸۸ —

روم ايلى واليسى اولوب بندر جانبي سرع العسكرية جلادت كـسـتـرـ وزـيرـ عـبـدـاهـ پـاشـاـيـهـ
واناطولى واليسى وزير داير حميت سمير كـنجـ علىـ پـاشـاـيـهـ وـبـنـدـرـدـهـ اوـلـانـ مـيرـمـيرـانـ كـرـامـ
واـجـاـقـلـرـ ضـاـبـطـانـهـ وـسـاـئـرـ بـالـجـمـلـهـ اـفـرـادـ عـسـكـرـيـهـ وـضـاـبـطـانـ وـرـؤـسـاـسـنـهـ وـاجـنـادـ ظـفـرـپـيـكـرـهـ حـكـمـكـهـ
دـشـمنـ دـيـنـ طـاـبـورـ مـقـهـوـرـ يـلـهـ بـوـاـشـاـدـهـ اوـزـىـ قـلـعـهـسـىـ پـيـشـكـاـهـنـهـ كـاـوـبـ مـحاـصـرـهـسـنـهـ جـسـارتـ
اـيـلـدـوـكـنـ حـالـاـ اوـزـىـ مـحـافـظـىـ وزـيرـمـ يـحـيـيـ پـاشـاـ اـرـدوـيـ هـايـونـهـ اـعـلامـ وـانـهاـ اـيدـوبـ لـكـنـ
مـلاـعـينـ خـاسـرـيـنـكـ پـيـادـهـ وـسـوـارـىـ وـسـپـاهـ لـشـكـرـ منـجـوـيـ تـخـمـيـنـ صـافـ اـيلـهـ يـتـمـشـ بـيـكـدـنـ
بـالـغـ اوـلـورـ اوـلـماـزـ اوـلـدـيـغـنـدـنـ بـشـقـهـ بـرـطـرـفـدـنـ اـيـچـلـرـيـهـ خـمـسـتـلـاـكـ اـصـابـتـيـ وـبـرـطـرـفـدـنـ دـخـيـ
ذـخـاـيـرـكـ قـلـتـ سـيـيلـهـ بـهـرـيـومـ قـتـيـ وـافـرـ مـلاـعـينـ هـلاـكـ اوـلـمـقـدـهـ اـيدـوـكـيـ وـنـهـرـاـ اـمـدـشـدـاـيـدـنـ جـنـكـ
سـفـاـيـنـيـ دـخـيـ اوـلـماـقـدـنـ نـاـيـيـ اـرـدـلـنـدـنـ كـلـهـ جـلـكـ ذـخـاـيـرـكـ بـوـجـاـقـ عـسـكـرـيـ اـهـتـامـيـلـهـ قـطـعـ

اوله جنی و حتی اوزی محافظه سنده اولان اجناد غیرت اعتیاد ملاعین خامسینی استقبال و بعونه
 تعالی نیجه سنی اخذ و استیصال ایلدکاری نی اوزی محافظی مشارالیه ک تحریری واحد اولنان
 دلارک تقریریه رسیده رتبه یقین اولغله ملاعین مس فورینک بوکونه عتو و استکباری
 بعذایه الملک القهار استیصال وجهه قهر و دمارلری موجب و بودفعه بلطفه تعالی
 نهر پروت و قوه سندن ازید مظهر قهر و هزیت و قرین شناعت و فضاحت اولملری نی
 مس توجب اولمی درکاه جناب کردکاردن مسئول و متضرع اولوب بوباده
 عame جیوش موحدین حضرت عنیزدی انتقامه توکل و روحا نیت جناب رسول الله تبلینه
 توسل ایدوب اعلاء کلمة الله علیا واقامت فریضه جهاد و غزا ایچون خلوص نیت و صفائ
 طویت ایله تشمير ساق و اهتمام و تشیخیز حسام انتقام ائمیریه روم ایلی و اناطولی ایالتلرینک
 زعما وارباب تیارلرندن مقدمه بندر جانبه سوق و تسییز اولنوب عقبیلرندن درکاه معلم
 یکیچریلری او جانی دخی اشبو ما هربیم الاولک اون بشنجی احدکونی نهر طونه بی قارشو طرفه
 عبور و درعقب وزیر اعظم و سردار اکرم دخی سائر او جاقلم رجالي و بالجهنه عسکر اسلام ایله
 طونه بی چوب اولظرفلره سایه انداز تقویت و مستعينا بالله تعالی دشمندن کرکی کی اخذ
 انتقامه نیت ائمیریه بویله وقتده تمام اتهاز فرصت و دین دولت علیه مه خدمت ایده جلک
 او قاتدن اولغله اناطولی والیسی وزیر مشارالیه ک بو خلاشه عسا کر کثیره و مقدار کفایه طوب
 و ادوات وجبه خانه استعما لی ایله دشمن دینک اردین الوب بوجاق سر عسکری عظمت کرای
 سلطان زید علوه ایله بالاتفاق بوجاق و نوغایلو تاتارلریه ملاعین مس فورینی تضییق و تنکیل
 و تدمیر و تذلیل ایلسی الطاف الهیه دن ملتیجا اولدیغندن مشارالیه بو خصوص بشقه امر
 شریفم ایله توصیه و سپارش اولنوب و عقیبینده پیدرپی کلیتلو اعانت و امرینه تقویت اوله جغندن
 فضله سابق البیان روم ایلی و اناطولی ایالتلری عسکری دخی وزیر مشارالیه معینه تعیین
 قلنملریه اردرنجه سرعت و عنیکتلری چون مقدم و مسرع مباشرلر تسییز و ارسال اولنوب
 و سنه که سر عسکر حمیت کسترم مشارالیه من حالابندرده اولان میرمیران کرام و سپاه
 و سلاحدار ترقیلولری و سائر اصناف عسکریه مشارالیه ک دیلد و ک سواری عسا کر اسلامی
 وزیر مشارالیه ک معینه تعیین و مقدار کفایه شاهی طوب و ادوات طوب وجبه خانه ایله بران
 اقدم مشارالیه جانب من بوره ارسال و تسییز ایلک فرمانم اولغین اشبو امر شریف
 اصدار و ... ایله ارسال اولنمشدر ایدی وصولنده سنه که سر عسکر مشارالیه من فرمان
 اولدیغی وجهه مشارالیه ک معینه بندرده اولان میرمیران کرامی و سائر سواری اجناد

ظفر ارتسامی تعین و مقدار کفایه شاهی طوپلر و ادوات طوب و جبهه خانه ایله جانب مزبوره سوق و تسیر و سنکه اناطولی والیسی وزیر شیجاعت مصیر مشارالیهسن دیگر امر شریف مده توصیه و عهده حمیت کننده احواله او لنه دینی اوزره متوكلاً علی الله و مستمراً عن روحانیه رسول الله کفار خاکسارک اوزرینه واروب اردرینی الوب بوجاق عسکری سلطان مومنی ایله اتفاق بوجاق و نوغای میرزالری و سائر عسکرلر ایله اتحاد ایدرك عدوی مکارک قهر و تدمیر و تشكیل و تحقیر لرینه مبادرت و سرزدزماؤل هایونم اولدوغی اوزره غیرت و حمیت ایله دین و دولت عامیمه خدمت ایله سر ز و سر که بندرده اولان میرمیران کرام و سائر عسکر اسلام سر عسکر مشارالیه ک تعيین و تنبیه اوزره اناطولی والیسی وزیر مشارالیه معیتیله کیدوب اتمام مصالحته دک امروراینه متابعت و هر بریکنر اظهار غیرت ایدرك دشمنک دفع شر و مضرینه مبادرت ایله سر سنوح ایدن خدمت کنر بردلو ضایع اولمیوب مكافات او لنه جنی محقق اولمغله کورهیم سری دین مین و دولت ابد قریم اغورنده جان سپاراق مراسمنه رعایت و غیرت و حمیت ایله مساعیء شکوره وجوده کتورمکه بذل تاب و طاقت ایلکنر باشنده فرمان عالیشانم صادر اولمشدر بیوردومکه فی اواسط و ۱۱۵۰

— ۸۱ —

دریا قپودانی وزیر سلیمان پاشایه حکم که
نقض عهد و پیمان ایدن مسقون کفره سی طابور منحوسیله اوزی طرفنه کاوب اوزی
قلعه سی محاصره واخچنده اولان عبادالله تضییقه مبادرت ایدوکی اعلام اولنوب لکن
دشمنک اوزی التنده اولان سپاهی عسکری تخمیناً اکرچه یتش بیکه بالغ اولور اولماز
مقوله سی اولوب انجق ایچلرینه بر طرفدن خسته لک اصابت و بر طرفدن دخی ذخایر قلتی
سبی ایله بھر یوم قتی و افری هلاک اولمقدمه ایدوکی و نهراً امدشد ایده جک سفاین اولما مقدم
ناشی اردرلنند کله جک ذخیره بی بوجاق و نوغایلو عسکرینک قطع ایده جکاری و حتی اوزیده
اولان عساکر غیرت شعار مسفورلری استقبال و حتی و افرین اخذ و استیصال ایلدکاری کلان
کاغدلردن و اخذ اولنان دلارک تقریرلرندن یقیناً معلوم اولمغله بعون الله تعالی و قدرته عموم
عساکر اسلام ایله اوزرلرینه وارملق اوزره عنیمت و جزم نیت اولنوب انجق بحرآ دخی
محافظه سی اهم والزم و امداد و اعانتی واجبات دینیه دن او بغله سنکه قپودانی وزیر شیجاعت
سمیر مشارالیه سن ذاتکنده اولان غیرت و حمیت مقتضاسنجه سندن بویله وقتده دین و دولت
علیه مه لایق و تکمیل ناموس سلطنت سینیمه موافق خدمات پسندیده مایحوظ و منتظر
اولمقدم ناشی قریمده دشمن غائله سی دفع اولمش ایسه عموماً دوننمای هایونی آلوب اوزی

اوکنه ایریشوب دریابی محافظه ایلدیک کدن ماعداً حالاً اوزی محافظی وزیرم یحیی پاشا ایله خبرلشوب قالیونجی یکتلتندن دخی قلعه نک امدادینه عسکر ادخالی واکر هنوز قریمده دشمن غائله سی بر طرف اولمامش ایسه مناسی هر نوجهمه ایسه بوایکی قالیون و مقدار کفایه مکمل فرقه تعیدنی ایله می اولور والحاصل بوقتله تمام دین و دولت علیه مه ازدل و جان اظهار غیرت و حیث ایلیه جک زمانلر اولمغله سندن مامول اولنديغی وجهه اعماله ادوات جزم و تدبیر ایدرك قلعه مرقومده محصور اولان مسلمینه امداد ایله دشمندن اخذ انتقامه بذل جهد و حیث ایلک فرمان و سندن هر حالده حسن تدبیر ایله ابراز غیرت و جلادت مطلوب هایونم اولمغین اشبو امر شریفم اصدار و... ارسال اولنشدر ایمدى وصولنده سندکه وزیر مشارالیه سن بر منوال محرر قریم طرفنده دشمن غائله سی بر طرف اولیش ایسه عموماً دونمای هایونمی آلوب اوزی یه ایریشوب دریابی محافظه ایلدیک کدن صکره وزیر شبارالیه ایله خبرلشوب قالیونجی یکتلتندن قلعه ده محصور اولان عباداللهه امداد واکر قریمده دشمن غائله سی وار ایسه مقتصدی رأی اصابت قرینک اوزره مناسی هر نوجهمه ایسه بوایکی قالیون و قدر کفایه مکمل فرقه لر ایله می اولور نوجهمه اولور ایسه قلعه مرقومده محصور اولان غزات موحدینه امداد و تقویت ویرمکه کمال تقید و اهتمام ایلیه سن حاصلی بوقتله سندن غیورانه و دلیرانه حرکت ایله بحرآً امداد و اعانت مطلوب و حالاً اناطولی والیسی وزیرم کنج علی پاشا تیز الدن قى وافر میر میران کرام و ایالات والویه عسکرندن ماعداً بحدجیوش و ادوات طوب و جبهه خانه ایله دشمنک ار دین آلوب بوجاق ایله خبرلشهرک عموماً بوجاق و نوغایلو عساکری ایله ذخیره لرین قطع و تفتیش و تنکیل لرینه سعی و دقت ایلک اوزره مامور اولوب عون و عنایت ذوالمعین ایله هر طرفدن طابور منحوسی او زرینه هجوم واقعیت حام اولنه رق بویله ضيق محله کلکه جرأت ایدن دشمن دین استیصال وجهیله طعمه شمشیر غزات اوله جقلری لطف و عنایت ذوالجلالدن التجا و اميد اولمغله سندخی بو با بدہ ترک خواب و راحت ایدرك اقتضا نوجهمه ایسه اعمال تدقیق افکار و تعمیق انتظار ایله اوزی محافظی وزیر مشارالیه ایله خبرلشهرک قلعه مزبوره یه بحرآً امداد و تقویت بخش قلوب عباده بذل اجتهاد و ذاتکده مرکوز اولان جوهر جلادت و بسالتکی ابراز ایله ثبت صحائف روز کار اوله حق اثار سعیده و مساعی مبروره وجوده کتورمکه نشار نقدینه اقتدار ایلیوب فائل اجور دنیا و عقبی و مظہر دعای خیر اجابت انتمامه ایثار سعی و صرف وسع اوی ایلک با بنده فرمان عالیشانم صادر اولمشدر . فی اواسط را ۱۱۵۰

- ٩٠ -

خوتین محافظی وزیرم قولچاق الیاس پاشایه حکم که
 بو خلالدہ احتیاطاً بغداد مملکتی حدودلرینک محافظه‌سی اقتضا ایمکدن ناشی الا
 بغداد ویوده‌سی لیغور ویوده محافظه مملکت ایچون چادرلره چقوب عسکرینی ترتیبله و امر
 محافظه‌یه مشغول اولمیچون ویوده مومنی‌الیه بشقه امر شریفمه تنبیه اولنوب لکن
 اطرافرن بعض عسکر ترتیب و تعیینی ایله ویوده مومنی‌الیه امرینه تقویت ویرماک لازمه
 وقت وحالدن اولدیغنه بناه حالا بندر سر عسکری معینندہ اولان اوخری سنجاغی
 متصرفی محمودپاشا دامت معالیه‌ی قپوی خلقندن ماعدا میرمیران مومنی‌الیه یانندہ اولان
 بشیوز نفر میری پیاده لوندات ایله معجلان بغداده ارسال ایلسی ایچون سر عسکر مشارالیه،
 بشقه امر شریفمه توصیه و تنبیه اولنگله سنکه وزیر مشارالیه سن سندخی خوتین یرو اغالرندن
 صاری احمد زید مجده‌ی اوچیوز نفر پاک کزیده مسلح تفنک اندازیغه عسکریله بغداد
 محافظه‌سیچون ترتیب و تعیین و میرمیران مومنی‌الیه ویوده مرقوم ایله بالاتفاق حرکت ایده رک
 امر محافظه ایله قیام ایللریچون بران اقدم بغداده ارسال و تسریع ایلک فرمانم اولمین اشبو
 امر شریفم اصدار و ... ایله ارسال اولنگلر ایدی وصولاندہ سنکه وزیر مشارالیه سن
 فرمانم اولدیغی اوزره مومنی‌الیه صاری احمد زید مجده‌ی بروجہ محرر اوچیوز نفر کزیده
 و پاک مسلح تفنک اندازیغه عسکریله بغداد محافظه‌سیچون ترتیب و تعیین و میرمیران
 مومنی‌الیه ویوده مرقوم ایله بالاتفاق حرکت ایده رک امر محافظه‌یه قیام ایللری غنی توصیه و تنبیه
 و ثبات و متنانت ایله ظهوره کلان خدمتلری ضایع اولمیه جغی دخی تعلیم و تلقین ایدوب
 برآن اقدم و بر قدم هقدم سریعاً و عاجلاً بغداده ارسال و ایصال ایلک بابنده فرمان
 عالیشانم صادر اولنگلر فی اواسط را ١١٥٠

- ٩١ -

ولايت بغدادی بويارلری و خطمان و سردار و سایر بللو باشلو لرینه حکم که
 بغداد مملکتی رعایاسنک صحابت وصیاتی ایله حفظ و حراثی واجبه اموردن اولوب
 و خصوصاً بو خلالدہ احتیاط و امر محافظه‌یه دقت و اهتمام اهم و الزم اولمقدن ناشی حالا
 بغداد ویوده‌سی لیغور ویوده چادرلره چقوب عسکرینی ترتیب و احضار و امر محافظه‌یه
 ابتدار ایلسیچون ویوده مومنی‌الیه امر شریفمه تنبیه و تقویت ایچون بندر سر عسکری
 معینندہ اولان امیرالامراء الکرام اوخری سنجاغی متصرفی محمود پاشا دامت معالیه‌ی
 قپوی خلقندن ماعدا یانندہ اولان بشیوز نفر میری پیاده لوندات ایله و خوتین محافظی

دخت خوتینده يرلوا غالرندن قدوة الاماجد والاعيان صارى احمد زيد مجدهي اوچيوز نفر
كزىدە وپاكلىغە عىسىكرىله بغانه ارسال وويودە مومىاليه ايله بالاتفاق امر محافظه يه استغال
ايملىچون او امر شريفهم شرفصدور بولوغه سزكە ولايت بغانك بو يارلىرى و خطمان
وسىدار وساير بىلە باشلولر سز اوتهدن برواقامت و انقىاد ايله سايىه حمايە پادشـ اهانەمە
محى اولان دولت عليه مك خلوصكار عباد صداقت شعارلرندن اولدېغىكىز معلوم اولوب
سزدىن بوندىن بويىله دخى صدق نىت و خلوص طويت ايله دولت عليه مه اظهار عبودىت
مأمول ومنتظر وسنۇ حايدن اخلاص و اخلاقاً سېبىلە مظھر الطاف عليهم اولەجەڭىز
مقرر او لمىلغە مقتضاي صداقت واستقامتىكىز اوزرە ويودە مومىاليك امر محافظه وساير
اقضايا يىدىن خصوصىلرده امر ورأينه متابعت بغان رعاياسنىڭ ترفيه و تطمينلىرىنه بذل مقدرات
و هر حالده سعىكىز مبرور و خدمتىكىز مشكور او لمىغە دقت ايملىكىز فرمانىم او لمىغىن اشبو امر
شريفم اصدار و ... ايله ارسال اولىشىدر ايىدى وصولىنده دولت عليه مه اولان عبودىت
ولخوص نىتكىز مقتضاصىنجه ترفيه و تطمينلىرىنه فراغ بالورفاه حاللىرىنه بذل مقدرات و سبقت
ايدن عبودىت و خدمتىكىز ضايع او لمىوب ظل خىرىوانەمە محى او لەجەڭىز مجزوم او لمىلغە
هر حالده خدمات پىسىدىدە وجودە كىتىرمكە صرف تاب و طاقت ايملىكىز بابىدە فرمان عالىشانىم
صادر او لمىشىدر بىوردەمكە في اواسطرا ١١٥٠

— ٩٢ —

بغدان ويودەسى ليغور ويودەيە حكم كە
بو خلالدە قانون حزم و احتياطه رعايت واجب و متحتم او لمىقىن ناشى احتياطاً مملكت
بغدانك محافظەسى اهم والزم او لمىلغە حالا بىندر سر عسکرى وزيرم عبد الله پاشـا معينىنده
olan ميرميران كرامك شىجىع و نامدارلرندن اوخرى سنجانى متصرفى محمود پاشـا دامت
معالىيە قىوسى خلقىندىن ماعدا يانىنده oylan بشىوز نفر ميرى پيادەلۇندات ايله و خوتىن محافظى قولچاق
الىاس پاشادىخى خوتىن اغالرندىن صارى احمد زيد مجدهي اوچيوز نفر پاك و كزىدە لىغە عسکرىله بغان
مملكتتە ارسال وايصال ايملىچون مشارالىيما يە بشقە بشقە امر شريفملە توسييە و تنبىيە و سىنكە
ويودە مومىاليه سن سىنكلە بالاتفاق امر محافظە يە قىام ايملىچون ميرميران مومىاليه مامورىتى
متضمن بشقە امر شريفملە تائىكىد او لىنوب و سن اوتهدىن برو دولت عليه مك پورىدە نعم
ومظھر لطف و كىمى او مملکە خلوص نىت وصفاى طويت ايلە سلطنت سىنەمك خدمە سىندىن
اولوب بوانە دك سىندىن حاقلانە و متيقزانە ظھورايدن روش و اطوار و ضبط و ربط مملكتتە
متىصرانە وضع ورقات معلوم و مشهود اولدېغىنە بناءً بوندىن بويىله دخى كمال صدق و اخلاص
ادبیات بىلەسى — ٧

ونهايت استقامت و اختصاص ايله ازدل و جان خدمات مبروره و مسامعه مشکوره ابرازينه
بذل تاب و توان ملحوظ و منتظر اولمغله بو اثناده احتياطاً حوزه حکومتك اولان بغداد
ملکتتك حدوديني محافظه ايچون چادرلره چيقوب عسكريکي ترتيب و محافظه يه مأمور
موسى اليهما ايله تقديم مراسم اتحاد و اعمال حزم و احتياط ايله امر محافظه يه سعي و دقت
و دائماً اطراف و اكتنافه حواله چشم کوش وبصيرت وبعده نوجهمه فرمانم اولورايشه آکا
کوره حرکت ايلك فرمانم و سندن هر حاله صداقت و استقامت مطلوب هایونم اولمغین
اشبو امر شريفهم اصدار و ... ايله ارسال اولمشدر ايمدي وصولنده سنکه ويوده موسي اليه
سن بروجه محرك احتياطاً حوزه حکومتك اولان بغداد ملکتى حدوديني محافظه ايچون
چادرلره چيقوب عسكريکي کرکي کي ترتيب و محافظه يه مأمور موسي اليهما دخى کلدکلرنده
بالاتفاق کوكل برلکي ايله امر محافظه يه بذل اجتهاد و دائماً لوازم حزم و احتياطي معتاد
واطراف وجوابه حواله چشم و کوش ايدرك متيقظانه حرکت و دشمن طرفندن جلب
اولنان اخباری پيدري اردوی هایونم اعلام و اشعار و اشارات و بوندن صکره نوجهمه فرمان
هایونم صادر اولور ايشه آکا کوره عمل و حرکت ايلك باينده فرمان حاليشانم صادر
اولمشدر في اواسط را ١١٥٠

- ٩٣ -

اساجي قاضيسنه ويکيچري ضابطي اولان طورناجي باشي على يه و متولي يه حکم که
اساجي قصبه سی مجر الناس و معبر براسکله عظيمه اولمغله و بوسنه مبارکده واقع
اولان سفر هایونم تهريمه هرور وعيور ناسدن خالي اولمدونه بناءً اردوی هایونم هنوز
ایريشمياني عسكري طائفه سندن اوللنري کلدکلري حينده بلا موجب تأخير و توقيف ايتدر ملکسرين
اردوی هایونم جانبته ارسال و فرار آعودت ايليو بيدرنده سندلري اوليان اشخاص مقوله سنی دخى
اخذو حبس و قلعه بندایدوب دخى قصبه هنر بورده واقع انبارلري ليل و نهار حفظ و حراسه و مقیم
ومسافر ظهور ايليان ارادل و اشقیا ضبط و ربطه تقييد تام و سعی و اهتمام ايلك اوزره او جاق طرفندن
دخى برمتعين ضابط نصب اولنسی مقتضى اولمغله بوندن مقدمجه طورناجي باشي موسي اليه على
زيد مجده يکيچري ضابطي نصب و قيام ايتدر ملکله انجق ذكر اولنان خصوصله و سائر
مهنم و مقتضى اولان خدمات لازمه ده حکام و متولي موسي اليه معرفت و اتفاقيله رؤيت
ومعاونت اولنق امر صواب اولدیغنه بناءً طورناجي باشي موسي اليه ضابطکي اموری ده

لازمه ذمتی اولان امور و خصوصیات بیوچه مانع اولیوب عسکری طائفه سنک صرور لری و فراریلرک اخذ و جدی و قلعه بند اولنمری و سار درون قصبه ده مقیم و مسافر ظهور ایلیان ارادل واشقیانک ضبط وربطی واسوده لکی مومنی الیک عهدہ اهتمامه تفویض و سزک دخی معاونت و مظاهرت ایلکزایله دین و دولت علیه مه لایق خدمات و عباداللهک دائمًا کمال امن و راحتلریله قصبه منبوره نک نظامی و زیاده حفظ و حراستی مطلوب هایونم اولمغین سنکه اساقچی قصبه سنده یکیچری ضابطی و طور ناجی باشی^۱ مومنی الیه سن سندن صداقت او زره خدمات لازمه عهدہ سندن کلک مامول اولوب و مامور اولدیگلک ضابطلک امرینه تمشیت ویرمک ملحوظ اولمغله قصبه منبوره نک اختیار و امکدار یکیچریلری و اهالی ساره سی سی ضابط بیلوب سوزکدن طشره و رأیکدن خارج وضع و حرکت ایتیوب مطیع و منقاد اولوب و سنده خی جمله امور کی شرع شریف و قانون قدیمه و امر هایونم مطابق ایلکده سرموانحراف ایلیوب معیتکه تعیین اولنان او دهلو نفرات ایله لیل و نهار قصبه مرقومه نک حفظ و حراسته و سکانک راحتلرند و عسکری طایفه سنک پیدرپی ارسالرنده و فراریلرک اخذ و قلعه بندلری امرند سار واقع اولان امور و خصوصیاتینک جمله سنده بذل مقدور و سعی ناخصور ایلیوب خلاف شرع شریف و مغایر امر منیف بر فرد دخی جور و اذا ایتیوب وایتدر میوب خلافندن اتفاق و محابیت ایلیه سن دیو افتخار الامراء والا کابر بالفعل در کاه معلام یکیچریلری اغایی اولان عبدالله اغا دام علوه طرقدن مهرلو مکتوب ویرملکه وجه مشروح او زره عمل اولنق بانده فرمان حاکیشانم صادر اولمشدر فی اواسطرا ۱۱۵۰

— ۹۴ —

ابرأیل قاضیسنے وابرأیل ناظر وکیلری وعلماء وصلحاء وائے وخطبائے وعسکری ضابطائے وافراد عسکریه وبا جمله اعیان واهالیسنے حکم که بو اثناده نیچه لونک صورتا مسقو کفره سنہ اعانت یوللو قرب وحدوده بر نفر جنرال ایله برمقدار آدم لر کلدی دیو ابرأیل اهالیسنندن بعضیلرینک قلبیلرینه نوعاً وحشت و دهشت مستولی اولمقدن ناشی بعض کونه ارجیف و اکاذیب اشاعتیله تجار واهالیسنندن بعضیلری سمت اخره پریشان اولمق صددنده اولدقلری یقیناً معلوم هایونم اولمغله بتوفیق الله تعالی سنجاق شریف ایله با جمله عساکر اسلام حالا قرتال صحرائند و نچه سی بندرده ضرب خیام و عن عنایت باریله دشمندن اخذ انتقامه اقدام و ان شا الله تعالی قریباً طومار اوہ یہ واقضا ایدر ایسہ اول طرف لر توجیه لجام اولنق او زره اولوب و اول طرف لرک تزالد مسٹو فی ادوات

جنك وپيکار وعساکر غيرت شعار ايله تقويت وتحكيمنه تدارك كورلسي امر مقرر
اولدوغندن باشقه افلاق ويودهسي کندو عسکريني ترتيب ايدوب بوكرشده اقامت ايلسي
ويوده مویاليه تبيه وميرميران کرامك شجيع ونامدارلورندن علاييه وبشهری سنجاقلري
متصرفي ابراهيم پاشا دامت معاليه دخی مکمل ومستوفي قپوهی خلقندن ماعدا بو دفعه
بوسنه ليلدن تحرير اولنان بشيوز نفر ميري سواری عسکر ايله بوكرشده محافظه ايجون
ارسال وتسخير اولنوب ونهر طونه سواحلنده محافظهسي لازم کلان قضالر ايجون روم ايلی
جانبنده اولان قضالر اعيانلري قضالرنده آته وطوهه وضرب وحربه قادر پياده وسواری
ايله تجهيز وترتيب اولنوب بحمد الله تعالى اطراف واکناف ملامال عساکر اسلام ايله
مملو اولدوغندن قطع نظر بالجمله عساکر اسلام قرب حدودده وسرک جوار کزده اولنوب
دشمندن اخذ انتقام واماده طورلر ايکن بوکونه اراجيف باطله يه اعتقاد ايله دغدغه خشيت
خلاف مرضی حرکت اولمغین سرکه مویاليهم سر اشبو امر شريفم مضمون منيف اوزره
قصبه منبوره نك سكان واهالي وتجار ورعايانه اعلام واشاعت وقبليرينه حارض اولان
دغدغه وحشت ودهشتی وعد وعيدي مشتمل کلات نصيحت آميز ايله دفع ورفعه دقت
واو مقوله لردن بر فرد من بعد اولرندن ويرلنندن حرکت ايمیوب وامین وسامل اولرنده
ويرلنده اقامت واستقرارلرينه تسليت بخش اولهرق بذل مقدرت وجهه کز قوى القلب
وجرى الخاطر اولوب غيورانه حرکت ايده رك بوکونه اراجيف واکاذيبه تبعيت ايله افساد
واحتلال بلاد وعباده باعث اولندرک بالاتفاق زجر ومنع ومنعو اوليانلري اخذ ومحكم
حبس وعبرة اللسايرين سياسته جلب وقتل اولندرک ايجون کيفيتلرين اردوی هایونه
عرض واعلام وکوکل برلکي وغيرت وحيت اظهاري ايله سياق واحد اوزره قيام ايدوب
زنهاي بر احدك آخر محله کتمنه وبومثلا دغدغه ويره جك اولندره واراجيف
اشاعته اصلا وقطعا رخصت وجواز کوسترمیوب من كل الوجه کمال امن ورفاهيت ايله
احاد ناسک يرلنده ويوردلرنده تمكن واستقرارلرينه صرف تاب وطاقة وخلافندن
غايت الغايه حذر ومحابت ايلکز بابنده فرمان حاليشانم صادر اولمشدر في اواخر ر ۱۱۵۰

— ۹۵ —

حال سکبان باشی محمد دام مجده يه حکم که

حال مسقو کفره سنك طرف اسلاميانه سؤقصد فکر فاسديله واقع اولان عصيان

وطغیانندن ناشی اشبو سنہ مبارکه ماہ ربیع الاول یسنک او تجی کونی طابور منحوسی سرحد اسلامیه دن اوزی قلعه سنی محاصره ایدوب دره دن قلعه یه انداخته ایلدوکی خونباره لری بعض خانه لرینه دوشوب واقع اولان آتش بعنایة الله تعالی جبهه خانه سنہ اصابت ایمکله اول اشناه دشمن خاکسارک هجوم و غلوی سبیله و قوع بولان محاربه و مقاٹله اشناه سنہ محافظه منبوره مأمور در کاه عالی یکی چریلری اور ته لرندن یتمش بر جماعت سکونجیلر و قرق طقوز جماعت خصکیلری واون بر جماعت والای درت جماعت و سکن نجی بلوک واوتوز درت بلوک و قرق ایکی بلوک والای یدی بلوک واون یدی سکبان و یکرمی طقوز سکبان جمیعا اون عدد اور ته لرک ضابطان و نفراتی شهیداً فوت و بعضیلری دخی اسیر اولمک ملاحظه سیله حاصلی مجدداً تجهیز و تکمیل قلمملری مقتضی اولمغین بخصوص بر امر لازم الاهتمام دن ایدوکی معلوم اولقدنه ذکر اولنان اون عدد اور ته لرک استانه ده اولان اختیارلرین کتوروب هر بر لری اور ته لرینک امکدار و نفرات اعمالنہ قادر عتیق نفراتلرندن بولنانلری یوللریلے اوده باشی ووکیل خرج و علمدار و باش اسکی واشیجی نصب و تعیین و نفراتلرندن اولملری دخی اور ته لری معیتیلہ قزغان و مهمات سائزه لری تکمیل ایله مجدداً دوزیلوب بلا نقصان بر کون اول و بر ساعت مقدم اردوی هایونه ارسال وایصال قلمملری فرمانم اولمغین . . . ایله ارسال اولنشدر انشا الله تعالی وصولنده وجه مشروح اوزره عمل و حرکت و بر کون اول و بر ساعت مقدم مجدداً تکمیل ایتدیریلوب کوندرملری ماده سنہ غایہ الغایہ اهتمام ایلیه سن و سترلرک سابق الذکر اون عدد اور ته لرک استانه ده اولان اوده بکجیلری و سائر اختیارلری سر بوباده دامن غیرتی در میان وکال سعی و اهتمام ایدوب هر بولریکن اور ته لریکن زک مجدداً ضابطانی و قزغان و سائر نفراتی عجالة تکمیل ولو ازم سفریه لرینی کوروب بر کون اول و بر ساعت مقدم اردوی هایونه ارساله زیاده تقید ایلیلوب اهال و تکاسلن بغایت احتراز ایلیه سن دیو بالفعل در کاه معلم ایکی چریلری اقامی اولان عبد الله اغا دام علوه طرفندن مهرلو مکتوب ویرلمکله وجه مشروح اوزره عمل اولنق ایچون یاز بشدر فی اواسط را ۱۱۵۰

و اشرف زید مجدهم و آته و طوته و ضرب و حربه قادر پیاده و سواری با جمله اهل اسلام
زید قدر همه حکم که

بو اشناهه مساقو کفره سی بر طرفدن او زی قلعه سی و بر طرفدن ده قریم آطه سی
اوزرلینه هجوم و نیچه لو دخی مساقولویه اعانت یوللو بعثت ظهور ایله نقض عهده جسارت
ونهر طونه سواحلنده واقع محافظه سی لازم کلان محله کیک و کزند دشمندن ضبط
و حراسی ایله عبادالله کامنیت و رفاهیتیلری اقدم اموردن اولوب و سنجاغ شریف ایله
با جمله عساکر اسلام قارتاں صحراسنده و نیچه سی دخی بندرده اعلاء کله دین میین ایچون
طاش یصد نوب طپراق دوشنب خلوص نیت و طویت ایله فی سبیل الله غزا و جهاد ایله
مشغول اولوب بویله و قتلرده غزا و جهاد عامه عباد مؤمنین اوزرلینه فرض عین اولدوغندن
با شقه (فضل الله المجاهدین على القاعدين اجر أعظيم) تختنه التجا وبالنفس احراز فضائل غزا
نیت صادقه سیله ابقاء دین میین و احیاء سنت سینیه فخر المرسلین ایچون مال و جان ایله بذل قدرت
ایدندر تحصیل رضای رب العزت واستجلاب مشوبات دنیا و آخرت ایلدکلری آیات باهره
قرآنیه و احادیث زاهره نبویه ایله کون کی ظاهر و اشکار و (المؤمن للمؤمن كالبنيان
بشر بعضهم بعضاً) طبیعتنجه تنظیف مناهی اسلام و تطهیر مشارع شریعت سید الانامه
صرف مکفت جمله مؤمنین اوزرلینه واجبه ذمت اولدوغنی باهر و بدیدار اولوب
بو خلالده دشمن دین (الکفر ملة واحده) مصادق نجه بربلندن استشعار واستمداد
ایتدکلری صورتده احضار دین و عباد موحدین دخی (المؤمن اخو المؤمن) مفاد نجه
بربرلیله تعاضد و تساند ایده رک دفع شر و مضر تلینه مبادرت و دین میین یولنده
(فاتلوا المشرکین کافه کایقاتلونکم کافه) نظم کریمی اوزره هر بری جانسپار لق مراسم
رعایت ایملری عهد نبودن بوقت میمنت اقترانه کلمجه جاری اولان غیرت دینیه دن اولوب
تمام حیمت اسلامیه و غیرت دینیه ابرازیله عموماً اهل اسلاماک دین میینه یاردم و اعانت
ایده جکلری وقت اولمغله سزکه مویی ایله سز هر بریکز قضالریکزده اولان شیجیح و کار
کذار اعیانلردن بر ریا یکیشتر نفر اعیان مجله اوزرلینه باش نصب و تعیین اولنوب قضا کزده
اولان اته و طوته و حرب و ضربه قادر سواری و پیاده با جمله اهل اسلامی عموماً بو غزا
ایچون اولرندن ویرلندن اخراج وذ کر اولنان اعیانلرک معیتلریله منهای سرحد اسلامیه
اولان نیش وودین قلعه لرینه و بوسته طرفلرینه و نهر طونه سواحلنده سمت و مناسب اولان
اولان سرحدلره ایصال و سزکه تعین اولنان اعیانلر و معیتلریله کیدن رجال حرب و قتال

موسى‌الیهم سز بروجه محرر هیأت مجموعه‌کز ایله تعین او لنان سرحدات اسلامیه واروب
انده او لنان اهل اسلام ایله تجمع و احتشاد وبالاتفاق محافظه مملکته قیام ایلکز با بنده
اردوی هایوندن جمله‌نک کیده جکلری محللرک ترتیب و تعین و تخصیص و تعینی حاوی
اوامر علیهم اکرچه صادر وارسال او لنش آنجق بو خصوص دین میان خدمتی او لدیغندن
با شقه بوقت اوقات اخرايه قیاس او لنه جق ازماندن او لمیوب اجرای مراسم غیرت دینیه
ایله عامه عباد مؤمنینک جان و کوکلدن فی سبیل الله غزانیتی ایله محافظه ناموس شریعت
مظہریه‌یه اهتمام ایده جکلری او قاتدن او لمغین تا کیداً و اهتماماً واستعجالاً و اقداماً رکاب
هایون غیرت مشحونم طرفندن مخصوصاً اشبوا امر شریف دیافت ردیفم اصدار و ... ایله
ارسال او لنشدر ایدی وصولنده سز که هر بر قضانك قاضی و علماء و صلحاء وائمه و خطبائی سز
بویله وقتده اغور دین مبینده مال و جان ایله بذل مقدرة ایته‌نک فضائلنی تکرار
بتکرار جمله‌یه وعظ و تذکیر و صغیر و کبیر امر جهاده تحریص و ترتیب ایدرک بروجه محرر نامدار
وایش کذاراعیانلردن بر روایکیش رکسنہ لرک معینلریله قضاالریکزده اته وطن و حرب و ضرب قادر
پیاده و سواری با جمله‌اهل اسلامی او لرندن ویرلرندن اخراج و عجلة و مساعدة بر قدم مأمور
اولدقلری محافظه لره تسیر وارسال و سز که اخراج او لنان رجال حرب و قتال موییهم سز سزدختی
فی سبیل الله غزا و جهاد و عنیت نیت صادقه سیله بر قدم مقدم یولیکز دن چیقوب اعیانلر معینلریله
اردوی هایوندن مأمور و تعین قلنده یغلز محللرک واروب امر محافظه‌یه و سائر واقع او لنان
خدمات دین دولت علیمه کوکل بر لکی ایله اقدام و سز که تعین او لنان اعیانلر سز سز که
بیله فی سبیل الله غزا و چیقان اهل اسلامی یانگزه استصحاب و بر ساعت مقدم عجلة و مساعدة
صوب مأموره وصوله شتاب وانده او لنان عباد مؤمنین ایله تجمع و تحشد ایدوب بالاتفاق
محافظه مملکته و حين اقتضاده مدافعته دشمنه سعی و اکباب ایله سز خیر الناصرين او لنان
حضرت الله عظیم الشان حبیب اکرمی حرمتنه عسا کر اسلامک معین و ظهیری او لوب
اعدای لئامی مقهور و مؤمنین و موحدین منصور و مظفر ایله آمین کورهیم سزی اغور دین
ودولت علیه مده ظهوره کلان خدمتلریکز ضایع او لمیوب دنیا و آخر تده مکافاتی مشاهده
ایده جکلکز محقق و مقرر او لمغله هر بریکز غیرت دین میان ایچون صرف ما حصل مکفت
ورضاء الله و رضای هایونه مظہر او لمغه سعی و دقت ولکن سز که اعیان ولایتسز بو وسیله
ایله بر فرددن بر اچه و بر جبهه الندینی و حمایه و غدره تصدی او لندینی مسموع او لورایسه بویله وقتده
بومثلاو حرکت دین مبینه خیانت و اهانت او لمقدن ناشی بلا امان جزا کز ترتیب او لنورا کر

صداقت و اسنستقامت او زره مالاً و بدناً دین مبینه خدمت ایدرسکنر سنوح ایدن زحمت
ومشقتنکز فراموش اولمیوب هر بریکنر حال و شانه کوره اکرام و احترام اولنور اکا
کوره بو کیفیتلری ملاحظه ایده رک از دل و جان خدمت ایلکه هر بریکنر بذل تاب و توان ایلکنر
با بنده فرمان عالیشانم صادر اولمشدر ۱۱۵۰

— ۹۷ —

امراء دریادن حالا آقکرمانده اولان عمر پاشایه و آقکرمان قاضیسنه و علماء و صلحاء
و ائمه و خطبائمه و اقکرمانده اولان او جاقلو و یرو نفراتی ضابطانه و او زیدن کان
فرقته‌لر و قنجه باشلر باش بو غلریله ساڑ افراد عسکریه و احاد ناسه و عموماً آقکرمان
اها لیسنه حکم که

چونکه بو اشناوه بقضاء الله تعالی او زی قلعه‌سی جبه خانه‌سنه دشمن طرفندن خبره
ایله آتش اصابت ایمکدن ناشی عساکر اسلامدن نیچه‌سی فرقته‌لر و قانجه باشلر ایله
چیقوب اقکرمانه واصل اولدقلری مقدما او زی یه خزینه‌عاصه ایله ارسال اولنان کلیبو لی
بار و تخانه‌سی ناظری قدوۃ الاماجد والاعیان الحاج حسین زید مجده‌نک دخی بو دفعه کلان
کاغدندن مکرراً معلوم هایونم اولمغله اقکرمانک بو خلالده توفیر و تکثیر عسکر ایله
استحکامی لازمه وقت و حالدن اولدیغنه بناءً بوندن مقد مجھ شر فصدور بولان امر شریفمده
بیار اولندیغی او زره اقکرمان محافظه‌سنه مأمور و تعین قلنان طوایف عسکریه دن ماعدا
بر طرفندخی پیدرپی عسکر و ادوات ایله متأفت و تقویت ویریله جکی مصمم و محقق اولوب
والحالة هذه او زی محافظه‌سندن چیقوب آقکرمانه کلان کرک عساکر و کرک اهالینک با جمله
آقکرمان محافظه‌سنه قیام ایلماری لازم و لابد اولمغله سرکه او زیدن چیقان فرقته‌لر و قانجه
باشلر باش بو غلری و ساڑ نفراتی و اصاف عسکریه و اهالیسی سر دخی ساڑ اقکرمان
محافظه‌سنده اولنلر ایله بالاتفاق امر محافظه‌یه اقدام و کوکل بر لکی و غیرت و شجاعت
اظهاری ایله غیورانه حرکت‌ه اهتم ایلکنر فرمانم اولمغین اشبو امر شریفم اصدار
و ... ایله ارسال اولمشدر ایدی وصولنده عون و عنایت باری ایله اعدای دیندن
کرکی کی اخذ انتقام ایچون سنجاغ شریف ایله عموماً عساکر اسلام دشمن دین او زرینه
توجه و عنیت او زره اولمالریله سرکه او زی محافظه‌سندن کلان مویی الیمسر قطعاً همت
و غیر تکنر فتور و قصور کتور میوب الطاف الهیه اعتماد و روح پر فتوح جناب

رسالت پناهدن استمداد ایله هر حالده قوى القلب و جرى الخاطر اولوب کوکل بر لکی
و دلیرانه و مردانه حرکت ایله اقکرمان محافظه سنده قیام و سزکه اقکرمان محافظه سنده
اولان و مجدداً مأمور تعین قلننان اصناف عسکریه و قاضی و علماء و صلحاء و سائر مومی
الیهم سز سزدخی جمله ایله مسلک اتفاق و اتحاده رعایت و ابراز غیرت و حیثت ایدرك
امر محافظه یه و سائر واقع اولان خدمات علیهم تمشیته اهتمام ایلیه سز خیر الناصرين
اولان حضرت الله ذوالجلال عساکر اسلامی منصور و مظفر و اعدای دینی مقهور
ومدمر ایلیه آمین کورهیم سزی بوقت تام دین میین و دولت علیه مه خدمت ایده جك
وقت اولمغله جمله کز کوکل بر لکی ایله دین میین و دولت ابد قرین اوغورنده بذل مقدرت
واظهار غیرت و شجاعت ایله امر محافظه یه سعی و دقت ایلکز بازنده فرمان عالیشانم صادر
اویشندر بیور دومکه فی اواسطرا ۱۱۵۰

- ۹۸ -

روم ایلی والیسی اولوب بندر جانی سر عسکری اولان وزیر عبدالله پاشایه حکم که
اوزی قلعه سی محافظه سنده جنود و موحدین بو اثنا ده قلعه مرصومه بی محاصره ایدن
مسقو طابوری ایله مردانه و غیورانه محاربه و مدافعته یه اهتمام اوزره لر ایکن بقضاء الله تعالی
قلعه منزبوره جبهه خانه سننه کفره مسفوره طرفدن خبره ایله آتش اصابت ایتدیکنند ناشی
درون قلعه ده بولنان اهل اسلام دن بعضی لری شهید وبعضی لری دخی سفاین ایله آقکرمان
طرفه کلدکلری خی مشعر اقکرمان قاضیسی و اهالیسی جانب لرندن بودفعه مضرب خیام عساکر
اسلام اولان قارتال صحر استنده عرض و محضر وارد اولوب چونکه قضا و قدر بولیه ظهور
ایلی الحکم لله الواحد المتعال الحق بمقتضای نص اعجاز نمونان مع العسر یسرا عنون و عنایت
باری ایله بعده ازین جنود موحدین قریباً منصور و مظفر و اعدای مکار و خیله کار کلیاً
مقهور ومدمر اویسی جناب و اهباب النصر والعطایا دن مسئول و متضرع اولوب لکن بو خلا للده
نهر طوره اوزرنده اولان یانق پلنه ایله سائر محافظه سی مقتضی اولان محللرک حفظ
و حراستی اقدم اموردن اویله سنکه سر عسکر مشارالیه سن معیته کده اولان اصناف عسکریه دن
قدر کفایه عسکر ایله یانق پلنه یی و سائر محافظه سی اقتضا ایدن محللری بهنه تعالی محافظه
و محارسه ایتدر مکه اهتمام تام ایلک فرمانم اویلغین اشبو امر شریفم اصدار و... ایله ارسال
اولنیشدر ایمدى وصولنده سنکه سر عسکر مشارالیه سن بو حالت دن قطعاً همت و غیر تکریه

فتوت کتور میوب ظهور الطاف الہیہ یہ کمال و ثوق و اعتماد و روح پر فتوح سرور کائناتدن
استمداد ایله قوی القلب و جری الخاطر اولوب هر حالدہ ابراز حمیت و بروجہ محرر معینتکده
اولان طوائف عسکریہ ایله سالف الذکر طور لہ او زرنده اولان یا ناق پلیقه یی و سائر محافظه سی
لازم کلان محلہ ری بلطفہ تعالیٰ محافظہ و محارسہ ایتدیر مکہ سعی و دقت و سندن مامول
هایون و ملحوظ طبع دیانت مقرونم اولدینی اوزرہ عہدہ غیرت و دوش لیاقت و شجاعتیک
احالہ قلنان کافہ امور و خصوصی وجه و مناسی اوزرہ رویت ولازم الانہا احوالی پیدرپی
اردوی هایونمہ اعلامہ مبادرت ایمک بابتہ فرمان عالیشانم صادر او لمشدیر فی او اسطرا ۱۱۵۰

- ۹۹ -

کلی قاضیسنہ و ناظرینہ و علماء و صلحاء و ائمہ و خطبائیسنہ واعیان و اشراف و اهالیسنہ
حکم کہ

مسقو کفرہ سنک بو خلالدہ بلاد اسلامیہ یہ اطالہ دست طغیان و تجاوز لزندن ناشی
قلبلریکزہ بعض کونا خوف و خشیت طاری اولدینی اعلام و تحصیل امنیت ایچون بحر
کلی بوغازینک محافظہ سی و برآ دخی قصبه کلی یہ ادوات و عسکر ایله تقویت ویراسی
خصوصی سنگھر سرکش مومی الیہ سر بودفعہ اردوی هایونمہ کلان محضر کزدہ استرحام ایلش سر
حالا سنجاغ شریف ایله با جملہ عساکر اسلام بو طرف لرده او لمقدن ناشی مستعيناً بالله تعالیٰ
نہر طونہ سواحلنده محافظہ سی لازم کلان محلہ رک و سرحدات اسلامیہ نک امر محارسہ لریله
تقویہ و تحکیم لرینہ فوق الحد مبادرت و داعماً اطراف و اکنافہ متات ویرلکدن خالی او لنبیوب
خصوصاً کلی قصبه سنک مستوفی ادوات و عسکر ایله رصانہ و استحکامنہ مباشرت او لندینگندن
بسقہ تزالد ن اوزیدن کلوب حالا اقکرماندہ لنکراند اولان چکدری و فرقہ ملدن قدر
کفایہ چکدری و فرقہ ملر معجلہ کلی بوغازینہ کلوب اندہ لنکراند از اقامت و اطراف
وجوارہ حوالہ چشم و کوش بصیرت او له رق او جانہلری کید و کزند دشمندن کر کی کی
حفظ وصیانت ایمک ایچون مأمور و تعین قلنوب بلطفہ تعالیٰ هر خصوصی تسویہ و تنظیم
وتادیہ و تحقیقہ کمال سعی و دقت او لندینگنہ بناءً بحمد اللہ تعالیٰ فیکر و اندیشه سی و حشت
و دھشت ایراث ایدہ جک برنسنہ او لما مغلہ دفع دغدغہ خوف و خشیت و پابرجائی مرکز ثبات
و متاتکز ایچون اعلاماً و افہاماً اشبوا امر شریفم اصدار و ... ایله ارسال او لمشدیر ایمدی
سر کہ مومی الیہ سر کیفیت معلوم کز اولدقدہ قطعاً همت و غیر تکزہ فتوت و قصور کتور میوب

هر حالده قوى القلب و جرى الخاطر اولوب بو كونه واهى حدوث ايدن دغدغه و حشت و دهشتى
قلبکردن کلياً دفع وازاله و عباداللهى کلات حكمت آميز و نصيحت انکيز ايله سمت اطمینانه
احاله و محافظه ممالک خصوصنده براً و بحرآ صرف جد همت اولنان خصوص لرى ملاحظه
ایدرک جمله کز غيورانه و مردانه حرکت و هر کس اولرنده و يرلنده بي دغدغه قيل قال
و فراغ بال ايله تمکن واستقرار لرينه تسليت بخش اوله رق بذل مقدرت و بو كونه باعث دهشت و وحشت
اولنلى منع وزحره دقت ايدوب منوع اولميانلى اخذو حبس و ناسك بو كونه تشوش و اختلال لرينه
باعث اولدقلرى ايچون عبرة للسائرین جزالرى ترتيب اولنق او زره اسم و رسملرينى و كيفيتلرينى
اردوی هايونه عرض و اعلام و خلافندن انتقاء تام ايلىكىز باينده فرمان عاليشانم صادر
اولمشدر اوآخر ر ۱۱۵۰

— ۱۰۰ —

روم واليسى اولوب بندر جانبي سر عسکري وزير عبدالله پاشايه حكم که
يانق پلنقه بندر قلعه سنہ بش آلتی ساعت قریب محلده اولمق حسیله بو خلالده توفير
وتکشیر عسکر ايله تقویت و تحکیمنه اهتمام اقدم اموردن اولمغله سنکه سر عسکر مشاراليه سن
حالا بندرده اولان پاشالردن برينك معينته ايالات والويه عسکري وميري لوندات و آتلوا
يکيچرى نفراتندن قدر کفایه عسکر تعین اولنوب مناویه وجهمه محافظه ايديرمکه سعی
ودقت اولنق فرمانم اولمغین اشبو امر شريفم اصدار و . . . ايله ارسال اولنشدر ايمدى
وصولنده سنکه سر عسکر مشاراليه سن بروجه محمر بندرده اولان پاشالردن برينك معينته
ايالات والويه عسکري وميري لوندات و آتلوا يکيچرى نفراتندن قدر کفایه عسکر ترتيب
و تعین و مناویه وجهمه يانق پلنقه يه ارسال و تسيير و محافظه و محارسه سنہ سعی اكيد اولنق
باينده فرمان عاليشانم صادر اولمشدر بیوردومکه في اوآخر را ۱۱۵۰

— ۱۰۱ —

حالا دريا قپوداني وزير سليمان پاشايه حكم که

حالا قريم خانی جناب امارت مأب ايالت نصاب سعادت اكتساب فتحكرای خان
دامت معاليه يه اردوی هايونمدن سكسان آچه ترتيب و افراز اولنق مبلغ مرقومک برآن
اول طرفلىنه ارسال وايصالى غایت مهم و مقتضى اولوب لكن بو اثناده مبلغ مرقومک

خان مشارالیه برآ ایصالی امر عسیر او مقدم ناشی بالاقضا بحرآ تسرییر لازم کلکین سنکه وزیر مشارالیه سن معیتکده اولان دو نمای هایونم قالیونلرندن مناسب بر قطعه صغير قالیون افزار و مبلغ مرقومی خان مشارالیه بحرآ ارسال ایتمک او زره سنه بوغازینه معجلأ ارسال ایملک فرمانم اولمغله اشبو امر شریفم اصدار و ... ایله ارسال اولنمشدر ایمدى وصولنده سنکه وزیر مشارالیه سن فرمانم اولدوغى او زره معیتکده اولان دو نمای هایونم قالیونلرندن بر قطعه صغير قالیون افزار و بروجه محرر مبلغ مرقومی خان مشارالیه بر ساعت اول ارسال ایملک او زره عجالهً و مسارعةً سنه بوغازینه ارسال و قپودانه دخی بوغاز مرقومه وصولنی اردوى هایونم افاده ایلسنی تنبیه و افهم ایملک بابنده فرمان طالیشانم صادر اولمشدر بیوردومکه فی اواخر را ۱۱۵۰

— ۱۰۲ —

حالا افکرمانده تجمع و تحزب ایده جك عسـا کـرـک او زـرـلـیـنـه رـوـمـاـیـلـیـ بـکـلـرـبـکـیـلـکـی پـایـهـسـیـلـهـ باـشـ بوـغـ اوـلـانـ آـقـرـهـ سـنـجـاغـیـ متـصـرـفـیـ عـمـرـ پـاشـ دـامـتـ معـالـیـهـ وـاـمـرـاـیـ درـیـادـنـ عمرـ دـامـ اـقـبـالـیـهـ وـاـفـکـرـمانـدـهـ دـفـتـرـدارـ اوـلـانـ ... زـیدـ مجـدـیـهـ حـکـمـ کـهـ

بو اشـادـهـ کـلـیـ بوـغـازـینـکـ دـخـیـ کـیدـ وـمـضـرـتـ دـشـمنـدـنـ مـحـافـظـهـ وـحـمـایـهـیـ لـازـمـهـ وـقـتـ وـحـالـدـنـ اوـلـدوـغـهـ بنـاءـ سـرـکـهـ مـیرـمـیرـانـ وـدـفـتـرـدارـ موـمـیـالـیـهـ سـرـ اوـزـیدـنـ کـلـوبـ حالـاـفـکـرـمانـ لـیـانـدـهـ لنـکـرـ انـداـزـ اـقـامـتـ اوـلـانـ چـکـدـرـیـلـرـدنـ بـرـ عـدـ چـکـدـرـیـ وـفـرـقـتـهـلـرـدنـ دـخـیـ وـجـهـ وـمـنـاسـبـیـ اـیـلـهـ بـرـ قـاجـ عـدـ فـرـقـتـهـلـرـکـ کـلـیـ بوـغـازـینـهـ تـعـیـنـ وـاـرـسـالـ اوـلـنـلـرـیـ فـرـمـانـ اـولـغـینـ اـشـبوـ اـمـرـ شـرـیـفـ اـصـدـارـ وـ ...ـ اـیـلـهـ اـرـسـالـ اوـلـنـشـدـرـ اـیـمـدـیـ وـصـوـلـنـدـهـ سـرـکـهـ مـیرـمـیرـانـ وـدـفـتـرـدارـ موـمـیـالـیـهـ سـرـ فـرـمـانـ اـولـدـیـغـیـ وـجـهـ اوـزـرـهـ وـجـهـ مـنـاسـبـیـ اـیـلـهـ حالـاـ اـفـکـرـمانـدـهـ اوـلـانـ چـکـدـرـیـلـرـدنـ بـرـ عـدـ چـکـدـرـیـ وـفـرـقـتـهـلـرـدنـ دـخـیـ بـرـ قـاجـ قـطـعـهـ فـرـقـتـهـلـرـیـ کـلـیـ بوـغـازـنـدـهـ وضعـ لـنـکـرـ اـقـامـتـ وـبـوـغـازـ مـزـبـورـیـ اـیـصالـ کـنـزـنـدـ دـشـمنـدـنـ وـقـایـتـ وـصـیـافـتـ اـیـلـکـ شـرـطـیـلـهـ اـفـراـزـ وـتـعـیـنـ وـاـوزـرـلـیـنـهـ نـصـبـ اوـلـنـانـ رـؤـسـالـرـیـنـهـ کـیـفـیـتـ مـرـقـومـیـ بـرـ خـوـشـجـهـ تـعـلـیـمـ وـتـلـقـیـنـ اـیـلـهـ بـرـ آـنـ اـقـدـمـ وـبـرـ سـاعـتـ مـقـدـمـ مـحـلـ مـرـقـومـ اـرـسـالـ وـتـسـیـیرـ اـیـلـکـزـ بـابـنـدـهـ فـرـمـانـ طـالـیـشـانـ صـادـرـ اوـلـمـشـدـرـ بـیـورـدـوـمـکـهـ فـیـ اـواـخـرـ رـاـ ۱۱۵۰

- ۱۰۳ -

روسیجق ویرکوکی و سلسه و خرسوه قاضیلرینه و ضابطان واعیان ولايته

مسقو کفره سنه طغیان و تجاوزی و نیچه لونک دخی مسقولویه اهانت یوزندن حدود اسلامیه سوء قصدندن ناشی بو خلالده افلاق مملکتنه تو فیر عسکر ایله کید دشمندن حفظ و حراسی لازمه وقت وحالدن اولمغین حالا افلاق ویوده سی اسکرلت زاده قسطنطین ویوده طرفندن رضالری علو فهله ریله ذکر اولنان قضالردن قدر کفايه ذمی سکبان نفراتی تحریر اولنق خصوصنده جمله کن امداد واعافت ایلکزی ویوده مویی الیه التامس ایمکله وجه مشروح او زره اعانت ایلکز فرمان اولمغین اشبو امر شریفم او زره و ... ایله ارسال او لنشدر ایدی وصولنده سرکه مویی الیهم سزو ویوده مویی الیه طرفندن سابق الذکر قضالردن مملکت افلاغی کید و مضرت دشمندن محافظه ایچون رضالریله طالب اولنلردن یوار کفیلریله علو فهله ری ویوده مویی الیه طرفندن ویرلک او زره قدر کفايه ذمی سکبان نفراتی تحریر او لنسنه اهانت ومظاهرت و برکون اول تکمیل و مملکت افلاغه سوق و تسییرلرینه سعی و دقت ایلکز بابنده فرمان ۱۱۵۰ فی اواخر ر

- ۱۰۴ -

بلوکات اربعه اغوات و کتیخدالرینه حکم که

سرکه مویی الیهم سر بولنديغکز محلدن واروب اقکرمان ویاخود یانق پلنقه ده محافظه یه قالمکن ایچون بوندن مقد مجھ سرھ امر شریفم اصدار و ارسال او لنشیدی لکن بو اشناهه اقکرمانک تو فیر و تکثیر عسکر ایله متانت و استحکامه اهتمام لازمه وقت وحالدن اولمقدن ناشی بزرک اقکرمان محافظه سنه مأموریتکز فرمان اولمغین اشبو امر کلیسنده اقکرمانده مجتمع اولان عسا کرک او زرلرینه باش بونغ نصب و تعین اولنان امیر علی دام اقباله نک رأی و امرینه موافقت و کوکل بر لسکی ایله خدمات مبروره و مساعی مشکوره و جوده کتورمه صرف تاب و طاقت ایلکز بابنده فرمان حالیشانم صادر او لمشدر ۱۱۵۰ فی اواخر ر

— ۱۰۵ —

حالا طونه قپودانی مصطفی دام اقباله یه حکم که

اساقچی جسیرینک محافظه و محارسه‌سی وجوهله لازمه حaldن او لمغله کیجه و کوندوزده بیوک و کرک کوچک کلان کوتکلرک جسره قریب وارمدين بر طرفه آلمی مقتضی و اهم اولدوغندن سائر وقتدن زیاده بصیرت او زره اولوب غایة الغایه تقید و اهتمام ایلیکنر فرمانم او لمغین اشبو امر شریفم اصدار و ... ایله ارسال او لنهشدر ایدی و صولنده سنکه مویی الیه سن او لمقوله بیوک و کوچک کلان کوتکلری بر طرفه آلوب بر درلو ضرر کلامک او زره قایقلر ایله نوبخیلر تعیین ولیل و نهار کلان کوتکلری جسره قریب وارمدين بر طرفه آلمقدہ جمله کنر بالاتفاق جهد موافر وسیعی بقصور ایلیوب ادنی تهاون و قصوریکنر ظهور ایده جک اولور ایسه بر درلو عذر و جوابکنر اسغا او لنهیوب معاتب اوله جغکنر مقرر و محقق او لمغله آکا کوره کمال بصیرت او زره حرکت وجسر منبورک وجوه ایله محافظه‌سی امرینه زیاده اهتمام و دقت ایلیکنر با بنده فرمان حالیشانم صادر او لمشدر فی او اخر د ۱۱۵۰

— ۱۰۶ —

و دین محافظی وزیر محمد پاشایه و و دین قاضیسنہ و یکی چری ضابطه و یکی چری و سائر اصناف عسکریه ویرلو قولی ضابطان و رؤس‌الارینه و و دینک علماء و صلحاء و ائمه و خطبا واعیان واشراف و عسکری و اهالیسنہ حکم که

بو اشناوه مساقو کفره سنک ظهور ایدن هجوم و حرکت و نمچه لونک دخی مساقولویه اعافت یوللو تعدی و تجاوزه جسار تلنندن ناشی امنیت صدقع او لمق حاللری رونما اولدوغنیه بناء سرحدات اسلامیه نک عساکر و ادوات ایله کرکی کی محافظه و محارسه‌هارینه اهتمام و دقت او لنهغله بوندن اقدم اصدار و ارسال قلننان امر شریفمده تصریح و بیان او لندوغنی او زره و دینه سمت و منابع او لان قضالرک عموماً بیاده و سواری رجال حرب و قتالدن ماعدا طونه سواحلنده اون عدد یکی چری سردنه کچدی بیراغی کشاد و معجلاء و دین محافظه‌سنه سوق و ارسال او لنهوب والآن و دینده موجود و مدخل او لان ذخایر و مهمات دن فضله مجددآ ذخایر و افره مبایعه‌سی و و دینه نقل و ادخاری و مستوفی مهمات و ادوات ایصالی فرمانم او لوب عساکر و ادوات متوافره و ذخایر و مهمات متکاژه ایله تقویت واستحکامنے

فوق الحد مبادرت او لنوب وحالا سنجاغ شریف ایله با جمله عسا کر اسلام دخی نهر طونه نک
قرشو یقه سمنده قرتال صحراسمنده ضرب خیام و نصب اعلام ایدوب هر طرفه چشم کشای
 بصیرت و اطراف سرحداته نظارت و کید و کزند دشمندن حدود اسلامیه بی وقایت ایدوب
 جمله سی مستعيناً بالله تعالیٰ پادر رکاب دشمن او زرینه توجه و عنیته حاضر و آماده اولوب
 و نهر طونه سواحلنده محافظه سی لازم محللر دخی بی نهايه عسا کر و مهمات و كذلك نیش
 قلعه سی و بو سنه سرحداتی دخی اجناد و ادوات ایله ملامال اولوب بحمد الله تعالیٰ عموماً
 سرحدات اسلامیه تکثیر اجناد و توفیر عدو عتاد ایله مملو اولمغین اعلاماً و افهماماً اشبو امر شریف
 اصدار و ... ایله ارسال او لمشدر ایدی سنکه وزیر مشار و سرکه سائر مومی الیهم سر کیفیت
 معلوم کنیز اولد قده ساعده همت و غیرت و بازوی جلادت و حمیت کنیزه قطع افتور و قصور کتو رمیوب
 جمله کنیز قوی القلب و جری الحاطر پا بر جای مرکز ممتاز و ثبات اولوب عون و عنایت باری به استناد
 و روح پر فتوح جناب رسالت پناهدن استمداد ایله مردانه و غیورانه محافظه مملکته قیام و مباشرت
 و محافظه یه مأمور او لان عسا کر اسلام ایله بالاتفاق حرکت و جمله کنیز وزیر مشار الیک امر و رائینه
 اتباع و موافق ایدرک تکمیل ناموس شریعت غرا واقامت فریضه جهاد و غزایه مبادرت
 و صغیر و کبیر و برنا و پیری امر جهاده تحریص و اگرا ایله ابراز صلابت و مهابت و اظهار
 شجاعت و جلادت و تحصیل رضای رب العزت واستجلاب مشهور اولمغله مظہر دعای غیر ملوکانه او لمغه نثار نقدینه
 و هر حالده سعی کنیز هبرور و خدمت کنیز مشکور اولمغله مظہر دعای غیر ملوکانه او لمغه نثار نقدینه
 مکفت ایلکنیز بابنده فرمان هایونم صادر او لمشدر بیور دومکه فی اوخر را ۱۱۵۰

— ۱۰۷ —

بندر سر عسکری وزیر عبدالله پاشایه و معیننده او لان آناتولی والیسی وزیر کنج
 علی پاشایه و میر میران کرامدن حالا بندر محافظی محمد پاشا و سائر میر میران و بندر قاضیسی
 و مفتیسنه و در کاه عالی یکی چریلوی ضابطی ... زید مجده یه و بندرک علماء و صلحاء و مشائخ
 و ائمه و خطبائسه واوجا قلوا ویرلو قولی اغوات و ضابطانه و با جمله افراد عسکریه و اهالی
 بندره حکم که

سرکه سر عسکر مشار و بندر محافظی و قاضیسی و مفتی و بندرک اصناف عسکریه و اهالیسی
 مویی الیهم سر بودفعه اردی هایونه ارسال ایلد و کنیز عروض و محضر کلوب و واصل
 و مفهوم لرنده مندرج او لان کیفیات و بالجمله ملت مسات کنیزه علم هایونم محیط و شامل او لمشدر
 فی نفس الامر مسقا و کفره سنک عتو واستکبار ایله کیفیت حرکته کوره بو خلالده بندر

قلعه سنگ مستوفی عساکر و ادوات و ذخایر و مهمات ایله متأنث و تقویتی لازمه وقت و حالدن
 اولقدنیاشی ترتیب اسباب تقویت و تعمیم لوازم و متأنثنه فوق الحد جد و جهد او لغله تز الدن
 اردوی هایونمده اولان عساکر دن کزیده و مسلم ابطال رجال کیرودار دن اولمق او زره منتخب
 بش بیک بشیوز نفر در کاه معلم یکیچریلری بودفعه افرار وعلی جناح الاستعجال بندره
 تسیر و ارسال و طوچجی و خبره جی و لغمجی نفراتی دخی سوق و ایصال اولندوغندن غیری
 برطر فدن پیاده و سواری اجناس عساکر ک تحریر و ارساله مبادرت اولنوب و بوندن بشقه
 اردوی هایونمده موجود اولان عربه و دوه و ساڑ با جمله دواب ایله اولطرفه پیدرپی ذخایر
 متوافره و ادوات و مهمات متکاره ایصالندن بر آن خالی اولنیوب و لله الحمد سنجاغ شریف
 ایله با جمله عساکر دخی حالا قریبکزده اولغله اتفاق درون ایله مجموعی متوکلاً علی الله پادر
 رکاب دشمندن اخذ انتقامه حاضر و آماده و دین میین یولنده اقامت فریضه جهاد و غزنیت
 صادقه سیله چشم کشاده اولوب عنایت باری ایله دولت علیهمک عساکر و ذخایر و مهمات
 و ادواته بر کونه ضرورتی اولندوغندن ماعدا مجموع سرحدات اسلام عساکر و ذخایر و مهمات
 ایله مالامال و بندر طرفینک دخی بروجه محرر تکشیر ذخایر و اجناد و توفیر عد و عتاد
 ایله رصافت واستحکامه بذل اجتهاد اولندوغی معلومکیز اولدقده بازوی همت و غیر تکیه
 قطعاً قصور و فتور کتور میوب جمله کز قوى القلب و جرى الخاطر اولوب عون و عنایت الهیه
 توکل و معجزات جناب رسالت پناهه توسل ایله پارجای ص کیز متأفت و دامن در میان غیرت
 اوله رق (قاتلوا المشرکین کافه کایقا تلونکم کافه) نص جلیلی او زره فریضه جهاد و غزناده
 اقامت و (النصر ... الخ) منطق کریم الشانی طبقنجه کردن حیت واغور دین میینده
 خلوص او زره بذل مقدرة و جمله کز امر محافظه و مدافعت دشمن و ساڑ واقع اولان
 خدمات هایونمک کلیسنده سر عسکر مشار الیک رأی رزین اصابت قرینه متابعت ایلیه سر
 خاصه جناب خلافتها بملک و عامه جمیع عباد موحدینک دعای خیرلری به در جناب
 خیر الناصرين مبعوث بالسیف اولان حضرت نبی صلی الله علیه وسلم حرمتنه هر حالده عساکر
 اسلامی قرین آیات فتح و نصرت و اعدای بدنامی پامال قهر و پجرت ایلیه آمین کورهیم
 سری بو وقت تمام دین و دولت علیهم خدمت و ابراز حیت اسلامیه ایله احراز رتبه
 حالیه دنیا و آخرت ایده جک ایامدن اولوب واغور دین و دولت علیهمده هر بریکیز
 مردانه و غیورانه جنبش و اطوار دلیرانه و بهادرانه روش و رفتار ایله امر محافظه و مستعیناً
 بالله تعالی مدافعه دشمنده و سایر اقتضا ایدن خدمات علیهمده کوکل بر لکی ایله خدمات

میزوره وجوده کتورمکه صرف ماحصل اقتدار و اعلاء کلمة الله دین واحیای شریعت
سید المرسلین ایچون کمر غیرتی میان حیتکزه بند و جمله کن مسلک اتحاد واتفاقه سلوك
واقتفا ایدرك الى يوم القیام مذکور السننه انام اوله حق آثار رضیه و مأثر مرضیه اظہارینه
سی بی شمار ایلکز بابنده فرمان عالیشانم صادر او لمشد در فی اواخر را ۱۱۵۰

— ۱۰۸ —

آنقره سننجاغی متصرفی اولوب حالا اقیکرمانده عساکر اسلام او زرلرینه باش بوع
نصب اولنان عمر دامت معالیه یه ورتبه میرمیران ایله شانی ترقيق قلنان امیر على دام
اقباله یه حکم که

حالا او زی طرف لرنده اولان مسقو طابورینک کیفیت حرکت و رفتاری والا نه محلده
اولوب وتوجهی نه طرفه ایدوکی و عساکر و ذخایر جهتلرندن ضعف و قوتلری نه رتبه لره
رسیده اولدینی هنوز معلوم او لمیوب مسفورلرک بو خلالدھ صورت حال و هیأت و احوالرینه
کاینیغی کنه و حقیقتی ایله تحصیل اطلاع مرتبه وجوبه منتهی او لمقدن ناشی مستعيننا بالله تعالی
نیت و حرکت و هیأت و قیافتلرندن بر آن اول استطلاع او لنق مراد هایونم او لمغله سنکه
باش بوع اولان میر میران مویی ایله عمر پاشا دامت معالیه سن قرق الی رأس مقداری
کزیده و توانا چفته اتلر ایله میر میران مویی ایله امیر على پاشایی طابورک اطراف وحوالیسنه
واروب دل اخذ ایله مسفورلرک بروجه محروم کیفیت حال و شانلرینه و سمت و توجه و حرکتلرینه
تحصیل و قوف ایچون دیلدوکی آدمیری معینه تعین و ترتیب ایله بر آن اقدم و بر قدم مقدم
جانب طابوره تسییر و ارسال و سنکه میر میران مویی ایله امیر على دام اقباله سن سن ذاتکده
یرار و بهادر و مأمور اولدینگک ایشك عهده سندن کلکه قادر شجیع و نامدار و کار کذار
اولدوغک معلوم هایونم او لوب سندن ایش مأمول او لمقدن ناشی بو اثنا ده دشمن دینک طابوری
نه محلده او لوب و عنیمت و توجهی نه سمت ایدوکی و الا ن عساکر و ذخایر ایله
قوت و ضعفلری نه رتبه یه رسیده اولدینی معلوم خسر و انهم او لمغله اراده ملوکانه متعلق
ایدوب و بو مرآمک حصولی انجق سندن ملحوظ او لمغله کورهیم سف تمام
غیرت و حیمت ابرازیله کسب نام و شان ایده جک وقتلر او لمقدن ناشی امر شریفم واردینی
آنده قطعاً توقف و ارام و اسرار وقت و ایام او لنبیوب باش بوع اولان میر میران مویی ایله
عمر پاشا دامت معالیه یه توجه و تنبیه اولدینی او زر ره قرق الی رأس مقداری توانا چفته
ادبیات جموعه سی - ۸

آتلر ايله استدوك بها در كمسندرى يانكه استصحاب والغار ايله طابور مرقومك اطراف
وحواليسيه برساعت اول وصوله شتاب وعون وعنايت باريده طابورك اطرافندين نه طريقه
ونوجهله او لورايسه على اي حال البته والبته دل الوب دشمنك كيفيت حرکات وسكناتلرينه
ونيت وتوجهله على التحقيق نه سمته اولدوغنه والان اردوی من حوسملرنده عساكر
وذخارك قلت وكثيري وضعف وقوتلري نه مرتبه ده ايدوکنه تمام كنه وحقيقة ايله تحصيل
وثوق وشعورا يلد کدن صکره. كيفيت احوال على التفصيل بران اول عجالة ومسارعة اردوی
هايونه اعلام واحد اولنان دلي دخى معاً ارسال ايليه سن بواسر مهمك بحسبية الله تعالى
بروفق ودخوله برقدم مقدم بصولي ايله دشمنك استطلاع احوالری سندن مامول او لمغله
بو بايده کرك سينك وکرك معينکله استصحاب ايتديکك دل اورلرک سبقت ايدن خدمتلريکيز
بردرلو ضایع او لمیوب طرف هایوندز اضعاف مضاعف مكافات او لنه جنی محقق او لمغله
هر بريکيز غيرتی بر قاج يردن ميان حیتکيزه بند و خواب و راحتی ترك ايدوب مستعينا بالله
تعالی طابور دشمنك کرکی کي احوال و اطوار و نيت و عنیتلرندن حاذب هایونی برساعت
اول خير واکاه ايمکله تحصيل نیکمنامه صرف ماحصل اقدام ايلك باينده فرمان حاليشانم
صادر او لمشدري او اخر را ۱۱۵۰

— ۱۰۹ —

ولایت افلاتک بويارلری و خطمان و سرداری و سائر بللو باشلولرنه حکم که
افلاق مملکتی رعایسنک حمایت و صیاتی ايله حفظ و حراسی واجبه اموردن اولوب
وخصوصا بخلالده امر محافظه يه کمال مرتبه دقت و اهتمام اهم والزم او لمقدن ناشی حال
افلاق ويوده سی اولان اسکرلت زاده قسطنطین و يوده ترتیب و تجهیز عساکر ايله بکر شه
واروب امر محافظه يه قیام ايدوکی یقیناً معلوم اولوب ويوده موئی ايله بالاتفاق محافظة
ملکته میرمیران کرامک شجیع وبها درلرندن یکی شهر و علائیه سنی حاققلری متصرفی ابراهیم
پاشا دامت معالیه دخی مقدمه سزه خطاباً صادر اولان امر شریفده ذکر و بیان اولندینی
اوزره صنوف عسکر ايله مأمور و بواسناده مقدار کفايه طوپر ايله ادوات جبهه خانه دخی
عجالة ارسال اولنوب و سنی حاق شریف بالجمله عسکر اسلام ايله حالا قرب وجوارده او لمقدن
ناشی دائم اطراف و اکناف تقویه سنه بذل اقتدار ایتملریله سزکه ولايت افلاتک بويارلری
و خطمان و سردار و سائر بللو باشلولری سز سز او تهدن برو اطاعت و انقیاد ايله سایه حمایه

پادشاهانه مده نجی اولان دولت علیه‌مک خلوصکار عباد صداقت شعارلرندن اولوب بوندن
بویله دخی صدق نیت و خلوص طویت ایله دولت علیه‌مک اظهار عبودیت سردن مامول
و منتظر وسنه وسنه ایدن اخلاص و اختصار اسکنر سبی ایله مظهر الطاف علیهم اوله جفکنر
مقرر او لغله مقتصدای صداقت واستقامتکنر او زره و یوده مویی الیک امر محافظه و سائز
اقضا ایدن خصوصلرده امر و رأینه متابعت واستهالتر ویروب ترفیه و تطمینلرینه بذل مقدرت
و هر حالده سعیکنر مبرور او لغه سعی و دقت ایلکنر فرمانم او لمغین اشبو امر شریفم اصدار
و ... ایله ارسال او لنمش ر وصولنده دولت علیه‌مک اولان وفور عبودیت و خلوص نیتکنر
مقتضاینجه جمله کنر کوکل بر لبکی ایله کرک امر محافظه و کرک سائز اقتضا ایدن خدمات
علیه مده و یوده مویی الیک امر و رأینه موافقت و افلاق رعایا سننه استهالت ویروب تأمین
و تطمینلریله فراغ بال و رفاه حالتلرینه بذل مقدرت و سبقت ایدن عبودیت و خدمتکنر ضایع
او لمیوب ظل ظلیل خسر و آنده مده محی او له جفکنر بجزوم او لغله هر حالده صداقت واستقامت
ایله خدمات پسندیده وجوده کتورمکه صرف تاب و طاقت ایلکنر بابنده فرمای عالیشانم
صادر او لشدرا فی اوائل ر ۱۱۵۰

— ۱۱۰ —

اسکداردن آناتولینک صاغ قولی نهایته واروب کلنجه واقع اولان موالي عظام
و قضاة و نوابه و سردنگیچدی آغالری و یکیچری سردارلری واوجاق اختیارلری واعیان
ولایت وایش ارلرینه حکم که
اشبو سننه مبارکه محقق و مقرر اولان سفر هایونم ایچون صاغ قولدن با فرمان عالی
وبره موجب دفتر بیراقلری کشاده او لنان عتیق و متقاعد آغالر بیراقلری آلتنه استصحاب
ایده جکلری نفراتلریله و بلا بیراق انجق کندو توابلریله کلک او زره عتیق آغا و علمدارلر
و دفترده اسمیری مسطور او لوب بحسب القضا بوندن اقدم طرف استانه دن بیراق کوندریلوب
مامور اولان اغالرک یدلرینه ذی قدرت و نفرات اعمالنه قادر مجد و مستحق او لانلردن تکمیل
ایتدیرلک او زره بیراق ویریله جک اغالر و بالجمله قضالرک یکیچری سردارلری عموماً قضالری
یکیچریلری و قول او غلاری نفراتیله انشا الله تعالی نوروز فیروزده ادرنه صحر اسنده عسا کر
نصرت ائرک سایه لواه حضرت فیخر حالمده حاضر و اماده بولنلری بابنده ماموریت لری
مشعر بوندن اقدم صادر اولان او امر علیهم واوجاغک امکدار و کارکذار ضابطانندن

طورنهجی باشی علی زید مجده مستقل مباشر تعیین وار سال او لغله مباشرتی و جمله معرفتی
ومعرفت شرعیه بمنه تهـالی جمله سنک امر و فرمان اولـدینی وجه او زره تکمیل نفرات
ایدوب فرد واحدی کیرو قلاماق شرطیه وقت وزمانیله حاضر و با جمله قضـالـدن اخراج
و عموماً نفراتـرـیـلـه ارسـال وقت منـبـورـدـه جـمـلـهـسـنـکـ کـلـوـبـ موجودـاـوـلـمـلـرـیـچـونـ سورـیـجـیـلـکـ
امورـیـ دـنـخـیـ موـمـیـاـلـیـهـ عـلـیـ زـیدـ مـجـدـهـیـهـ سـپـارـشـ اوـلـنـغـلـهـ ... اـرـسـالـ اوـلـنـشـدـرـ وـصـوـلـنـدـهـ
وجهـ مشـرـوحـ اوـزـرـهـ عملـ وـحـرـکـتـ وـاـنـمـ خـدـمـتـ اـیـلـکـدـهـ هـرـبـرـلـرـیـکـزـ مـعـاوـفـتـ وـمـظـاهـرـتـ
وـبرـفـرـدـکـ کـیـرـوـقـالـمـهـسـنـهـ رـضـاـ وـرـخـصـتـ وـانـفـاذـ وـاجـرـایـ اوـاـمـ عـلـیـهـمـ اوـلـنـقـدـهـ بـذـلـ مـقـدـوـرـوـسـعـیـ
موـفـورـ اـیـدـوبـ خـلـافـنـدـنـ اـتـقـاـ وـمـحـابـتـ اـیـلـیـهـسـزـ وـسـنـکـ طـورـنـاجـیـ باـشـهـ موـمـیـاـلـیـهـسـنـ بـوـاـمـ
مـهـمـکـ تـکـمـیـلـیـ سـنـکـ عـهـدـهـ وـاـهـتـامـکـهـ تـفـوـیـضـ اوـلـنـشـدـرـ سـنـدـنـخـیـ کـالـ بـصـیرـتـ وـاـنـتـبـاهـ اوـزـرـهـ
حرـکـتـ وـاـخـرـاجـهـ مـأـمـوـرـاـوـلـدـیـغـثـ طـوـاـیـفـ عـسـکـرـیـهـدـنـ وـسـرـدـنـکـچـدـیـ اـغـالـرـنـدـنـ وـسـرـدـارـلـدـنـ
فردـ واحدـیـ قـوـمـیـوـبـ مـأـمـوـرـاـوـلـدـقـلـرـیـ اوـزـرـهـ عـلـیـ اـیـ حـالـ نـورـوـزـ فـیـرـوـزـهـ اـدـرـنـهـ صـحـرـاـسـنـدـهـ
تحـتـ لـوـاءـ زـسـوـلـالـلـهـدـهـ اـثـبـاتـ وـجـودـ وـبـالـفـعـلـ مـوـجـودـ بـولـنـلـرـیـهـ بـذـلـ قـدـرـتـ اـیـلـیـهـسـنـ
شـوـیـلـهـکـ سـرـدـنـکـچـدـیـ اـغـالـرـنـدـنـ وـسـرـدـارـلـدـنـ فـرـدـواـحـدـیـ قـوـمـیـوـبـ مـأـمـوـرـاـوـلـدـقـلـرـیـ اوـزـرـهـ
عـوـقـ وـتـأـخـيرـ وـطـمـعـ خـامـهـ ذـاـهـبـ اوـلـوـبـ نـفـرـاتـدـنـ فـرـدـ وـاحـدـ قـالـوـرـاـیـسـهـ بـوـاـمـ جـلـیـلـدـهـ تـقـصـیرـ
ایـدـنـ کـرـکـ آـغـالـرـکـ وـکـرـکـ سـرـدـارـلـرـکـ وـکـرـکـ نـفـرـاتـکـ باـیـ حـالـ الـهـ کـتـورـیـلـوـبـ مـحـکـمـ قـلـعـهـبـنـدـ
وـاسـمـ وـرـسـمـلـرـیـلـهـ عـرـضـ وـاعـلـامـ اـیـلـیـهـسـنـکـهـ حـقـلـرـنـدـهـ نـوـجـهـلـهـ فـرـمـانـمـ صـادـرـاـوـلـنـوـرـاـیـسـهـ مـوـجـیـلـهـ
عـمـلـ اوـلـنـهـرـقـ وـاـنـشـاـ اللـهـ تـعـالـیـ صـوـبـ مـأـمـوـرـهـ وـاـصـلـ اوـلـنـدـقـدـهـ جـمـلـهـدـنـ کـیـرـوـقـالـمـیـوـبـ سـفـرـهـ
مـأـمـوـرـ اوـلـنـلـرـکـ عـقـبـلـرـیـنـ اوـلـوـبـ بـرـدـنـ اـیـکـیدـنـ کـیـرـوـقـالـمـشـ وـارـاـیـسـهـ اوـکـنـهـ اوـلـوـبـ سـوـرـوـبـ
کـتـورـوـبـ صـادـرـ اوـلـانـ اوـاـمـ شـرـیـفـهـمـ مـوـجـبـلـنـجـهـ اـتـمـ خـدـمـتـهـ تـقـیدـ اـیـلـیـهـسـنـ سـنـدـنـخـیـ بـرـکـوـنـاـ
قصـورـ وـتـکـاسـلـ وـیـاخـودـ بـرـفـرـدـهـ مـسـاعـدـهـ اـیـلـدـوـکـ استـمـاعـ اوـلـنـوـرـاـیـسـهـ عـدـمـ تـقـیدـ وـطـمـعـ خـامـهـ
حملـ اـیـلـهـ مـظـهـرـ عـتـابـ اوـلـنـهـجـغـثـ مـقـرـرـدـرـ اـکـاـکـورـهـ حـاقـبـتـ اـنـدـیـشـ اوـلـوـبـ خـلـافـنـدـنـ حـذـرـ
ایـلـیـهـسـنـ دـیـوـ بـالـفـعـلـ درـکـاـهـ مـعـلـامـ یـکـیـچـرـیـ آـغـاسـیـ اوـلـانـ وـزـیرـمـ عـبـدـالـلـهـ پـاشـاـ طـرـفـنـدـنـ مـهـرـلـوـ
مـکـتـوبـ وـیرـلـکـهـ وـجـهـ مـشـرـوحـ اوـزـرـهـ عـمـلـ اوـلـنـقـ بـاـنـدـهـ فـرـمـانـ حـالـیـشـانـمـ صـادـرـ اوـلـنـشـدـرـ
فـاـخـرـ بـ ۱۱۵۰

ضابطانه و بلوکات اربعه اغوات و ضابطانه و سپاه و سلاحدار نفراتی ضابطانه وایالت والویه
الای بکیلرینه و سردنگچدی اغالرینه و سواری و پیاده طوایف عسکریه ضابطان و رؤسائمه
و با جمله افراد عسکریه یه حکم که

نقض عهد ایدن مساقو کفر هست که ممنحو سنه کرفتار اولان اوزی قلعه سنک اوزرینه
واریوب ملاعین خاسرینه اظهار شوکت اسلام او لندق واجبه ذمت دین میین اول مقدن ناشی
سنکه سر عسکر مشارالیه من معیتکه مأمور اولان اجناس عسکریه ایله قلعه من بوره نک محاصره
و تضییق نه بوندن مقدم سن نامزد اولما کله مقتضای شیمه حیت و شجاعتک او زره قربت
شتا یه با قلمیرق متوكلاً علی الله و مستمرًّا عن روحانیة رسول الله قلعه من بوره نک اوزرینه توجه
وعزیمت و بی محابات ضییق و محاصره سنه مبادرت و یانکده اولان با جمله اجناد غیرت اعتیاد اسلامیه
ایله مراسم اتفاقه رعایت ایدرک اظهار جلادت ائمک حسینیه مدافعه نیت فاسدیله بالدفعات طشه
چیقان ملاعینی شیخان حیت نشان اسلامیه طعمه شیر شمشیر و قلعه من بوره نک نزع و تخلیصی
خصوصنده و ابتدای محاصره دن انتها سنه وارنجیه دک عدوی دین میینه کوز آجدیر میوب تضییق
و تنکیلر نده ظهوره کلان مردانه حرکت و غیورانه هجوم و صولتی دشمن دینی خلاص
ونجات دن مأیوس ایتمشیکن بتقدیر الله الملک القدیر حلول شتا و ظهور شدت سرمادن ناشی
غزات مؤمنین مترسلر ده طور مق قابل اولیوب با جمله طوب وجبه خانه و مهمات و سائر لوازم
و ادوات استصحاب و دشمنه بر نسنه براغل مقسیزین هیأت مجموعه کز ایله عودت اولند بیغی
بو دفعه اعلام و انها اولیش (ذلک تقدیر العزیز العلیم) بر مصدق (الامر مرهونه با وقتها)
تو فیق عنایت رب قدر ایله قلعه مرقومه نک و قتیله فتح و تسخیری دخی الطاف آله دن
مسئول و جنود غیرت موجود اسلامیه نک جان و باشه با قیه رق دین میین و دولت ابد مکینم
اغور نده بو کونه وجوده کلان حیت و غیرت و شجاعتلری مقدمه فال خیر عدا لندگله جمله کز ک
سنونه ایدن خدمتلری کز مقبول و سعیلری کز مبرور اول مشدر بر خوردار اوله سز
(الحرب سجال) فهواستجه بودفعه واقع اولان حوادث کونیه دن ناشی قلعه من بوره نک
نزع و تسخیری وقت آخره قالدی دیه اصلا و قطعا قلمیری کزه قتور و کلال کتیر میوب
ینه کلاول قوى القلب و جرى الخاطر اوله رق محافظه سنه مأمور اولد و غنکز محلاره واروب
اول بهاره دک امر محافظه یه قیام و فیا بعد دخی خدمات مبروره اظهارینه اقدام ایلکز
فرمانم اولمغین اشبو امر شریفم اصدار و ... ایله ارسال اولنشدر ایدی وصولنده
سنکه سر عسکر مشارالیه سن اق کرمانده عمر پاشا معیتیله یانکه واروب عسکره و بلوکات

اربعه خلقنه ينه ميرميران مومنياليك معينيه وکلی واسماعيلدن کيدنلر دخی باش بوغليمه محللرينه کيتمڭ اوزره اذن ويروب آنلري يرلرينه ارسال ويائىق پلنقه محافظه سندە أوللنلى دخی پلنقة مرقومده محافظه ايجون آليقويب دشمن طرفندن غاڭلە چكلميە جڭ وجهمه بعنایة الله تعالیٰ پلنقة مزبورەنڭ محافظه سندە كركى كې نظام و استەتكام ويردكەن ماعدا معينىكلە بىندردن كيدن عسا كر اسلام ايلە سندخى بىندرە كلوب كافى الاول اول بهارە دك محافظه قلعه و مملكته قيام وجهمه ايلە اتحاد ايدرك اول حواليلرڭ محافظه و محارسە سندە اقدام وسر عسکر لكە مترب اولان امورك كايىسىندە خدمات مشكۈرە وجوده كتورمكە اهتمام وبودفعه ابرائىل طرفندە محافظه يە مأمور اوزى واليسى وزيرم محمد پاشا و كذلك آقىرىمان محافظه سندە مأمور وزيرم حسين پاشا واساقچى محافظه سندە مأمور ايچايىل سنجاغى متصرفى مصطفى پاشا ايلە خېرشەرك اول طرفلىرى و بالخصوص آقىرىمان طرفلىرينه دخى دىدە كشاي بصيرت اولەرق هر ايشك اقتضا وقت وحاله كورە تمشىتنە صرف وسع مالا كلام ايلىوب و ممکن اولدىچە و دين جانى سر عسکرى وزيرم محمد پاشا ايلە دخى مکاتب و مخابرەن خالى اوئمىيەرق بىرىيكمۇك حركات و سكينا تىندن خېر و آكاھ اولەرق سندن مأمول هايدىن اولدىغى اوزره شان وشوكت اسلاميە يە لايق وضع وحركت ايلە لازم الانبا احوال و آثارى پىدرپى اعلام واشارت ايلىيەسەن وسزكە سر عسکر مشارالىيڭ معينىندە اولان ميرميران كرام و اوچاقلىم ضابطاني وايالات والويه آلاي بىكىرى وپيادە وسوار اصناف عسکريه ضابطاني وباجلمە افراد عسکريه قوللارمىز بوبابدە جەلە كىزك سېقت ايدن امك وزحمت وغىرت وحىيتىكىز يكان يكان معلوم هايدىن اولوب سعىلىييكمۇك مشكۈر اولىشىر كورەيم سزى فيا بعد دخى سر عسکر مشارالىيڭ هر حالدە رأى رزىن اصابت قرييەنە متابعت و بىندر قلعه سندەن واطراف و حوالىسىنە حفظ و حراسىت دقت وسزى هرنە خدمتە مأمور ايذر ايسە امر و رأى اوزرە حرکت ايلىكىز بابنە ۱۱۵۰ اواسط ب

- ۱۱۲ -

ودين سر عسکرى وزير محمد پاشايە حكم كە

بوندن اقدم نقض عهد ايليان نىچە ومسقو كفرەلرندن بعون الله الملك المتعال بوسال ميمنت اشتالدە ممکن مرتبە اخذ انتقام وطرف طرف اظهار شوكت اسلام اولنوب سندە آتىيەدە ملاعىن خاسرىيە توفيق و عنایت رب عزت ايلە كوشمال ويرلىك وارتىكاب ايلەكارى

نقض عهده و خامته کوسترملک ایچون قوی و کلیتو تدارکاته مباشرت و امور سفریه ترتیباته
 دقت او لنق اعظم واجبات دینیه دن اول مقدن ناشی بویله امور عظیمه نک ترتیب و تسویه هی
 اردوی های یونک بر آن اقدم آستانا سعادتم طرفنه وار مسنه منوط و سرحدات اسلامیه نک
 دھی تنظیم و تحکیمی وزرای عظامک کارکذار وحیت شعار لرندن بر وزیرک سواحل
 طونده مناسب اولان محله رده و با خصوص آق کرمانده اقامت برله اطراف و جوانبه دیده
 کشای بصیرت اولملرینه مربوط اول دیغنه بناءً او زی والیسو وزیرم محمد پاشا ابرائیل محافظه سنہ
 وزیرم حسین پاشا آق کرمان محافظه سنہ واچ ایل سنجاغی متصرفی وزیرم مصطفی پاشا
 دخی اساقیده بعض امور مهمه تیشیتی ایچون ایوا و تقریر اولملریله دائمًا اطراف و جوانبه
 حواله جشم و کوش بصیرت و سنکه سر عسکر مشارالیه سن سنکله دخی مخابرہ و مکاتبه
 ایدرک اقتضاء وقت و حاله کوره حرکت ایملری کندولره توصیه و تنبیه و كذلك بدرجاتی
 سر عسکری وزیرم کنج علی پاشا دخی سنکله مکاتبه دن خالی اولیه رق و ممکن اولدیجہ
 بربیکزک حرکات و سکناتندن خیر و آکاه اوله رق ابراز غیرت وحیت اولنسی سر عسکر
 مشارالیه سپارش و تفهمیم اولندوغندن بشقه مقدما افلاق سمتنه مأمور اولان آفسرای
 و آق شهر سنجاق لری متصرفی مرتضی پاشا قوتپولق نام محلدن وایه دار اولدیجی فوز و ظفر دن
 صکره اولتی صویغی عبور ایدوب افلاق رعایا سنندن مقدما وحالا طرفکه واروب الحاقی
 قبول برله باشترنے قلپاچ الباس اولنانلره و سائر رعایادن دخی دائرة اطاعتہ دخول ایدنلره
 تعرض اولنامق وجهیله انجق پا بر جای مرکز عناد و اصرار اولان معاندلرینک زجر
 و تنکیل و مملک انقیاده صرف و تحویل ملرینه مبادرت ایلسی خصوصی دخی بوندن مقدیجہ
 میرمیران مویی الیمه امر شریفمه تنبیه و تأکید اولنشدر لکن الحالة هذه سن ذاتکده
 اولان غیرت و شیجاعت مقتضاسنجه مستعيناً بالله و متوکل علی الله معتبرکده اولان اجناد
 اسلامیه ایله فتح الاسلام و ایرشوه جانبیه راهم و راهی اولما کدن ناشی اولحوالیلرک کافه
 امور و خصوصی سنک کردن اهتمام و رویت و عهده اقدام وحیتکه احاله قلنمقله میرمیران
 مویی الیه دخی بودفعه طرفکدن خبر و رو دینه منتظر اولوب و فیا بعد هر امور ده سنک امر
 و رأیکله عمل و حرکت و كذلك بکرش محافظه سنده اولان ابراهیم پاشا و افلاق و یوده هی
 بعدالیوم هر خصوصی سنک امریکه متابعت ایملریچون بشقه بشقه او امر شریفه مله تعلم
 وتلقین اولنگله اعلام حال ایچون اشبو امر شریفم اصدار و ... ایله ارسال اولنشدر
 ایمدى وصولنده سنکه سر عسکر مشارالیه سن سنک رشد و کیاست و غیرت و حماسه که

معلوم و مشهوداً ولوب سکا هر حالده اعتماد او لمنقدن ناشی اول حواليلرك کافه امور و خصوصی دوش بسالتكه حواله قلمغله کورهيم سی الطاف خفیه الله به اعتماد و روح پرفتوح جناب رسالت پناهدن استمداد ایله توجیه وجهه عزیمت ایلدیلک کار خیرک حصولنه منطقه بند همت و بو خلالده بتوفیق الله تعالی قره افلاقت دخی قبضه تسخیره کتوردامنه وبعد التسخیر امر محافظه سنک تسویه و ترتیبینه واقتضاء وقت و حاله کوره میرمیران موئی اليهایه و افلاق و یوده سننه طرفکدن خبرلر کوندروب رأی رزین صوابدیدک اوزره اعمال واستخداملرینه مبادرته و سر عسکر لکه هترتب و عهده درایت و جلادتکه لازم ولا بد اولان با جمله امور و خصوصک تمثیت و تنظیم و ترتیب و تیمنه بذل مقارت و بروجه محرر ممکن مرتبه بند سر عسکری و ابرائیل و اساسچی محافظلری وزرای مشارالیهم دخی مکاتبه و مخابرہ دن خالی اولیه رق و بربریکزک حرکات و سکناتندن خیر و آکاه اوله رق سندن مامول و ملحوظ هایونم اولدیغی اوزره هر حالده خدمات مبروره و مسامعی مشکوره وجوده کتوردکه صرف مکفت ولازم الانها و نوبنو ظاهر و بدیداولان احوال و آثاری اعلام و اشارت ایلک با بند.

اواخر ب ۱۱۵۰

اخلاف السلاطین النظام اشراف المؤمنین الكرام المحظوظون بمزيد عنایة الملك الممتاز سلاطین جنگیزیدن ... سلطان و ... سلطان زید علو همه حکم که
حالاً و دین جانی سر عسکری و زیرم محمد پاشا ذاتنده اولان غیرت و حمیت مقتضاسنجه
بو خلالده مستعيناً بالله و متوکلاً على الله و دیندن حرکت و فتح الاسلام وايرشوه جانبیه
سوق کتیبه عزیمت ایدوب و اول حواليلرك کافه امور و خصوصی سر عسکر
مشارالیهک رأی و تدبیرینه احاله او لمنقدن ناشی مقدمًا افلاق طرفیه مأمور اولان
آق شهر و آقسراى سنجاقلری متصرفی مرتضی پاشا و معیننده اولان عساکر اسلام
و كذلك بکرشده اولان ابراهیم پاشا و افلاق طرفیه مأمور اولان آق شهر و آقسراى
سنجاقلری متصرفی مرتضی پاشا و معیننده اولان عساکر اسلام و كذلك بکرشده ابراهیم
پاشا و افلاق و یوده سی اسکرلت زاده قسطنطین و یوده حاصلی او سمتلرده بولنان با جمله
طوابیف عسکریه ضابطان و رؤسای فیابعد هر خصوصده احواللرینی سر عسکر مشار
الیه اعلام و طرفندن نه کونه خبر ورود ایدر ایسه مقتضاسی اوزره حرکته قیام و اقدام

ایمکن اوصار شریفه مله جمله یه تنیه و تا کید و بو کیفیتler مخصوص مشار الیهه توصیه او لغه سز که سلطانان موئیالیهم سرز دخی بعدالیوم هر خصوصکزی سرعسکر و تفہیم او لغه سز که سلطانان موئیالیهم سرز دخی بعدالیوم هر خصوصکزی سرعسکر مشار الیهه افاده و اعلام ایدوب سزی میر میران موئیالیه مرتضی پاشا ایلهه تعین ایدر یو قسه کندی یانهه می جلب ایدر و یاخود اخر طرفه می مأمور ایدر و الحاصل هر نه شکل رأی و امر ایدر ایسه بلا تردد امر و رأینه متابعت ایدر ک دین هیان و دولت ابد قریم اغورنده سزدن مأمول اولدینی اوزره خدمات مبرور ما ظهارینه تقیینه نثار قدرت و دامن درمیان مکنت اولکز فرمانم اولمغین اشبو امر شریفم اصدار و . . ایله ارسال او لغشدر ایدی وصولنده فرمانم اولدینی اوزره فیا بعد هر خصوصکزی سرعسکر مشار الیهه افاده و اعلام ایدوب سزی میر میران موئیالیه مرتضی پاشا ایلهه تعین ایدر یو خسے کندی یانهه دعوت ایدر یاخود اخر سمته می مأمور ایدر حاصل کلام نوجهله رأی و تدبیر ایدر ایسه رأی رزین اصابت قرینه متابعت ایدر ک سزدن مأمول و ملحوظ اولان غیرت و حیتی ابراز و اظهاره صرف اقتدار و سعی بیشمار ایمکن با بنده ۱۱۵۰ اواخر ب

- ۱۱۴ -

قره افلاقده اولان بویارک و رعایه حکم که

دولت علیه مله اولان صلحی نقض ایدن نمیچه ملاعینک المدینه کین مملکتlerی انتقام صاحبی اولان الله ذوالجلالک عون و عنایتی ایله ایادی منحوسه لرندن کالاول الوب ممالک اسلامیه یه ضمیمه ایتمک و عهدينه طورمیوب صلحی بوزمه نک ندامتنی کندولرینه بیلدیرمک نیت صادقه سیله با جمله اهل اسلام اتفاق و اتحاد اتملیله دشمن مملکتندن کیده بیلدکلری محله دک آقین ایدوب کندولین قتل و مالرک نهب و اولاد و عیالرین اسیر ایدر ک و اوکارینه کلن یرلری یاقوب یهرق فضل حق ایله جهانی باشلرینه تک و طارا تمک اوزره بو قیش طرف طرف مملکتlerینه عساکر اسلام و یخد تاتار عسکری کوندریلوب و اول بهار ایچون دخی بر قاج قولدن یورنمک وجهیاه قتی و افر عساکر اسلام تجهیزینه و بی نهایه طوب و مهمات حدلرینی بیلدیرمک ایچون کوکل بولکی ایله قیام و هجوم اولنه جنی مصمم و مجزوم اولوب و بویله وقتله دولت علیه مه اطاعت ایدنلرک مال و جانلرینه قطعاً ضرر دوقنیوب او مقوله لر حایه پادشاهانه مده اسوده و کمال امن و راحتده اوله کلدکلری اوته دن برو محرب

و معلوم اولمقدن ناشی ایچلریکزدن بو کیفیتلری فهم و درک ایدن عقلاً کز مقدبجه دورانوب
جسته جسته و دین جانبی سر عسکری و زیرم محمد پاشانک طرفنه واروب اطاعت و انقیاد
ایله دولت علیه رعایالغن قبول ایتملریله سر عسکر مشـار الیه دخی کندولرینه قالپاقلر
کیدروب و حمایت و صیانتلرینه اهتمام اوزره اولـدـیـغـن و بعده کـتـخـدـاسـی اولان حسین
پاشایی قـرـالـوـهـیـهـ کـوـنـدـرـرـکـنـ اـنـدـهـ اـولـانـ نـیـچـهـلـوـیـ قـیـلـچـدـنـ چـحـوـبـ رـعـایـاـ مـقـوـلـهـ سـنـدـنـ اـمـانـ
طلب ایدنلره رأی ويردوکن رکاب همیونه بـیـلـدـرـمـکـلـهـ جـاـبـ هـمـیـوـنـدـنـ دـخـیـ اـطـاعـتـلـرـیـ
مـقـبـولـ وـ مـجـرـدـ فـقـرـایـ رـعـیـتـهـ صـرـحـتـ وـ شـفـقـتـ مـلـوـکـانـهـ مـبـذـولـ اـولـمـقـدـنـ نـاـشـیـ اوـ مـقـوـلـهـ لـرـهـ
رأـیـ وـ وـرـیـلـوـبـ اـحـالـةـ هـذـهـ اـولـ طـرـفـلـرـ کـافـهـ اـمـورـیـ سـرـ عـسـکـرـ مشـارـ الـیـهـ حـوـالـهـ اوـلـنـدـیـغـنـهـ
بنـاءـ بـوـ دـفـعـهـ قـوـنـپـوـلـقـ طـرـفـنـدـهـ اـولـانـ مـرـتـضـیـ پـاـشـاـ دـخـیـ یـنـهـ سـرـ عـسـکـرـ مشـارـ الـیـهـ اـمـرـ
وـ رـأـیـلـهـ حـرـکـتـ اـیدـرـکـیـانـدـهـ اـولـانـ قـتـیـ وـافـرـ کـزـیـدـهـ عـسـاـ کـرـ اـسـلـامـ وـ تـاتـارـ عـسـکـرـیـلـهـ اـوـلـتـیـ
صـوـبـیـ چـحـوـبـ فـیـ الـاـصـلـ مـلـکـ مـوـرـوـثـمـ اـولـانـ قـرـهـ اـفـلـاقـ دـوـلـتـ عـلـیـهـمـ طـرـفـنـدـنـ ضـبـطـ اـیـمـکـ
اوـزـرـهـ مـأـمـورـ وـ تـعـیـنـ قـلـنـمـغـلـهـ اـکـاـ دـخـیـ دـوـلـتـ عـلـیـهـمـکـ اـطـاعـتـنـیـ قـیـوـلـ اـیدـنـلـرـهـ رـاـیـ وـ وـرـمـکـ
وـ اـنـلـرـکـ مـالـ وـ جـاـنـلـرـیـهـ وـحـهـاـ مـنـ الـوـجـوـهـ ضـرـرـ اـیـرـیـشـمـیـهـ جـکـ وـ قـوـرـقـولـرـدـنـ اـمـینـ
اـوـلـهـ جـقـ وـ جـهـلـهـ حـمـایـتـ وـصـیـانـتـلـرـیـنـهـ اـهـتـامـ وـ دـقـتـ اـیـمـکـ وـ اـطـاعـتـیـ قـبـولـ اـیـمـیـانـلـرـکـ کـنـدـولـرـینـ
قتـلـ وـ اـوـلـادـ وـ عـیـالـلـرـینـ اـسـیرـ وـ مـالـلـرـینـ آـلـمـقـ اوـزـرـهـ فـرـمـانـهـمـیـوـنـهـ تـبـیـهـ اوـلـنـغـلـهـ رـحـاـفـقـرـاـسـنـهـ
اـولـانـ مـرـحـتـ وـ عـنـایـتـ شـاـهـانـهـ مـدـنـ نـاـشـیـ مـقـدـبـجـهـ بـوـ کـیـفـیـتـلـرـدـنـ سـزـیـ خـبـیـرـ وـ اـکـاـهـ اـیـمـکـ
ایـچـونـ اـشـبـوـ اـمـرـ شـرـیـفـمـ اـصـدارـ وـ طـرـفـکـزـهـ اـرـسـالـ اوـلـنـشـدـرـ اـیـمـدـیـ وـصـوـلـنـدـهـ دـوـلـتـ
عـلـیـهـمـکـ اـطـاعـتـنـیـ قـبـولـ اـیدـفـلـرـ کـالـ اـمـنـ وـ رـاـحـتـدـهـ وـ اـطـاعـتـدـنـ نـکـوـلـ اـیدـفـلـرـ نـهـایـتـ قـهـرـ
وـ مـلـالـتـدـهـ اـوـلـهـ جـقـلـرـینـ فـکـرـ وـ مـلـاـحـظـهـ اـیـدـوـبـ مـالـ وـ جـانـ وـ عـیـالـ وـ اـوـلـادـ کـزـکـ خـلاـصـ
وـ سـلـامـتـیـ سـزـهـ لـازـمـ اـیـسـهـ بـرـ اـنـ اـوـلـ دـوـلـتـ عـلـیـهـمـکـ اـطـاعـتـنـهـ کـرـ کـهـ سـعـیـ اـیـدـوـبـ کـنـدـیـکـزـیـ
وـ اـوـلـادـ وـ عـیـالـکـزـیـ عـسـاـ کـرـ اـسـلـامـکـ آـیـاـقـلـرـیـ آـلـتـنـدـهـ چـیـکـتـمـیـوـبـ زـیرـ حـمـایـهـ شـاـهـانـهـ مـدـهـ
محـمـیـ اـوـلـغـهـ مـبـادرـتـ وـ اـحـوـالـکـزـیـ سـرـ عـسـکـرـ مشـارـ الـیـهـ بـیـلـدـیـرـمـکـهـ دـقـتـ اـیـدـوـبـ خـلـافـنـدـنـ
بغـایـتـ حـذـرـ وـ مـجـانـبـتـ اـیـلـیـهـ سـرـ شـوـیـلـهـ بـیـلـهـ سـزـ .ـ فـیـ اوـاسـطـ بـ ۱۱۵۰ـ .